


# NUDI NwAMBA

## NE EWU NGANYÌ?

 Mwoyi wènù mu dindà emu, balundà bàànyì. Ndi bushùwà ngùumvwa ne eci ndyèsè bwà kwikala kaaba aka mu èkèleezìyà emu. Nènku ndi munangeku dìnà dyèndè twamb'eku twamb'eku. Ùdi ùbìikidiibwa ne “Dìnà Dyà Yesù.” Ntu munange aci. Ne ndi—ndi ngèèla meeji ne aci's—aci's... Ki Dìnà dyàkampikulà, Dìnà dilenga dyà Mukalenge Yesù adi. Nènku pashìishe kudisanganamù ne balundà bàànyì bìmpè, badìsangisha mwab'ewu mu dindà dilenga dyà dyàlumingu edi, ànu munwemu mu Phoenix emu, Ncyènà mumanye mungà mwaba ùmvwà mufwànyine kwikala to, pakuumusha mu Butumbi biikàle neenù bônso. Kàdi aci's ke mwanda munène utùdì bindìle òmwè ditùkù.

2 Nènku mvwa mupete di—dibìikila dyà mubèèdi, bwà kulwa mwab'ewu, leelù ewu. Kàdi mvwa ngàakula ne Mwanèètù Outlaw, mulundà wanyì wa mushinga mukolè, ke yèyè—yèyè kumbìikidisha ne musàngèelu wónso bwà—bwà kulwa's. Ne bambi bwónso bàà ku Phoenix eku mbantu bìmpè be kùndì.

3 Ntu ndikonka misangu mikwàbò bwà cinyi mvwa muye ku Tucson. Ndi nsanganyiibwa kuntwaku kukaadi bidimu bisàtù, kàdi kabàtukù banji kumbìikila ku cyambilu nànsha cìmwè to. Nànku ndi ncinka ne ndi ne... bikèngela ànu ndwe ku—kukùmbulangana kunweku ku Tucson... anyì kunweku ku Phoenix eku, kùndì ndyùm vwa mwakidila bìmpè. Èè, pàmwàpa nebìibidilangane naanyì yìmwè... Nudi bamanyè's, ngakayiisha lwà kuntu kwàka dilòòlò adi, ne kuyiisha mèbà àsàtù bulubulu; kabyèna bikèmeshà to pàdìbo kabàyi bambìikidishè bwà kwalukila.

4 Kàdi ndi ne—njiyà yà mùshindù awu munda mwà mwoyi wànyì bwà Nzambi ne cisàmbà Cyèndè. Kàdi ntu ne lujòkò lwà kacya, ne ntu—ntu ncìina ne nkwèpì kungààlwà kushiya cintu ne ncìyi ngamba bikùmbane, nànku ndi ngèèla mayiisha matwè ku àsàtù anyì ànaayi mu òmwèpelè. Nànku ntu bulelèlè... bwènù nwènù bàvwà bàsanganyiibwa kuntu kwàka, ndi nnùlòmba luse bwà dinùlama ntàntà mule. Kabìvwa bikèngela bwà mèmè kwikala mwenzè nànku to.

5 Nènku ndi kàbìdì ne disànkà mu dindà emu bwà kwikala kaaba aka ne Mwanèètù Carl Williams, ne Jimmy wa kànà ewu, ne kòralè, ne mulundà wanyì wa ku bàna bèètù ba-Mosley; mmòna Brad, Mwanèètù John Sharrit, ne bààbùngì bàà ku balundà bàànyì; Mwanèètù Pat Tyler, ewu, mufùmìne

ku Kentucky kwàka, ne—ne—ne balundà bààbúngì be ànu bwà kudisangisha mu—mu disangisha edi mu dindà emu. Nwamònu's, mumòne balundà bàànyì bààbúngì bàà ku Tucson ne bakwàbò, basòmbe kaaba aka.

<sup>6</sup> Ndi ngèèla meeji bwà, òm̀wè ditùkù pùkàla byònsò ebi bijike, díbà adi netùsangile mwaba wutwikala... katwàkwikala... katwàkwikala—katwàkwimanyika ditèèleja dyà mìjìkì mimpè eyi to, nudi numòna's. Ndi mfuma kudimòna ne mwànà wa balùme wa Mwanèètù William, udi musòmbele lwà paanyimà pàpa wàwa, ngwàkàfila bujaadiki dilòlò kampànda ku Ramada Inn awu. Nènku ndi ngèèla meeji ne ùdi ànu bule bwipacila ku metèlè àbìdì nànkù awu. Kàdi ndi nnwàm̀bìla, paanyimà pàà bujaadiki abu, ngèèla meeji ne wàkàfika bule bwà metèlè àsàtù. Ùwva ànu... Ncyà bushùwà ne ngààkanyisha cyàkambà nsongààlùme awu, bujaadiki kaayi bwà dikèma's wè.

<sup>7</sup> Pàndi ngùumvwa nsongààlùme milenga yà bitende eyi munaci mwà kufila bujaadiki bwà diitabuuja dyàyi didì dyelèle miji mu Kilistò... Kàdi ndi—ndi ngènda nkùlakaja, ne ndi... òm̀wè ditùkù nebíkèngele bwà—bwà—bwà ngimanyike ne nye Kumbèlu. Nènku pa kumòna nsongààlùme eyi yenda yilwa midilongòlòle, ne munkaci mwà kudilongolola bwà kwangacila mwaba ùndì nshìla awu... Nènku ke mutùsòmbèlè twenza nànkù. Ki mùshindù ùtu mwoyi wà pànu mulongòdìbwe nànkù. Bwà twètù... lukòngò kampànda nelùjuuke... ne taatù ne maamù. Nènku bàdi bàkolesha bânà bààbò bakesè, ne babàmòna mùdìbo bàsèlangana; ne bankànà bàlwa. Nènku paanyimà pàà katancì, ki Papa ne Maamù bàyaaya batàngile ku lupwishi aba. Nènku pashiishe, pa díbà adi mene, bânà bakaadi badìlongolole kàbìdì díbà adi bwà bankànà; ne pashiishe, ki bwòbò bàyaaya bàba. Kàdi nekwikalè dibìikà dyà ku lufù dinène, dyà bantu bònsò òm̀wè dyà ku matùkù àdì paanshì aa. Twètù bwònsò netùbìikidiibwè mu Bwikadi bwà Nzambì bwà kufila milubù bwà citùdi benzè ne cìvwà Nzambì mutùpèeshe: Yesù Kilistò. Ne pa nànkù, ndi ne disànkà dyàbúngì bwà kumanya ne mvwa ne mwoyi mu lukòngò elu pàm̀wè ne musùmbà mulenga wà bantu, bàdi mu buloba bujimà, bándì mutwilàngàne naabù. Ndi—ndi ànu—ànu nsàkididila Nzambì. Nènku dìngà ditùkù pààlwà díbà dyà dibìikidiibwa dyànyì, èè, nèn—nèngìkale ne cyà kutuutakeena ne byenzedi bingààkenza. Ndi muswè bwà byònsò bìikalè bwà butùmbi ne luumù lwà Nzambì.

<sup>8</sup> Kùdi bintu byàbúngì bu mùndì... mutùdi twenda tuseemena ku Cidimu Cipyacipyà bìndì—bìndì njinga ne mvwà mwà—mwà kubipwa mwoyi, kàdi ndi mumanyè ne ndi muMutondelebi ne mbibi ne—ne Yèyè mmubyele mu Mbù wa Cipwàm̀wòyi, ne Yèyè kààdyàkubìvùlukakù kàbìdì nànsha. Mpindyewu nwamònu ne, twètù katwèna benza mu mùshindù awu to, netwikale ànu tuvùluka. Tudi mwà kufwilangana luse muntu ne mukwèndè, kàdi katwèna—katwèna mwà kubipwa mwoyi to bwalu tudì—

tudi—tudi benza mùshindù mushiilàngàne. Kàdi Nzambi ùdi mwà kubifwa luse ne kubipwa mwoyi. Udi ànu mwà kubikùpula byenze ànu bu ne kabìvwakù to. Nwamònu anyi? Bwalu Yéyè ùdi ne mùshindù wa kufika ku Mbù wa Cipwàmwòyi awu, kàdi twètù katwèna mwà kufikakù to. Anji elààyibi meeji ku bwalu abu, ne Nzambi kènà nànsha mwà kuvùluka ne twètù aba tutukù benze mpèkaatù to. Elààyibi meeji ku aci's! Nwènù nsongàalùme, yà mu kòralè, ambààyibi bu . . . nudi nwamba bishi bwà bwalu abu? Nzambi kènà mene ùvùluka ne tutukù benze mpèkaatù nànsha. Nwamònu's, Yéyè ùdi mwà kupwà mwoyi cintu cyònsò mu kaabujimà, ne kàadyàkucyàlujakù kàbìdì mu civùlukilu to. Aci kí ncifwànyìne kwikala cintu kampànda anyi?

<sup>9</sup> Eci kí mmwaba wà kwelelakù bilèlè nànsha. Ncìtu ngiitabuuja mu byà dinèka anyi dyela bilèlè ku . . . Bìdi bimvùlwija mu—mulundà wanyì kampànda. Úkaadi muyè mu Butùmbi patùdi twakula apa. Kàdi yéyè—yéyè wankandondela bwalu bukesè musangu kampànda, bwà ba—babàke kampànda bàvwà bamwangale baye mu cimenga ne . . . bafùmine ku musòkò. Nèku bàvwa ne . . . Babàke bàà bitende aba bàvwa ne taatù mununu, nèku yéyè awu ùvwa bulelèlà ùlàkuka kapyà bwà Nzambi. Ki inábànza wa citende ewu (awu's ùvwa ntatwèndè, kùdì . . .), nàнку mukàjì awu ùkaavwa mukabwele mu bantu bàà milongo mishidimùke. Nudi bamanyè's, mu mwaba munùdi ne mishindù yònsò yà manàyi à bantu bashidimùke ayi. Nàнку awu, ùvwa ne cyà kwenzeja dicyonkomoka dyà mùshindù kampànda ditùkù adi kwèndè kumbèlu.

<sup>10</sup> Nèku—nèku wèndè—papa wèndè, paanyimà pàà yéyè mumane kumupèèsha cyà didyà cyèndè cyà mundaamuunyà, mòna's, yéyè—yéyè ùvwa mwà kwangata Bible ne kuya mu cibambalu cyèndè ne ùvwa mwà kubalakù katançi. Kàdi ùvwa mwà kuMutèèka paanshi, ne kubanga kudila, ne kwela mbilà, ne mikunda, ne kutungunuka ne kwenza maalu à lukutukutu, ne kubika kàdi kwasa manetè èndè kwisù bwà kutungunuka ne kubala kàbìdì. Pashiishe pàdiye upeta cintu kampànda, nèku ùdi ùtèèka manetè èndè paanshi ùtwàdija kudila ne kwela mbilà. Ke mukàjì awu ne: "Aci's necinyangkaje difestò dyànyì nàнку ndi—ndi—ndi ne cyà . . . ndi ne cyà kwenzela Papa cintu kampànda, kàdi ncyèna mumanyè cyà dyenza to." Nàнку ki kupàngadikaye bwà ne ùvwa mwà kumulekela ubànda ku nzùbu wa kuulu, ne pààfikaye kuulu aku—lwà kuulu aku ku—ku mwaba awu.

<sup>11</sup> Nèku—nèku yéyè kufika ku dyela meeji ne: "Èè mpindyewu, ncyèna mwà kumupèèsha Bible wèndè ewu to, bwalu yéyè neénzè cintu cìmwècìmwè aci kuulu aku." Ki kumupèèshaye ànu mukànda wà kale wà Maalu à buloba, kàdi kumutùmayè kuulu aku. Yéyè ne: "Papa, tàngilà fòtò yà buloba bujimà ne bintu ebi patùdi munkaci mwà kwenza difesto dyètù

apa.” Ke yêyè ne: “Katwàkunengesha maalu to. Netwikale—netwikadilè lwà mwinshì emu. . . Wêwè neütüülukè pashiishe.” Yêyè ne: “Ndi mumanyè ne kwêna muswè kunyüngulukila mwaba ùdi bakàjì bwónsò abu bàsanganyiibwa to.”

<sup>12</sup> Yêyè ne: “To, abi mbîmpè, munanga wanyì. Nêmbande—nêmbande kuulu aku.”

<sup>13</sup> Ki taatù. . . Mwa bâna kumulongolwela bukênkè ne mwaba mukesè. Ki kudyâmbidilayè ne: “Èè, aci—aci’s ncikòse bwalu. Mpindyewu, yêyè’s neâtàngile ànu fótó ne kubala ndambù byà—byà maalu à buloba, nènku díbà adi. . . nènku paanyimà pàà katanci neâtüülukè. Nènku nebiikale bîmpè.”

<sup>14</sup> Nànku ànu díbà dikaavwàbo munkaci mwà dinwà dyà maluvu ààbò à limonade awu, nudi bamanyè’s, ne munkaci mwà dicyonkomoka. . . Nkwenze ànu paanyimà pàà katanci, nzùbu kwànga kukanka, ki mukulampe kukütulangana ne lubilu ùbanda ùpweka kuulu aku mumônangane ne mikunda ne ditümpika. Ki—ki kudyâmbidilayè ne: “Cìdi cimwenzèkèle ncinyì? Kàwva ne Bible kuulu aku to. Aci. . . Ùdi ne cya kwikala mubàkùle Bible kampànda.”

<sup>15</sup> Ki kubàndayè ku bibàndilu, kwambayè ne: “Papa!” Yêyè ne: “Cyùdi ubala aci kî Bible to. Aci’s mMaalu à buloba.”

<sup>16</sup> Taatù ne: “Ndi mumanyè nànku, munanga wanyì. Ndi mucimanyè! Kàdi” yêyè kwamba ne, “udi mumanyè’s, ditükù adi mvwa mbala mu Bible mwaba wùvwà Yesù mwambè ne Yêyè wàkeela mpèkaatù yètù mu Mbù wa Cipwàmwòyì, wamònu’s, ne kàwva mwà kuyivùluka kàbidì to. Nènku mvwa munkaci mwà kubala kaaba aka mwaba ùdìbo bàmba ne kabèèna nànsha mene mwà kupeta ndekeelu wa mwinshì mwà mbù to yimwè myaba, mu mùkàndà wà Maalu à buloba ewu.” Yêyè ne: “Anjì elà ànu meeji ne, yicìdi ànu yènda yìya.”

<sup>17</sup> Aci’s ki cìvwà cimwenza disànkà. Pa nànku udi mwà kusangana Nzambì mwaba kanà wónsò ùdi utàngila. Nwamònu’s, bu wêwè ànu mwà kukenzakana, bintu byónsò nebyàkule bwà bwalu Bwèndè.

<sup>18</sup> Mpindyewu mu bulelèlà, ne meeji matòoke wónsò, mvwa—mvwa mwabile Mwanèètù Outlaw ne: “Nèngàakule pa cinyì mu dindà emu? Ukàadi mwakule pa mukenji wèbè wà Noël anyì?”

Yêyè ne: “Èyowà.”

Mémè ne: “Ne mukenji Wèbè wa Cidimu Cipyacipyà anyì?”

“To.”

<sup>19</sup> Nànku, mvwa ne tuntu tufùnda kaaba aka bwà mémè mwà kupeta dibìikila mwaba kampànda, nèngàakule Mukenji wànyì wà Cidimu Cipyacipyà. Mvwa ndyâmbidila ne mvwa mwà kushìila Mwanèètù Outlaw aci bwà wèndè mukenji, mu lumingu lùdi lùlonda elu.

<sup>20</sup> Nànku ki mémè kudyàmbidila ne pàmwàpa nènkamate pa cyena-bwalu cikesè mwab'ewu cidi cifwànyine kutulama bwà tusunsa tukesè, bu Mukalenge mwà kwanyisha. Nènku tudi batwishìibwe ne Yèyè neàtùbènèshè. Ndi muswè kusàkidila Mwanèètù Outlaw ne èkèleeziyà ewu, bwà dimbiikila mwaba ewu bwà kwakula kaaba aka. Nènku ndi... Bu mwàmbi Mwanèètù Outlaw, ne: “bulundà bwètù kabùtu bwanji kubùtuka to,” kàdi ngàsà wa Nzambì mmutùlamè munda mwà bidimu byònsò ebi. Ewu's ke èkèleeziyà wa ntwàdijilu ku dimbiikila, ke mémè kulwakù, kùvwa nku Phoenix eku.

<sup>21</sup> Ndi mumanyè... Ngèèla meeji ne ùndi mutàngila ewu mMwanèètù Trow, kaaba aka. Ncyèna mutwishìibwe to... udi musòmba kumpàla ewu. Mmwòmò anyi, Mwanèètù Trow? Ngèèla meeji ùvwa mwab'ewu cikondo aci. Ndi ne tùmwe tuntu tukesè twàkampèèshàye mu cikondo aci; tuntu tukesè... bàtu bàtwèngulula anyi cintu kampànda. Nudi bamanyè's, tuntu tukesè twà mikùba twà kuntweku mwaba unùdì basòmbèle awu. Nènku paùdì ukènzakana... Nènku ndi ànu ndìkonka mwikalabi mu dindà adi patwàsabuka dyàmwàmwà, nudi bamanyè's, ne biikàle mwà kumòna bantu... bàdi bàmba ne: “Èè, kwàka...” Nudi bamanyè's, netwikale tumwèka bashiilàngàne bikolè dībà adi, ne mutùdì mpindyewu emu. Netwikalè... Ncyà bushùwà. Katwàkwikala ne bimanyinu byà mpèkaatù nànsha bikesè anyi bukùlakàje to. Netwikalè bapwàngàne. Kaa, ndi njinga cikondo aci ne mwoyi mujimà (kàdi nwènu?) mwikala ntàtù yònsò mijikè.

<sup>22</sup> Nènku mpindyewu, ndi ne Mukenji wa kùdì Nzambì wùndi—wùndi ngùumvwa. Nènku ndi... Ncyèna muswè kwikala mushiilàngàne to, kàdi ndi ne cyà kwikala ne meeji matòòke. Nènku mémè ncyi mwà kwakula bìndì mutwishìibwe ne mbyòbì to, dībà adi kanwèna mwà kungeeyemena to. Bwalu ndi—ndi—ndi mufwànyine kutàmba kwikala mutungidyanganyi anyi mwena lubombo. Nènku ndi—ndi muswè kwikala cingà cintu pa kuumusha aci, nudi numòna's. Ndi mufwànyine kujimija ndambù wa balundà pa buloba apa, kàdi ndi—ndi muswè kushààla ne lulamatu ku bìndì mutwishìibwe ne mbyòbì, bwà cìndì mémè ngèèla meeji ne ncyà bushùwà.

<sup>23</sup> Mpindyewu, kukaadi bidimu, bìvwa bipeepèle pangàakatwàdijilakù; ne bimanyinu, ne mukenji, ne diyishi. Myaba yònsò bàvwa bangoolwèle mabòkò ne: “Lwàkù! Lwàkù! Lwàkù! Lwàkù!” Kàdi pashiishe, nudi numòna's, cimanyinu cyònsò cishùwashùwàlè cyà kùdì Nzambì eci cidi ne—ne Mukenji, ne Dìyi. Nwamònu's, Dìdi dicilonda. Byòbì kabìyi nànku to... Nzambì kàtu ùfila cintu kampànda mùshindù awu ànu bwà disànkà dyà kucifila nànsha. Yèyè—Yèyè ùdi ùtùma cintu kampànda kumpàla bwà kukòka ntèmà ku cidi Ye pabwìpi ne kwamba aci. Byenze ànu mutùdì ne misambu milenga yidi kòralè ewu mwimbe; civwa bwà kwenza cinyi? Kutùuyija bantu

bwà diyiiisha dilwalwà.

<sup>24</sup> Ki cìdì—ki cìdì cimanyinu cyèna ncyôci aci. Mòsà wàkadi ne bimanyinu bitwàkaakula dilòòlò kampànda adi, ne bimanyinu abi byàkadi ne Mèyi. Nènku...pàvwà Dìyi dyàkula...Yesù wàkapàtuka kàbìdì wènda wòndopa babèedi. Úvwà Muntu munène. Kàdi pààkafika cikondo cìvwà Mupròfeta awu—awu, uvwa pa buloba...Bwalu kabàvwà bapetèku nànsha umwe to munda mwà bidimu nkàmà yinaayi, kàdi's ki Yèyè ewu pa buloba munkaci mwà kwenza bimanyinu. Dìbà adi Yèyè úvwà “muntu mwímpè,” muntu yònsò úvwà Nendè dijinga. Kàdi pàvwà Mukenji wàkalonda cimanyinu aci (Dìyi adi)... pààkasombaYe paanshi dīngà ditùkù, ne kwamba ne: “Mémè ne Taatù Wanyì tudi Umwe.” Kaa, ekèlekèle! Aci—aci—aci cìvwà ncintu cishìllàngàne. Kabàvwà—kabàvwà baswè aci to. Nwamònu anyi?

<sup>25</sup> Ne aci...bàà pa buloba nànsha bishi bàdi ànu mùshindù awu, balundà bàanyi. Nwamònu anyi? Bwòbò...cintu kanà cyònsò cidìbo mwà kupeta aci, bwòbò mwà—bwòbò mwà kudikwàcisha naaci, nudi numòna's...Bwà ne bàdi—bàdi bumvwa nànkù pàdìbì ànu ne kacýèna cìbàtàcisha to, mòna's, bwòbò's—bwòbò's nebàcyenze. Kàdi pàdìbì bifika mu cikondo cyà ne bàdi ne cyà kushintulula meeji àbò pa maaluu aa, s'ki mwaba ùdi lutàtù lùbwelela awu.

<sup>26</sup> Mpindyewu, nwamònu's, tudi munkaci mwà kwibaka nzùbu, kí ncimanu to. Biibaki batu baswè kwenza ànu milongo yà màdyòto ne kuya bènda bàpwèka naayi ànu buludi. Mpindyewu, dīnà mwibaki yònsò ewu ùdi mwà kwibaka nànkù. Kàdi's bìdì bikèngela maanyimèèlà mulelèlè mupilùlùke bwà kwenza ditumba. Nwamònu anyi? Pàdìbì bikèngela bwà kukonya ditumba, s'ki cikondo cìdì cikèngela...bìdì bìleeja ne udi—udi bulelèlè mwibaki wa mabwe anyi to; paùdì mwà kukonya naawù ditumba, ne kulama ntùnginukilu wa bìdì bishààle byà nzùbu, kàdi kukonya ditumba's. Mpindyewu mmu matumba awu mùdì lutàtù lubangila. Biibaki mbaswè kutùnguka ne kwibaka bènda bàya buludi. Kàdi twètù katwèna munkaci mwà kwibaka cimanu to; kàdi, nanzùbu.

<sup>27</sup> Mpindyewu, patùdì tuseemena ku cyôci eci apa, mu dīndà emu, nwànsambidilaayikù, nènku nèngiikalè...Ntu misangu yònsò ànu nnùsambidila. Nènku mpindyewu, twinyikàayi mitù yètù bwà katanci kakesè cyanàànà mu Bwikadi bwà Yèhowàh Nzambì Munène awu. Nènku tudi tujungulula dipangila dyètù; twètù bwònsò's. Nènku kakwèna muntu mwab'ewu udi kàyì ne dikèngela nànsha. Nènku ndi ndikonka ne, patùdì munkaci mwà kusambila apa, ní kùdikù ní nganyì wa kunùdì mwikale ne dilòmbà dyà pabwàdì?

<sup>28</sup> Nudi bamanye's, Nzambì udi kàyì mikàlu awu, bu mungàmbì kaaba aka mu Phoenix ditùkù adi mu—mu disangisha emu...

Ànu mùdì tèlèviziyò, bìdì bìlwa, Kilistò ùdì mwab'ewu mu nzùbu emu mpindyewu. Nwamònu's, dinyungakana dyònsò dyùdì wenza adi, musangu wònsò ùdì utuuta mupòdi, kabyàkufwaku nànsha. Bìdì bìsanganyibwa mu mavwala à ether mu kapeepà mwàmwa. Tèlèviziyò kàtu ùkwàtakaja aci to. Ùdì ànu ùbàkula dinyungakana dyèbè adi, ne ùdìpàtula ku lumwènu kampànda. Cìdikù nànsha bìshì. Cìvwa ànukù misangu yònsò. Dinyungakana dyònsò dyùkaatùku mwenze dicidi ànu ne mwoyi, mu kapeepà. Mpindyewu nudi numòna citwikala ku cilumbulwidi anyi?

<sup>29</sup> Pa nàнку, Nzambì ùdì kaaba aka mu mùshindù ùmwèùmwè awu. Katwèna tuMumòna to, ànu mutùdì katùyì tumòna fòtò yà ku tèlèviziyò ayi to. Bìdì bìkèngela kalòndù kampànda anyi lumwènu lwà cintu kampànda bwà kubàkula dìyì adi, ne kupàtula fòtò awu ne bikwàbò. Cìvwa mwaba ewu pàvwà Adàmà pa buloba, kàdì twafùmu ànu ku dicisangana. Nzambì ùdì kaaba aka mu dindà emu. Ne òmwè dyà ku matùkù aa, mu Bukalenge bwà bidimu cinunu, netùmanyè. Neciikale ànu citàmbe kwikala cilelèlè kutàmbe tèlèviziyò ne bikwàbò, bwà ne Ùvwa ànu kaaba aka mu disangisha emu mu dindà emu.

<sup>30</sup> Mpindyewu patùdì...ne meeji awu, lamàayi mu mwoyi wènu cinùdì nukèngela aci, kàdì juulàayi ànu cyaanza cyènu kuulu kùdìYe. Udikù mwà kwenza nàнку anyi? Ambà ne: "Mukalenge,..." Nènku mu mwoyi wèbè, anjì elàbi meeji ku meeji awu.

<sup>31</sup> Mpindyewu, Taatù wa mu Dyulu, tudì ànu ne mùshindù ùmwèpelè wà diseemena ewu, ne ciine aci nku njila wa disambila. Nènku tudì—tudì tulwa mu Dìna dyà Mukalenge Yesù. Katwèna—katwèna bakùmbànyine kunungana Dìna adi, bwà kukwata naaDì mudimu to. Katwèna...mu mùshindù nànsha ùmwè twelaku meeji ne tudì bakumbane to, kàdì ànu bwalu tudì babiikidibwe bwà kucyènza. Nènku bamanyè eci, ne Yèyè wàkamba ne: "Nwènu balòmbe Taatù ní ncinyi cyònsò mu Dìna Dyànyì, Nèngiikale—Nèngiikale—Nèngiikale mwà kucyènza." Nènku tudì...piikalà diitabuuja dyètù mwà kwimana paanyimà pàa cyòci aci ciikàle Dìyì Dyèndè, ne DìdìYè adi, díbà adi tudì batwìshibwe bwà kupeta citùdì tulòmbe aci. Udi mumòne dilòmbe dyònsò. Udi mumòne cyaanza cyànyì. Udi mumanyè dilòmbe dyànyì.

<sup>32</sup> Nènku Taatù, ndi ndòmbe bwà yònsò wa kùdìbo. Bwà ne cintu cyònsò cidìbo bàkèngela aci...Mukalenge, ncyènà ngiitabuuja ne musumbà bu ewu mmufwànyine kulòmbe cintu kampànda cìbì to. Ncìfwànyine kwikala bwà cintu kampànda bwà ditancisha dyà bukalenge bwàbò, ncìfwànyine kwikala bwà dyondopiibwa dyàbò mene, ne mu dyenza nàнку, bàdì mwà kuswa, anyi dyumvwa dyàbò mene, bàdì mwà kuswa cyòci bwà bààmòna mwà kutancisha Bukalenge bwà Nzambi.

<sup>33</sup> Nènku ndi ndòmba, Nzambi, bwà ne dilòmba dyònsò dyà muntu kanà yònsò dyenjiibwèku. Bèshàku èkèleeziyà ewu, mpaasàtà wendè, bakwàci nendè bàà mudimu, ne balami, balubuludi, bidimba byèndè byònsò, bàdì batwendèle bwenyi, ne beenyi abu. Bwòbò kî mbeenyi to, Mukalenge. Twètù bwònsò tudi bânà Bèèbè ku ngàsà ne kùdì Kilistò. Nènku tudi tulòmba bwà Ùtùpèèshèku mu dindà emu Dyâmpà dyà Mwoyi mpindyewu, bwà twàmòna mwà kuumuka mwaba ewu ne luumvu lwà ne malòmba atùdì balòmbe aa mmamana kutwenzela.

<sup>34</sup> Bèshàku Dìyì, Mukalenge, pândì nDìbala apa. Kakwènaku muntu nànsha umwe udi—udi mukùmbàne anyi mukùmbanyine bwà kumvwija Dìyì adi to. Yone wàkamòna Mukàndà mu cyanza cyà Ewu uvwa musòmbe pa Nkwasa wa butùmbi awu, ne kakùvwa muntu nànsha umwe mu Dyulu, anyi pa buloba, anyi mwinshi mwà buloba uvwa mukùmbanyine bwà kutàngila mene Mukàndà to. Kàdì umwe wa ku bakùlù wàkamba ne: “Mòna, Nta- . . . Ntambwe wa Cisàmbà cyà Yudà mmucimunè.” Yone, ukenzakana bwà kumòna n—ntambwe, kumònaye Mwànà wa mùkòòkò wàkadi mushipiùbwe, Mwànà wa mùkòòkò ne—ne mashi kulwa ne kwangata Mukàndà, kubànda pa Nkwasa wa butùmbi ne kusòmbyè. Nènku bantu bamanyike bwònsò bàà mu Dyulu kutùulabo bifulu byàbò byà butùmbi ku mitù ne kwinamabo ne kumanyabo ne Ùvwa mukùmbanyine.

<sup>35</sup> Mukalenge, tudi tulòmba bwà Yèyè kulwa ku Nkwasa wa butùmbi wa myoyi yetù mu dindà emu. Bandapù ne wàngate bukòòkeshi bwà meeji wònsò atùdì naawu, ne angata Dìyì bwà wàkulè neetù bwà twàmòna mwà kutàmba kuMumanya ne ndongamu Wendè mu nsòmbelu yetù. Tudi tulòmba nùku mu Dìnà dyà Yesù. Amen.

<sup>36</sup> Mpindyewu, bu nwènù mwà kujinga kubuulula mu Bible ku . . . Mufundu ùdi ùsanganyiiibwa mu Maatàayi Munsantu nshapità wa 21, ne kubangila ku . . . Ngèela meeji ne tudi tubala mvensà wa—wa 10 ne mvensà wa 11 wa nshapità wa 21 wa Maatàayi. Nebiikale bìmpè, panwàyà kumbelu, panwikala kanùyì banji kucyenza mu diikisha edi to, ní nudikù mwà kubala nshapità ewu mujimà. Mmwìmpè be. Mmwìmpè yònsò. Nangananga ewu nùku, bwà muvù ewu, ne Mukenji ùndì ntèkemena ne Nyumà Mwìmpè neenzè bwà nnutwàdile mu dindà emu.

<sup>37</sup> Mònaayi mvensà wa 10 patùdì tubala apa, ne wa 11.

*Nènku pààkabwelàye mu Yelusàlèrà, cimenga cijimà cyàkanyunga, bàmba ne: Ewu nganyì?*

*Ki musùmbà wa bantu awu kwamba ne: Ewu n'Yesù muprófètà wa mu Nazàlèètà wa mu Ngalèlà.*



Mpindyewu twañjaayi... Nzambi àsakidilèku ku Dìyi Dyèndè dyu—dyumvwija dyà Mufundu utùdi tubala ewu.

<sup>38</sup> Mpindyewu, tudi banyè cikondo cidiku eci, ne bàabúngi bàà kunùdi mbiibidilàngane ne Mufundu wà nshapitá kampànda ewu. Ùdi mu... bulelèlà mu ditùkù òvwà Kilistò ùbwela mu Yelusàlemà, mubànde pa mwànà wa mpunda. Nènku tudi... Kùtu mwanu mwela ùdi wàmba ne “ùvwa mmwànà wa mpunda mutòoke.” Ndi mwà kudifwànyikijila, mu didyanjila kuleeja dyà dilwa Dyèndè diibìdi pa kabalù kàà mvitá. Cikondo aci, mupròfeta wákamba, ne: “Yèyè neàbande... Mfùmù webè ùlwalwa kùdi mubande pa kànà kàà mpunda, ne ngwa mmwènekèlu mupwekèle ne wa kalolo.” Ke mùshindù ùlwalwàYe ne—ne... mubànde pa—pa mwànà wa mpunda, mwambudi mukèsè wa majitu. Kàdi musangu wàlondà wùdiYe ùlwa mufùmìne mu Butùmbi (mu nshapitá wa 19 wa Bwàkabuulwibwà), Ùlwalwa bu Mucimunyi wa Bukolè. Cilàmbà Cyèndè cizabika mu mashi, musòmbe pa kabalù katòoke, ne cilwìlu cyònsò cyà mu Dyulu cidì cìMulonda pa tubalù tutòoke. Nènku mwanu mwela (kí mbilondèshile mifundu anyi maalù-malonda nànsha)... Kàdi mwanu mwela ùdi wàmba ne Yèyè ùvwa mubànde pa mwànà wa mpunda mutòoke pàvwàYe ùbwela mu Yelusàlemà apu.

<sup>39</sup> Mpindyewu aci... Ndi musungùle eci... cìcìdi ànu... bwalu tudi mu mindidimbì yà... anyi mu cikondo cyà muvù menemene wà Noël, ne—ne cyà Cidimu Cipyacipyà; ndekeelu wa cidimu cyà kale, ne difika dyà cipyacipyà aci. Mu matùkù makesè kubangila ku mpindyewu, bantu bàabúngi nebiikale munkaci mwà kukùdimuna mabèji mapyamàpyà ne—ne munkaci mwà kwenza bintu bipyabipyà ne bènza malaya mapyamàpyà; nènku ntwàdijilu wa cidimu cipyacipyà. Kàdi kabitu bimweka bwànyì mèmè bu Noël menemene to. Ncyèna mumanye ne mbwà cinyi to, ntu misangu yònsò ànu muswè kucibìkila ne “Ditùkù dyà Taatù Noël.” Nwamònu anyi? Bwalu kakwèna kutàmbe kwikala byàbúngi menemene... .

<sup>40</sup> Kacìvwa cìfwànyìne kwikala mufikilu wà dilediibwa dyà Kilistò to. Kakùyi mpatà to kacìvwa mwà kwikala nànu to. Ùvwa ne cyà kwikala mulediibwe ngondo wa lwabanya anyi cisanga, bwalu Yèyè ùvwa Mwànà wa mùkòòkò. Nènku Yèyè ùvwa mùkòòkò mulùme ne mulelela mwinshì mwà *cimpàngà*, cimanyinu cyà Cimpàngà cyà mùkòòkò cyà mu cidimanzaji. Bìvwa ne cyà kwikala nànu, nudi numòna's. Nènku—nènku mìkòòkò kayitu yilediibwa mu ngondo wa ciswà-munène to nànsha byà munyi. Mìkòòkò yìtu yilediibwa mu muvù wà Bintu bitòloka. Ne pashiishe cikwàbò cintu, tukunà twà Yudaàya dìbà edì, nèjè yìdipu mushiki wà metrès àsambòmbò. Mmunyi mùvwà balami bàà mìkòòkò mwà kwikala pambèlù apu?

<sup>41</sup> Pa nànu cidì bulelèlà cìfùmìna ku muyiiki mukwàtakaja wà cyena Loomò, cìvwa mufikilu wà dilediibwa dyà nzambi-dìbà.

Lwendu lwà dîbà mùshindù ùdidi dipita amu, matùkù àdi aleepa ànu kuleepa, ne bufùku butàmba kwipidika. Nènku pankaci pàà ditùkù dyà 20 ne dyà 25 dyà ngondo wa ciswa-munène s'ki mufikilu wà dilediibwa dyà nzambì-dîbà, bilondèshile Muiyiki mukwatakaja wà cyena Loomò—cyena Loomò. Nènku pashishe nzambì yàbò. . . Nènku dîbà adi bàvwa bàtwa cyanga cyà mufikilu wà nzambì-dîbà awu. Ki Constantin, nènku—nènku mu dyenza dyà mèyi makùlù à èkèleeziyà ne ditunga ne bikwàbò, kwambayè ne: “Netùcishintùlùlè” (kàyì mumanyè ne òvwa nditùkù kaayi adi to) “ne kudyàluja pa mufikilu wà dilediibwa dyà nzambì-dîbà, ne kucivwija: *mufikilu wà dilediibwa dyà Mwàna wa Nzambì.*” Nwamònu anyi? Ciine aci. . . Kàdi katwèna bamanyè ne civwa nditùkù kaayi to.

<sup>42</sup> Kàdi mpindyewu, mbumushemù byà Kilistò byàbùngi, mu mùshindù wà ne cintu cyònsò cikaadi ànu. . . cyàkàbidi, bacyàlùje ku muiyiki mukwatakaja wà cifukùibwà kampànda cyàkadiku ne mwoyi, mùdibu bàcinka, mu dîna dyà Nicolas Munsantu anyi—anyi Kris Kringle, muiyiki mukwatakaja wà cyena Allemagne. Nènku cyònsò cidi ànu bwalu bukwatakaja, kàdi Kilistò kènamù to nànsha kakesè.

<sup>43</sup> Nènku bantu mbacikùdimùne mu disumba dyà wiskí, ne—ne ditwà dyà manayi à mfranga, ne myodelè. Nènku mu—muntu udi. . . ngèndààmùshingà udi mwà kupàanyisha bintu byèndè mu cikondo cijimà cyà Noël awu ùdi mwà kudùlakù cidimu cijimà, bu nànkù's. Nwamònu anyi? Cintu's ndiikisha dinène, dyà bungèndààmùshingà. Kàdi bânà bakesè bàà bènza luse bàsanganyiibwa mu mùsèsù; baledi bààbò kabàyi bàfùdisha mwà—mwà kubàsamba ne—ne ditàpishi to, bu mùdi dyà kùdi Taatù Noël, kàdi bàdi bàpweka ne mùsèsù, ne byanza byàbò byà manyaanù ne twisù twàbò tukùnze téé. Ncitu—ncitu ànu muswe kudimòna dìseemena pabwìpì to. Bìvwa bikèngela kwikaladi ditùkù dyà mikùkuukù dyà dikuukwila dyà Nzambì, pamutù pàà kusaamisha mwoyi ne kusaamisha mutù ne bintu bidi byenzeka abi. Kakwèna cintu nànsha cìmwè cyà kùdi Kilistò pa bwalu abu to. Kàdi tudi ànu munkaci mwà byònsò ebi mpindyewu.

<sup>44</sup> Tudi tudisangana twètù biine, bu mwàkadibò dîbà adi's. Nwamònu's, cidi ànu munkaci mwà kubwela mpindyewu citàngile ku difestò dinène. Yesù ùvwa ùlwa ku Difestò dyà Paasàkà. Ne Yèyè ùvwa mubwelè mu Yèlusàlèmà. . . anyi munkaci mwà kubwela mu Yèlusàlèmà. Nènku bipròfetà byà byònsò byàkènzàYe bìvwa ne cyà kukumbana. Byònsò mu Bible bidi ne dyumvwija. Dîna dyònsò didi ne dyumvwija. Kakwèna cintu nànsha cìmwè cifùnda mu Mifùndu cidi kaciyi ne—ne dyumvwija dyà ndòndò to.

<sup>45</sup> Ngàkaakula dilòlò kampànda ku Tucson kwàka, pa ne *Bwà Cinyi Byàkakèngela Bwà Bìkale Balami Bàà Mikòòkò Pamutù Pàà Beena Tèòlòjì?* Wàkalediibwa ànu ku luseke lwà èkèleeziyà. Kàdi Nyumà Mwimpè ùpàtuka ùya mu cipèlè ne

pa kwambula apa anyi, kî mmwambüle beena tèlòjî nànsha, kàdi ànu balami bàà mikòòkò. Bivwa bikèngela bwà kwikalabi mùshindù awu. Beena tèlòjî kabàvwa bafwànyine kwitabuuja Mukenji bu nànkú to. Pa nànkú bwòbò. . . bivwa bikèngela kwikalaci balami bàà mikòòkò.

<sup>46</sup> Mvwa muyiishe mwab'ewu, kùdi bidimu bikesè, kùdi bidimu bìbìdì ne: *Bwà Cinyi Cìvwa, Byàkakèngela Bwà Kwikalaci Betèlèhèmà Mukesè?* Bu Mukalenge mwà kwanyinsha, Noël wàlonda awu, ndi muswè bwà twètù kuyiisha pa ne: *Bwà Cinyi Bìvwa Bìkèngela Bwà Kwikalabù Beena Meeji? Bwà cinyi?* eyi: yìdi ne mandamuna ku yòyì, ne àdi ànu mwab'ewu mu Bible. Ne twètù's tudi ne mwoyi mu cikondo cyà dikèma, cikondo cyà citàmbe bunène ku bikondo byònsò. Tudi ne mwoyi mu dìbà dyà ne, dìbà kanà dyònsò dìdì. . . cikondo cìdi mwà kwimana ne Cyendèlèlèlè cìdi mwà kudibwinkamù ne kutungunuka. Bikondo bivwa bapròfetà bwònsò ne beena meeji bindile. Bivwa bikèngela bwà twètù kwikala dìbà dyònsò ne dísu dyètù ditonona, bindile dilwa Dyèndè.

<sup>47</sup> Tudi tusangana twètù biinè ne, mu Noël ewu, ànu bu mwàkenzabo mu Noël wa dyàmbedi amu. Buloba bùdi bwàmba kudishinda kvingutuka. Bu mungàakayiishapù musangu kampànda, mwaba kampànda, bwà diyiisha dyà Noël ne: *Buloba Bùdi Munkaci Mwà Kudishinda Kvingutuka.* Nènku buloba bùdi ànu kàbìdi bwàmba kutaayika tupesetupese. Tàngilàayi dikanka dyà buloba lwà mu Californie emu. Ndi ndyànjlila kwamba ne, kumpàla kwà dilwa dyà Mukalenge Yesù, Nzambì neinyije mwaba awu. Ndi ngiitabuuja ne Hollywood ne Los Angeles, ne myaba yà bukooya yà kuntwaku ayi, bwà ne Nzambì wa Bukolè bwònsò neàyinyije. Neyiye mwìnshì mu ndòndò wa mbù. Nènku cìdi mpèkaatù mipite búngì, nudi numòna's, ke ndekeelu nyèyè awu.

<sup>48</sup> Dishidimuka ndyènze lwendu pàmwè ne dìbà, kuumukila. . . nènku dyàkabangila ku Esètè, ditàngile ku wesètè. Nènku mpindyewu didi ku Côte West. Dyòdì ditungùnùke ne diya kule, nedyàlukile kàbìdi ku Esètè. Nànkú's ke ndekeelu. Nènku mpèkaatù mmwenge lwendu pàmwè ne dishidimuka, kàdi ncilwe ciina cyà nkumba cyà bikondo byònsò. Bintu bìdìbo bènza bivwà—bivwà bantu mu cikondo cikwàbò cyònsò kabàyi bafwànyine kwela meeji ku cintu bu nànkú to. Bakàjì mbadyèle mu bukooya bwà mùshindù wà ne, kakwèna mukàjì nànsha umwe mu cikondo kanà cyòsò udi mufwànyine kwikala mwele meeji ku cintu cyà bwena mutùdì twenza leelù ewu emu to. Ne pashiishe batungùnùke ne kudibìkila twètù biinè mutùdì beena Kilistò. Bundù kaayi's wè!

<sup>49</sup> Kabyèna bikèmesha to pààkajuukà mupròfetà munène, kàdi kwambayè ne: “Mèmè ncyèna mupròfetà anyi mwànà wa mupròfetà to, kàdi. . .” Yèyè ne:

*Ntambwe yêyè mukungùle, nènku nganyì wàpanga mwà kuumvwa bwôwà? Ne. . . Nzambi Yêyè mwakùle, kàdi nganyì wàpanga mwà kufila ciprôfeta?*

Nwamònu anyi? Kùdi cintu kampànda cìdi ne cyà kubiikila bwà kupàtuka.

<sup>50</sup> Tudi mu dîbà dyà bwalu kashondo; ke mùdi buloba's. Kàdi Èkèleeziyà, Èkèleeziyà mulelèlà (kî ndingumba to); kàdi Èkèleeziyà, Yêyè mwinè, mmudilongolola bwà bucìmunyi butàmbe bunène butùYe mwenze kacya: dilwa dyà Mubaki kùdi Mukàji-musèla.

<sup>51</sup> Tudi munkaci mwà kukòsoloka, twenda tukèbangana ne maasiyà kampànda, cintu kampànda, bwà kulwa kutùsùngila, kutùpàtula mu cyònsò aci. Tupwekesha mèsù panshì, ndululu lwà mu Esètè mwàmwa. Twela mèsù mu Áfrikè mwàmwa ku kwata-nkukwàte yidìmu ayi, ne ditàpulula dyà bisàmbà, ne diikala pàmwè dyà bisàmbà, ne—ne ditàpulula dyà bisàmbà. Nènku twétù bwònsò kukòkangana ne kwela mbilà mwab'ewu ànu àdi paanshì aa (balundà bèètù bàà bafilke) bwà bwalu bwà ne: “Tudi ne cyà kwikala ne, tudi ne cyà kupeta diikala pàmwè. Ki cìdi cìtùkèngelà ncyòci aci. Tudi ne cyà kupeta diikala pàmwè; muntu yònsò, tudi mùmwè, muntu ne muntu.” Èè, aci's ncìmpè menemene. Aci's ncìmpè menemene. Mèmè nciyu ngìtabuuja dikwàtangana ku bupika to. Bantu abu kabàvwa bapika to bôbò biine. Kî mbapika to.

<sup>52</sup> Nzambi's mmutàpuludyanganyi. Ne mèmè pàanyi. Mwena Kilistò yònsò ewu mmutàpuludyanganyi. Nzambi ùtu ùtàpulula bantu Bèndè ne bakwàbò bwònsò abu. Kùtu—kùtu misangu yònsò kwikale ànu ditàpululangana. Yêyè wàkasungula ditùnga kampànda. Ùdi ùsungula cisàmbà kampànda. Yêyè's mmutàpuludyanganyi. Yêyè ngwakenza matùnga wònsò. Kàdi nànsha nànkù, mwena Kilistò mulelèlà ne mushùwashùwàlè ùdi ne cyà kwikala mmutàpuludyanganyi. Ùditàpulula ne bintu byà pa buloba ne bikwàbò byònsò, ne ùfika ku kiipàcilà kàmwèpelè, Yesù Kilistò.

<sup>53</sup> Kàdi's bàdi bèèla mbilà ayi. Ndi muteete bwà kubàmbila ne: “Aci kî ncintu cyàsùngila ditùnga dyètù edi nànsha. Aci's ndongamu wa cidiidi. Cidi—cidi ncintu cyà cishindàmèene pa communisme.” Ngèèla meeji ne Martin Luther King neàlombole cisàmbà cyèndè ku dishipiibwa ditàmbe bunène, dishipa dyà bantu, ditùbo kacya kabàyìku babwelemù nànsha. Nènku bàdi. . . Nudi numòna's, aci kacyakusanga buloba pàmwè nànsha. Aci kacyakutùsùngila to. Twabàpeeshi disòmbela pàmwè. Mpindyewu s'mbibì kutàmbe ne mùvwàbi kwònsò eku amu. Nwamònu's, aci kî. . . aci kî ncilumbu to. Kùdi ànu cintu cimwèpelè cidi mwà kutùsùngila: ciinè aci n'Nzambi. Kàdi bushùwà kî mbaCiswe to.

54 KabààkaMuswa musangu awu nànsha. Bàvwa munkacì mwà kukosoloka, ne bidiiidi byàbò byènda bikosoloka, matunga ààbò munkacì mwà kupanduluka, èkèleeziyà wabò munkacì mwà kupanduluka, kàdi bèèla mbilà bàkeba Maasiyà. Bàvwa Nendè dijinga. “Kaa, tütùminekù Maasiyà.” Kàdi pàakalwàYe . . .

55 Nzambi wàkafila . . . ùdi ùfla dyandamuna ku disambila dyèbè. Udi mulòmbe, nènku neùpete. Nènku aci’s . . . Ndi mwà kwimanyina apa bwà mèbà, pa balùme ne bakàji, beena Kilistò mene, bàsambila bwà bwalu kampànda; ne Nzambi ùdi ùfla dyandamuna kàdi kabàyi nànsha bàdijingulula to.

56 Nènku mpindyewu, Nzambi wàkabàpèèsha dyandamuna. Bàvwa bàjinga Maasiyà. Bàvwa bamanyè ne bàkaavwa ne ba-Kaayisà, ne bàkaavwa ne ba-Davidì, bàkaavwa ne ba-Solòmò (muntu wa meeji), bàkaavwa ne ba-Davidì (balwanganyi bàà bukolè), bàkaavwa—bàkaavwa ne bàà mihindù yònsò, kàdi bàvwa bamanyè ne bìvwa bìbàkèngela kupetabo dikwàcisha dyà ku Dyulu nènku bwòbò . . . Nzambi wàkadì mubàlaye Maasiyà. Ki kubàtùminaYe Maasiyà awu, bu dyandamuna ku disambila dyàbò, kàdi kabààkaMuswà to.

57 Ndi ndikonka, leelù ewu ne, piikala masambila ètù . . . Nudi nubùm vwa bàmba ne: “Sambilaayi bwà ditàbuluja dinène. Sambilaayi bwà *cikampànda*. Sambilaayi bwà dibwayika. Sambilaayi bwà bwobùm wè.” Ndi ndikonka, bu Nzambi mufwànyine kutùma ndongamu bu nànkù, ní tudi bafwànyine kumwitaba. Ntu ànu ndikonka ní tudi bafwànyine kwitaba cidiYe ütùtùmina. Nudi numòna’s, Yèyè . . . Citùdi tusambila bwà bintu ebi, mbwalu tudi bamanyè ne ke bìdì bitùkengela. Kàdi pàdi Nzambi ùbitùma mu mùshindù ùdiYe muswè awu, díbà adi kabyèna bìpetangana ne mmwènenu wetù to, nènku ki bwà cinyi katwèna tubyàkidila nànsha. Nènku ki mùshindù wàkadìbi mu ditùkù adi. Piikalàbi ne Yèyè kàvwa mu mmwènenu wa ngiitabilù wabo ne wabo . . . Kabàvwa—kabàvwa mwà kuMwakidila kàbìdì, leelù ewu nànsha. Ki bwà cinyi bààkeela lukonko elu ne: “Ewu nganyi? Muntu udi ulwa ewu nganyi?” Nwamònu’s, civwa ncikondo cilenga cyà—cyà dikèma be. Kaa, muntu ne muntu ùvwa . . . dibìnduluka. Cintu kampànda civwa pabwìpi ne kwenzeka.

58 Kàdi tàngilàayi bàà pa buloba leelù ewu, mmu dibìnduluka kaayi mùdì buloba bujimà bùsanganyiibwa’s. Paùdì upweka ne mùsèèsù . . . Kwèna—kwèna mene mu bukùbi bwà kwendesha mashinyi èbè to. Kwèna mu bukùbi bwà kudìsangana mu cibeèba cyà njila yìnaayi to. Muntu yònsò’s mmubìndùlùke, wàmba kutaayika ne . . . Mbwalu kaayi ebu? Tùùkijàayi. Nuyààya batàngile penyì? Aci’s ke cidi munkacì mwà kuuja byondopelu byà babùlùke. Aci’s ke cidi cilamine èkèleeziyà mu cimvundù cyà kacya. Bàdi—bàdi batàmbe kupapishila mitù mu cintu kampànda. Kabèèna bìimana bwà kutàngila Diyì dyà

Nzambì, ne díbà ditùdì ne mwoyi edi to; bwònsò mu dilubakana, mu dibìnduluka.

<sup>59</sup> Nènku mpindyewu, tudi bamanyè ne, tudi badimwijiibwe. Buloba mbupicile ànu mu bisaama kampànda binène byà pa lululu. Ne èkèleeziyà ùdì munkaci mwà kupicila mu bisaama kampànda byà pa lululu. Bìvwa bìkèngela bwà kupicilabo mu bisaamà byà pa lululu kumpàla kwà bwòbù kufila . . . Yònsò wa ku bapròfetà, pààkalwabo mu buloba emu, cìvwa mbisaamà byà pa lululu bwà èkèleeziyà. Buloba bwàkopicila mu Mvità yà Kumpàlà yà Buloba bujimà, Mvità Miibìdì yà Buloba bujimà, nènku mpindyewu bùdì pabwìpì bwà Mvità Miisàtù yà Buloba bujimà. Nènku bùdì mu bisaamà byà pa lululu cyàkàbìdì. Kàdì kùdì cintu ànu cimwèpelè cìdì mwà kutwàla ditalala, ne ciinè aci n’Kilistò.

<sup>60</sup> Ndongamu yètù yònsò, ne meeji ètù, ne ngenzèlù yètù yà bukwantèndeleeu, ne bidìidì byètù byònsò, ne mamanya ètù wònsò ne bikwàbò byònsò, mbijaadikìibwe ne ndukutukutu ànu pa lwólù. Nènku díbà adi tudi tulòmba bwà Nzambì ku—kutùkwàcisha, bwà àmatèku mu cyalu ne: “Bwelàku bwà ùtwezelèku cintu kampànda.” Nènku díbà adi pàdìYe wènza, ndi ànu ndìkonka ní tudikù bafwànyine kukumbàna bwà kuCyùmva; ní tudikù bafwànyine kukumbàna bwà kuCyàkidila; anyì mene bafwànyine kuCìtwa mushinga anyì?

<sup>61</sup> Mpindyewu, ki cyàkenzèka kale wàwa mu matùkù awu aci’s. Bàvwa bàsambila, bàvwa ne balombodi banènè bàà mìshindù yònsò, bàvwa mu makalenge, bàvwa bakòòkèshìibwe kùdì bamfùmù, bàvwa mu bintu byònsò, balumbulwishi. Kàdì bàvwa bamanyè ne kùdì cintu ànu cimwèpelè cìvwa mwà kubàsungila, cìvwa m’Maasiyà uvwa ulwa awu. Ne *Maasiyà* mbwena kwamba ne “mulaaba awu.” Muntu wetù ewu uvwa mulaaba. Díbà adi muntu awu, mulaaba ne Dìyì. Dìyì dyàkavwijiibwa mubidi munkaci mwètù. Kàdì pààkalwàYe, Yèyè—Yèyè kààkalwa bilondèshile mmwènenu uvwabo bàswe bwà Yèyè kwikala to; kì mmwènenu wakadibo nendè . . . mùvwàYe ne cyà kulwila nànsha. Nànku ki bwà cinyi bàà—bàà—bààkeela lubila ne: “Ewu muntu nganyì’s? Mbìmbìmbì yònsò eyi nyà bwalu kaayi’s?” Musumbà wà baabidimè ku ciibi aku, bàkòsangana ne malala à mabwè ne . . .

<sup>62</sup> Nènku awu kwamba ne: “Mòna’s, bapùwishaayi. Bàdì bàtùbìndulula, mùshindù wèleelàbo mbilà, ne mikunda, ne benza maalu à lukutukutu’s.”

<sup>63</sup> Yèyè ne: “Bwòbò bapùwe, mabwe aa neèlè mbilà mikole dyàkàmwè.”

<sup>64</sup> Kaa, díbà dívwa dyènda dilwa! Cipròfetà munkaci mwà kwenda kuula. Kakùyì cyà dikèma to! “Ntambwe yèyè mukungule, kàdì nganyì wàbènga kuumvwa bwòwà?”

Nènku Nzambi mmwakule. Wàdikanda bwà kwamba cipròfeta nganyi's?"

<sup>65</sup> "To, piikalàbi ne Yèyè kàvwa ànu bilondèshile mmwènu wetù to. . . Piikalàbi ne Yèyè kàvwa ànu mu mùshindù utùvwà baswè bwà Yèyè kwikala to, mùshindù utùvwà twela meeji ne ngùvwàYe ne cyà kulwa, katùvwà bafwànyine kuMwakidila nànsha." Dìbà adi, cívwa ntwitabààyì yàbò yìvwà mitàmbe kubàlama kule ne Dìyì difùnda adi. Bàvwa kule be, bàakapanga kuMujingulula Yèyè wàkasambidilabo bwà àlwe awu. Èkèleeziyà yàbò yìvwa mibàlame kule bikolè, mu mùshindù wà ne cintu mene cyàkasambidilabo aci, cívwa ànu naabo mwaba awu, kàdi kacívwa bilondèshile mmwènu wabò nànsha, pa nàнку kabàvwa—kabàvwa—kabàvwa mwà kuCìitabuuja to. Byàkakèngela bwà kuyabo kule naaCi. BààkaCyèla pambèlù. Bwòbò. . . Kùdi ànu cintu cimwèpelè cyùdi mwà kwenza paùdi utuutakeena ne Kilistò. Anyì kuMwitaba peeshi kuMubènga. Kwèna mwà kuumuka kuya kùyì ne luseke lùdi to. Kwèna mwà kwenza nàнку to. Kî—kî mbikupèèbwa bwà kwenza nàнку to. Bidi ànu mùshindù awu.

<sup>66</sup> Mònaayi ànu ne, búngì bukesè bwàkaMujingululà ne ùdi Dìyì Dilaaba, dyà ditùkù adi. Nwamònu's, Nzambi ku cibangidilu, mwikàle kàyì ne mikàlu, ne ùvwa mumanyè bintu byònsò kacya ànu ku cibangidilu. . . Ne cintu cimwèpelè cidi bintu ebi ndileeja patòoke dyà byambiibwà Byèndè. Cyambiibwà. . . Wèwè's udi ne cyambiibwà. S'mmeeji èbè awu. Udi *wela meeji* ku cintu kampànda, pashìishe *ucyàkula*, dìbà adi udi *ucyàngata*. Ki Nzambi awu. Yèyè, ku cibangidilu. . . Wèwè mwikale. . . Piikalàbi ne uvwakù anyì newikaleku mu Dyulu, uvwa mu Dyulu ànu kwònsò kwònsò èku. Wèwè udi citùpà cyà Nzambi. Wèwè uvwa meeji Èndè. Ùvwa mumanyè dìna dyèbè. Ùvwa mumanyè ne wèwè uvwa nganyi bangabanga ne kwikalaku ka—ka—kapwishipwishi, bangabanga ne kwikalaku bukènkè kampànda. Bangabanga ne kwikalakù cintu kampànda, Yèyè ùvwa mukumanyè ne dìna dyèbè. Ne kudifùnda mu Mukànda wà Mwoyi wà Mwànà wa mùkòòkò, kumpàla kwà buloba kufwimbiibwabù. Nwamònu's, wèwè uvwa meeji Èndè. Ne pashìishe. . . Pashìishe wèwè kulwa Dìyì. Nènku dìyì ditu m—meeji maakula patòoke. Dìbà adi udi mumwènèshiiibwe.

<sup>67</sup> Ke mùshindù wàkadìYe. Wàkadì ku cibangidilu Yèyè nkààyende. Nzambi musòmbe nkààyèndè ne meeji Èndè. Kààdyàkucyenzakù kàbidì nànsha bwalu meeji Èndè àdi munkaci mwà kumwèneshiiibwa. Nènku ki bwà cinyi tudi ànu kaaba aka, ditùkù edì. . . n'Nzambi munkaci mwà kwenza bwòbùmwe ne meeji Èndè, àdi mamwènèshiiibwa. Nwamònu anyi? S'ki bwalu abu. Pa nàнку, wèwè, ku dyela dyà meeji, kwèna mwà kusàkidila dinungu nànsha dimwè ku bule bwèbè to. Kwèna mwà kwenza *cikampànda*, *cikansanga*, anyi *cikankènga*

to. Nzambi ngudi uleeja luse. N’Nzambi. “Bwònsò bàdi Taatù muMpèèshe nebàlwe kùNdi, ne muntu nànsha umwe kèna mwà kulwa pàdi Taatù Wanyi kàyì mumukòke to.” Aci ncikòse bwalu.

<sup>68</sup> Mpindyewu, mònayyi ànu ne, mùshindù ùvwàbo bakesè mu ditukù Dyèndè, pa miliyó yìvwàku pa buloba ayi, bàvwà kabàyi nànsha mene bamanyè ne Yèyè ùvwa panù apa. Anjì elààyibì ànu meeji cyanàànà, kùvwa makumi. . . miliyó yà bantu bàvwà kabàyi bamanyè kantu nànsha kàmwè pa bwalu abu to. Nènku bwà kwela meeji ne, mu Izàlèlèlè mu cikondo aci, kùvwa miliyó yìbìdi ne citupà yà bantu mu Palestine, bàà beena Izàlèlèlè, kàdi nànsha cyàlukàmà cìmwèpelè cyàbò kacìvwa cibùmanyè to. Kabyèna bikèmesha to pàakambàYe ne: “Mushikù wa mbèlu mmubùmbàkàne ne njila mmubùlákàne, kàdi nekwìkalè ànu bakesè menemene bààmupetà.” Elààyibì ànu meeji bwà bùngì kayi bwàkaMujingulula! Kabàvwa bamanyè ne Yèyè ùvwa Aci to. Nènku aba bàvwa baMunyùngùlùkile abu; aci’s ke citupà cidì cyèenza luse.

<sup>69</sup> Aba bàvwà bènda Nèndè, ne baMumòne mu mùsèèsù, ne bikwàbò. . . bwòbò—bwòbò kabààkajingulula ne Yèyè ùvwa Nganyì to, bwalu Sàtaanà wàkamòna ne Yèyè ùvwa ne—ne dìnà ditàmbe kukooyika divwà mwà kufidiibwa kùdì muntu. Yèyè wàkiinyikiibwa dìnà adi kùdì bàà pa buloba, buloba bwà bukwapanù, Yèyè—Yèyè wàkabiikidiibwa mwànà wa mu masandi, bwalu yèyè wàkamba ne maamù ùvwa ne cyà kwikala muMwimite, kùdì Yözefù, kumpàla kwà kusèdiibwa kùdiye. Ke kuMupèèshabò dìnà dyà mwànà wa mu masandi.

<sup>70</sup> Ne kàbìdì, è—èkèleeziyà wàkaMumòna mu bukolè Bwèndè bunène bwà dimwèneshiibwa. Kumwènèsha cinyi? Kì nkumwènèsha twitabàayi to! Yèyè ùvwa ùmwènèsha Dìyi! Yèyè ùvwa Dìyi Dilaaba, Yèyè mwinè. Nènku pàakamònabo aci cyènzeka (dimwèneshiibwa, Maasiyà Mulaaba), kuDidyombolabò. Kabàvwa baDiswe to. KaDivwa dipetangana ne mmwènenù wabo to. Kì citupà cidì cyèenza luse ncyòcì aci. Mbanganyì. . .? Anjì elààyibì ànu meeji ku bwalu abu! Ànu mu matukù makwàbò amu.

<sup>71</sup> Nwamònu’s, yònsò ùvwa ne dyumvwija dyèndè sungasunga dyà Dìyi. Kì cidì. . . cyàkenza ne Izàlèlèlè kàakajingulula Mòsà to. Kì bwà cinyi bàà pa buloba kabààkajingulula Noà to. Kì bwà cinyi bapròfetà bwònsò kabàvwa bajingulula to. Bàdi ne dyumvwija dyàbò bòbò biinè dyà Dìyi. Kàdi Nzambi, mu cikondo ne cikondo cyònsò, ùvwa ne Wèndè Maasiyà. Nwamònu anyi? Kubènga Mukenji wa Noà, kùvwa nkubènga Nzambi. Kubènga Noà, cìvwa nkubùtuka. Kubènga Mòsà, cìvwa nkubùtuka. Cìvwa. . . Bàvwa mbaa Maasiyà Balaaba bwà cikondo aci, Dìyi divwà dilaya bwà cikondo aci. Nènku pàakalwà Yesù, Yèyè ùvwa kaabujimà kàà Dìyi.

<sup>72</sup> Nzambi, Yèyè mwine, muvwijìbwe mu cipidì cyà muntu,



ne mifubà ne mubidi; Mulaaba Awu. Nènkù bàvwa ne cyà kwikala bamòne aci. Kàdi nudi numòna, bukwantèndeleeleu bwabò—bwabò bùvwa busàkidila apa ne bùumushila apa ne—ne bikwàbò, too ne mùvwàci cisopàkàne mu mùshindù wà bee—beeyèmène èkèleeziyà wabò pamutù pàà—pàà Dìyi. Nènkù pàakamònàbo èkèleeziyà wabò mulaabiibwe, dībà adi bààkeela meeji ne cintu kampàndà cyà cinène civwa munkaci mwà kwenzeka. Kàdi pàakamònàbo Dìyi di—dilaaba, ki kwambabò ne: “Aci’s ndikolesha dyà maalu. Muntu ewu ndémon, Beelèzèbùlà.” Bwalu kacivwa cipetangana ne èkèleeziyà wabo to mu mùshindù wa . . . twitabàayi yàbò yà èkèleeziyà ne bìvwàbo benzè. Nènkù bìvwa mùshindù awu ku dilwa dyònsò dyà mupròfetà, èkèleeziyà ùvwa mwà kwikala musopàkàne bikolè be.

<sup>73</sup> Nzambi wàkatùma mikenji Yèndè ne kubàpèèsha cipungidi. Kàdi mwakwidi ùvwa mwà kubwelamù ne kukosa citùpà, ne kusàkidilakù, ne kwangata lwà apa nùnkù, kàdi kucyènza twitabàayi. Nènkù dībà adi, Nzambi ùvwa mwà kujuudila ní mpenyi ní mpenyi, muntu kampànda mulaaba ùvwa ùjuudiibwa mu bukolè bwà Nyumà. Kàdi ùvwa misangu yònsò mukinyiibwe kùdi baakwidi, ne kùdi bamfùmù. Apu—apu mpàvwà bapròfetà bàà mafi bavwàle bilàmbà byàbò binefùke abi, ne bènda ne didipwekesha dyònsò, kàbìdi bitùùlùbitùùlù munkaci mwà bamfùmù ne baakwidi, bwà kukuumbanyina myanzu minène ne—ne bikwàbò. Dībà adi mupròfetà mulelèlà, ne mushùwashùwàlè, ùfùmina ní mpenyi, kàyi wa mu bulongolodi bwàbò nànsha bùmwe to.

<sup>74</sup> Mpenyi—mpenyi mu Bible emu, pàkaadiku Nzambi mwangàtekù mwakwidi ne mumwenze mupròfetà? Mpenyi pàkaatuku Nzambi mwangate mwena tèlòlòjì wa cikwantèndeleeleu (muntu mulongesha, muntu mulongesha bilondèshile tèlòlòjì) kàdi kumuvwija mupròfetà? Mwaba nànsha ùmwè mu maalu-malonda, Yèyè kàtukù mucyènze to, mu cikondo nànsha cimwè . . . Yèyè kàtukù mucyènze to. Bikèngela Àye kule ne ndongolwelu awu, bwà kucipàtula. Nènkù’s ki cyàkenzàYe mwab’ewu.

<sup>75</sup> Yesù, pàakalediibwaYe mu Betèlèhèma wa Yudaaya, mu dīkù dilandike, ne Yèyè kàvwa ne mwaba wà mumanyiike ùvwaYe mufùmīne to, ànu cimwè cyà ku cisàmbà cyà—cyà Yudà, ne Wendè mamwèndè ne tatwèndè bàvwa bàà mu mudibù wà Davidi; nènkù bàvwa ne cyà kuyakù bwà kufuta citàdì. Kàdi’s ki Yèyè awu, ànu nsongàalùme wa citende, wipacila ku . . . kàyi ne civwaYe wenza to ànu kusunsula maèkèleeziyà. Nènkù bàvwa baMukine. Nènkù kabàvwa mwà kwamba ne muntu kàvwa wenza bishimà to. Peetèlò wàkacyàmba patòòke mu Ditùkù dyà Mpenta, wàkamba ne: “Yesù, wa mu Nazalèetà, Muntu mujaadikiibwe kùdi Nzambi munkaci mwètù, bwà ne Nzambi ùvwa Nendè.” Kàdi kí mbwà kusàkidila ku Dìyi Dyèndè

nànsha anyi cintu kampànda to; bwà kucitòòkesha ndambù ne: “Yèyè ùvwa Nzambi muvwijiibwe mubidi pàmwè neetù. Nzambi neetù.”

<sup>76</sup> Ne mvwa ngàmba dilòòlò adi, ne Mòsà awu, mwimàne mwaba awu ne cyanza cyèndè mu cyàdi, yèyè. . . ùvwa n’Nzambi mu Mòsà. Yèyè. . . (Kacya wàlamina maalu masokoka mu mwoyi wèndè), dyà ùcipatula anyi cyùlè tètè ne nsudi. Pashiishe kucyàluja mu cyàdi ne kucyondopa, ne pashiishe kucipatula kàbidi kutùdi pàakatùmàYe Nyumà Mwimpè; uvwa Nzambi awu, cyàkàbidi, ànu mu mmwènekelu mukwàbò mu Ditùkù dyà Mpenta. Kàdi’s tudi tuMubènga. Katwèna Nèndè bwalu to. S’ki mwàkenzabo kale awu. S’ki mùshindù utùdi pàmwàpa bafwànyine kucyènzà leelù ewu.

<sup>77</sup> Tudi tumòna ne, muntu yònsò ùdi ne dyumvwija dyèndè dyà pàà nkàayèndè. Ki bwà cinyi bidi bitàmba kufila cibwejàkàjì. Kàdi nudi bamanye’s, Bible mmwàmbe, ne: “Dìyì edi kadyèna dyà didyùmvwijila pàà nkàayèbè to.” KaDyèna dikèngela dyumvwija dyà ba-Présbytérien nànsha. Kadyèna dikèngela dyumvwija dyà ba-Baptiste nànsha. Anyi kaDyèna dikèngela dyumvwija dyà beena Mpenta nànsha. Nzambi’s ki MuDyùmvwidiji wa Yèyè mwinè. Wàkamba ne Ùvwa mwà kucyènzà, nànkù Ùdi ànu ùcyènzà, ne bwalu pàabu bùmba budikòsa. Nànkù ki bwà cinyi bàdi bàmona Dìyì dyà mulayi dilaaba kàdi pashiishe kabàyì—kabàyì mwà kuDyàkidila to, nudi numòna’s, bwalu Didi dibèngangana ne yàbò—yàbò twitabàayi.

<sup>78</sup> Mùshindù ùvwa Maasiyà (Mulaaba Awu) mwà kwikala ùmwèka awu, ne cìvwàYe mwà kwenza aci; cìvwa cìtàmbe kwikala kule ne kule ne cyumvwilu cyàbò. Kàdi pààkabàbadilàbo cyòci aci mu Mifùndu, cìvwàYe mwà kwenza, kabàvwa ànu baCyùmvwa nànsha. Bwalu pàakalwà beena meeji aba, bàfùmina ku Baabùlòonà kwaka, bàvwa benze bu bàvwa bàfùmina ku nord-est wa Yèlusàlèrà, kàdi kupwekeshabo mèsù panshì ne kumòna Mùtootò ùvwa ùbalombola ku wesètè awu. BààkaWùlonda munda mwà bidimu bìbìdi bulubulu, bènda bàpweka ne Musùlù wà Tigre, ne mu bibandabanda byà Shinèyààlà, ne kupwekabò, kulwa ku cimenga cikùlù cyà ntèndeleele yònsò. Ntèndeleele mutàmbe bunène ku yònsò mu buloba bujimà, mu ntempèlu, mu Yèlusàlèrà. Nènku bàbànda bàpweka ne misèèsù bàmba ne: “Ùdi penyì? Yèyè ùdi mulediibwe Mfùmù wa beena Yudà awu ùdi penyì?” Mòna’s, kakùvwa muntu nànsha umwe mumanyè kantù nànsha kàmwè pa bwalu abu to. Cìvwa cyà pabwàci.

<sup>79</sup> Cyàkavwàndùlula mene ne Tubàdi tukùlù... kubùikidishabo bamanyi bàà mabàla ne kwambabò ne: “Balàayibi mu Mifùndu mwaba ùdi Maasiyà. . .”

<sup>80</sup> Nènku kuyabo kangata—Mifùndu ne kubala ne Miikà

ùvwa mwambe ne: “Mu. . . Yudaàya. . . Betèlèhèmà wa Yudaàya, kwènàpù mutàmbe kushàadila ku bimenga binène byònsò anyi? Kàdi mu wêwè amu ke mwàpàtukila nguvènà ewu.”

Nwamònu’s, pamutù pàà kukenketa, kuciimanshabù ànu ne: “Èè, cintu’s mmusùmbà wà bakoleshi bàà maalu nakà.” Nwamònu anyi? Ki bwà cinyi balami bàà mìkòòkò bààkangata Mukenji. Nwamònu’s, bwòbò kabèèna. . . Bàdi ne dyumvwija dyàbò dyà nkàayabo, ki bwà cinyi, bwòbò—bwòbò bàakapangila cintu cilelèlè menemene.

<sup>81</sup> Kàdi ànu mùtùbi kwònsò eku, pàakalwàYe, Wàkalwa ànu mùshindù menemene ùvwa Dìyi dyambe ne ngùvwàYe mwà kulwa awu. Wàkabwela mu cimenga ànu menemene, mu cyena-bwalu cyètù mu dindà emu, mùshindù ùvwa Dìyi dyàmbe ne Yèyè neàlwe awu. Ki kwambabò ne: “Nganyì ewu?” Nudi numòna cìndi njinga kwamba aci anyi? Bivwa bikèngela kwikalabò bàmanyè ne ùvwa Nganyì. Nènku mwab’ewu. . . kî mbantu bàà pambèlù to, kàdi bukwaèkèleeziyà kwambabò ne: “Nganyì ewu? Ewu nganyì?” Mpàvwàbi ne, mwaba awu, Mifundu yivwa myàmbe bitòòke tòò ne ke mùshindù awu menemene ùvwaYe mwà kulwa. Nènku kwambabò ne: “Ewu nganyì? Muntu ewu nganyì? Diyumbakana dyònsò edi ndyà cinyi? Imànyikaayi mitooyi yònsò ayi, yìdi yìtùbìndulula.” Uh-huh. Nwamònu anyi? Kùdi. . . Nwamònu anyi? Cintu mene cìvwàbo basambìdile aci cìvwa ànu pabwìpi naabò apu, kàdi kabàakacìjingulula to. Nènku Yèyè kulwa ànu menemene mùshindù ùvwa Mifundu myambe ne Yèyè neàlwe awu. Nènku Yèyè mulwè leelù ewu, Neàlwe ànu mùshindù ùdi Mifundu yàmbe ne Neàlwe awu. Yèyè ùlwalwa mene bilondèshile mùdi Dìyi dyà Nzambì dyàmbe, kàdi kî mmùdi mmwenenu kampànda wa beena tèòlòjì wàmbe bwà bwalu abu to.

<sup>82</sup> Byòbì mene, nuvwakù bamanyè ne Dìyi dyà Nzambì kacya kadìtu dilwa kùdi mwena tèòlòjì anyi? Petàayibi Mifundu mwaba ùkaadiCi cyenzèke. Dìyi kadìtu dilwa kùdi beena tèòlòjì to; nànsha kakesè. Kàdi nudi numòna’s, bu Dìyi mwa kwikala dimwènèshiiibwa leelù ewu, Dìyi bwà ditùkù dyètù, Dìvwa mwà kwikala mu mmwènenu wa Dìyi dyà Nzambì. Kî mmu mmwènenu wa lungènyi lwà muntu kampànda to. Nzambì ùdi mwà kwangata Dìyi Dyèndè dyàkalayàYe bwà ditùkù edi, kuDilaaba, nènku nDifwànyine kwenzeka. Kwajiki. Kakwèna mùshindù nànsha ùmwè wà kuDipangisha bwà kwenzekadì to. NeDyènzeka nànsha bìshi, cìdi èkèleeziyà wàmbe nànsha cyòci cinyi ne cìdi bantu bakwàbò bìitabuuja ne, cyòci, Nzambì neàcyenzè nànsha byà munyi. Nekwìkale ànu bakesè menemene bìikalàku mwà kumanya bwà bwalu abu. Ncyà bushùwà, ànu bakesè menemene. Bitu misangu yònsò ànu mùshindù awu.

<sup>83</sup> Nwamònu’s, ne dyumvwija dyàbò bwòbò biinè, kabàvwa mwà kwenza cingà cintu to bwalu bàvwa beeyèmene cìvwà èkèleeziyà mubàmibile. Kàdi Yèyè mufwànyine kulwa. . . Ùtu

misangu yônsò ùlwa díbà adi... Wàkalwa díbà adi, èyowà, ne Yèyè mmufwànyine kucyènza musangu wônsò ùdiYe ùlwa, ne cintu cyônsò cidiYe wènza, neciikale cikùmbànàngàne ne mmwènenu wa Díyì adi. Nàнку ki bwà cinyi, katwèna mwà kweyemena cidi bantu bakwàbò bàmba to. Kùdi cintu ànu cimwèpelè cyùdi mwà kweyemenamù, ne ciine aci's n'Díyì. Ne Díyì n'Nzambì. Ne Díyì dilaaba dìdi dìvwija Maasiyà; Díyì dilaaba dyà díbà adi. Mùshindù mwine ùdìbi bilenga's wè! Mbacìpangile, Díyì; cyà bushùwà... Bàvwa ne... Díyì ditu misangu yônsò ànu dyà cyà bushùwà, kàdi dyàbò dyumvwija dyàDi divwa dibì.

<sup>84</sup> Ndi ndìkonka ne cintu cinène eci, Nsangilu wa Bukwántèndeleelelu ùtùdi nendè pa buloba leelù ewu ewu, ne Nsangilu wa Buloba bujimà wà Maèkèleeziyà udi udìfwimba pàmwè ùtuvwija bwônsò umwe... Ndi ndìkonka ne bàdi bàjingulula ní... Aci cidi menemene cidi Mifùndu myâmbe ne ke cyènzàbo. Kàdi bàdi bèèla meeji ne ncintu citàmbe bulenga cyà buloba bujimà, cyà ne twètù bwônsò tudi mwà kukwátangana ku byanza ne kwikala umwe. Bàmba ne: "Yèsù wàkasambila bwà twètù kwikala umwe." Aci's ncilelèlè. Kàdi kí ng'umwe wa mùshindù awu to.

<sup>85</sup> Yèyè wàkamùba ne: "Biikàlàku umwe mùndì Mémè ne Taatù biikale umwe." Èyowà, biikalà umwe wa mùshindù awu. Díbà adi aci neciikale mùshindù kaayi? Díyì dìdi munda mwètù ndìfwànyine kwikala Díyì dilaaba. Aci's ke bùmwè bwà Nzambì abu. Nwamònu's, bùmwè bwà Nzambì n'Díyì dilaaba munda mwèbè. Nwamònu anyi? Ne pashìishe wèwè udi ulwa mwànà wa balùme (maasiyà) wa cikondo.

<sup>86</sup> Mpindyewu tudi tusangana bantu batàmbe kwikala bàà mómumwè. Bantu kabèena bàshintuluka to. Bantu aba bààkatàpuludiibwa mu bisùmbù bisàtù. Nènku netùtàngile bwalu abu mu tusunsa tukesè mpindyewu. Ndi mumanyè ne nènyeku ànu ndambù mukesè too ne pashìishe, bu nwènù mwà kwitaba nàнку. Ntu ne lujòòkò be, ndi—ndi—ndi ànu... Ncyèna mumanyè to; ndi—ndi mbwela ne mfunda Mifùndu, ne tuntu tukesè. Nènku pashìishe pàndì—pàndì mfikapù ne—ne Nyumà Mwimpè ùbàkula ùmwèpelè, nènku ndi—ndi—ndi—ndi... bimwènèka ànu ne kacýèna ne ndekeelu ku cyòci to. Cidi ànu citùngùnùke ne kuya kumpàla. Kàdi, mpindyewu, twalukila ku cyena-bwalu cyètù.

<sup>87</sup> Bàvwa bààbùlùke, kuntwaku, mu bisùmbù bisàtù bishiilàngàne, biikàle ne mmwènenu yisàtù mishiilàngàne. Bàmwè bàà kùdìbo kuMwitabuujabò. Bàmwè bàà kùdìbo kuMukinabò. Ne bàmwè bàà kùdìbo kabàvwa bamanyè cyà dýenza to.

<sup>88</sup> Nwamònu anyi? Ki—ki mùshindù wutùdi naawù ngwòwò awu. Ngàkayiisha, ngèèla meeji mu èkèleeziyà ewu, musangu

kampànda ne: *Beena kwitabuuja, beena Kwitabuuja bàà budingibudingi, ne beena Bupidya*. Bàsàtù abu mu cisumbù amu, nudi—nudi naabu myaba yònsò. Eci's mbàsàtù mu cisumbù aci, kàbìdì; kumòna ne ngiikàdìlù wa bantu aba awu ùtu ànuku misangu yònsò. Tudi mwà kwalukila paanyimà kale wàwa ne kujaadika ne, ke ngiikàdìlù wa bantu misangu yònsò. Bātu misangu yònsò ànu mu ngiikàdìlù wa mùshindù awu.

<sup>89</sup> Dìbà adi pa kumòna ne bitu misangu yònsò ànu mùshindù awu, dìbà adi bìdì byènza ne tütambe kuneemenena ku diitabuuja ne Nzambi mmulongolole bantu bwà kwikalabo mùshindù awu. Mòna's, Yèyè neáfikishè mwena lukunà Wendè bwà kuMutumbisha. Byònsò...Pòlò, ùfunda, mu Loomò, nshapità wa 8, mmwàmbè ne: “Kaa, muntu mukùtākàne. Dìma didì mwà—didì mwà kwambila mufwimbì ne, mbwà cinyi udi mungenzè mèmè. . . mèmè mushindù ewu anyi? Yèyè kènakù ne bukolè bwà kwenza dibungù òmwè bwà luumù ne dikwàbò bwà bundù anyi?” Kàdi ambààyibi tǔng bu Yèyè kàyì mwenze butùku? Nùнку's kanùvwa mwà kwikala banyishe nsèsè yà dìbà to. Bu ne bìvwa byònsò ànu nsèsè yà dìbà, kanùvwa kumanya mwà kucyànyisha to. Ambààyì tǔng bu ne kakùvwa disaama? Nùнку's kanùvwa kumanya mwà kwanyisha bukolè bwà mubidi to. Ambààyì tǔng bu ne kakùvwa bantu babì? Kakùyì bakàjì babì? Nùнку mukàjì mwìmpè kí mmutwìbwe mushinga to. Nwamònu anyi? Kàbàvwa bafwànyine. . . Luumù kalùvwa kwikala lumupèèsha to, bwalu byònsò bìdì ànu mùshindù awu, cidì ànu cintu cimwèpelè aci. Kàdi cintu's mmukenji wà dipangakana.

<sup>90</sup> Nzambi ngudi mucyènze mùshindù awu: umwe bwà kwikalaye wa bundù bukolè, bwà kuleeja patòoke wa luumù awu; umwe bwà kutàmba kwikala mutùpākàne, bìdì bileeja. . . Bu byòbì kabiyì nàнку to, nùнку's aci cìvwa kwikala cintu cyena diinà's. Bu ne kakùvwa. . . Kakwèna mwà kwikala ndola wa mafi pàdìku kakùyì ndola mulelèlè to. Nèнку dìbà adi wa mafi awu ùdì. . . Bu ne bàvwa ànu bamwenze yèyè wa mafi awu kwònsò kwònsò eku, dìbà adi yèyè awu ke uvwa mwà kwikala wa mulelèlè's. Kàdi ùdì—ùdì ditentula. Kakwèna mwà kwikala. . . Kakwèna mwà kwikala mpèkaatù pàdìku kakùyì bwakàne to. Bwalu bwakàne kì—cintu cijaalàme, ne mpèkaatù ndinyangakaja dyà bwakàne. Mu ngaakwilù mukwàbò, bulelèlè bùdì ànu bulelèlè. Mashimi kaèna mwà kwikala mashimi pàdìku kakùyì kwanji kwikala bulelèlè dyàmbedi to; bwà kunyangakaja bulelèlè abu kubùvwija mashimi. Pa nàнку mpèkaatù yònsò ewu kí cìngà cintu to ng'ànu bwakàne bukònyangaja. Kì bwà cinyi, kùdì ndongolwelu pa buloba.

<sup>91</sup> Ndongolwelu yìbìdì; ne umwe wa ku yòyì kì ndongolwelu *mujalàme*, ne mukwàbò ndongolwelu *mukònyangaja*. Ne umwe wa ku yòyì n'Diyì dyà Nzambi, didì dyà bushùwà; nèнку dīyì dyà muntu yònsò didì mashimi. Nèнку ndongolwelu wa cyena

dingumba utùdi nendè leelù ewu ewu, muditwe mu kwenza Nsangilu wa Buloba bujimà wa Maèkèleeziyà bwà kwenza cimanyinu cyà nyama wa lwonji bwà kubuungwija bwònsò pàmwè, s'ki cintu cibi aci. Kàdi bantu bàdi munkaci mwà kwenda kubwelamù bu mpofo.

<sup>92</sup> Nzambì ùkaadi mumane kutèèka cintu pa buloba bwà bwòbò kusungidiibwakù. Kàdi bàdi bèèla meeji ne mmusumbà wa dikolesha dyà maalu. Kabèèna naaci bwalu to. Bàdi bàcibènga. Bàdi bèèla meeji ne bàdi ne cintu kampànda cyà kwenza pa bwalu abu. Bikèngela bwà kwenzabò wabò ndongolwelu bwòbò. Nzambì ùkaadi mumane kwikala ne ndongolwelu kaaba aka, n'Diyi Dyèndè. Kàdi twètù katwèna baswè Aci to. Nàнку tуди tusangana leelù ewu, ànu mwàkadibi musangu awu.

<sup>93</sup> Nèнку mpindyewu, bu mùdìbi ne bantu mbalongolola bwà kwikala mùshindù awu. . . Mònaayi ne, wèwè udi wamba. . . Ndi—ndi mumanyè ne ndi ngàngata díbà dyàbúngì, kàdi ncyèna muswè kutungunuka ne kutàngila aci to bwalu cìdi cimbìndulula. Nwamònu anyì?

<sup>94</sup> Cìdìdi; mpindyewu tуди twangata bu mùdi. . . Twàngatàayibi cileejilu. . . bwà kumòna bantu ní mbalongolwela bwà kwikala mu bitùpà bisàtù—bisàtù. Twàngatàayi cìdìdi. Kùdi bàmwè bàdi ne luuyà lukolè bwà muntu kampànda. Nèнку musumbà mukwàbò mmumukìne. Nèнку musumbà mukwàbò kì mmumanyè cyà dyenza nendè to; kì mbamanye ne nduseka kaayi to, nèнку cibabweja mu cimvundù.

<sup>95</sup> Muntu ewu wàmbi ne: “Kaa, yèyè's mmuntu munène. Yèyè—yèyè neikalè Mfùmù wa ditunga mutàmbe bwimpè bwetù twètù.”

*Mukwàbò wàmba ne: “Yèyè kènà cingà cintu to ànu muntu wetù muvilè diitabuujawu.”*

<sup>96</sup> Pashishe wa *pankaci* awu kwambayè ne: “Mpindyewu ncyèna mumanyè cyà dyenza to.” Nwamònu anyì? Nwamònu's, tуди balongolola mùshindù awu. Twètù tуди benza mùshindù awu. Mùshindù awu ke ùdi bukwàbantu. Bivwa bikèngela kwikalabi mùshindù awu bwà kuuja cibùcilu cinène cyà Nzambì. Ne bwà kwenza cyenzi Cyèndè cyà bulobo cidiYe ne cyà kukumbaja pa buloba, byàkakèngela bwà muntu kwenjiibwa nàнку awu. Umwe *mmubinge*. Mukwàbò awu yèyè *mmupùile*. Ne mukwàbò awu ùdi *pankaci* pàà bàbìdi abu. Bitu misangu yònsò mùshindù awu.

<sup>97</sup> Mònaayi ne, bàtu benza nàнку díbà dyònsò didìbo kabàyi bamanyè. . . Muntu wa *pankaci* awu, ke mwaba mubi bwalu bwà: ewu ùdi mwà kuleeja bwalu, bwà cinyi ùdi wèla meeji ne mmubinge; mukwàbò ùdi mwà kuleeja mùshindù ùdiye wela meeji ne mmupùile; kàdi ewu wa *pankaci* kì mmumanyè bwalu nànsha bùmwe pa cilumbù aci to, kì mmumanyè kwà kwela

dînu ne kwà kwela dikàla to. Nènku's ke mùshindù ùdibi mu ntèndeleeu. Bantu bàdi benza cintu cimwècimwè aci leelù ewu pa bwalu bwà kwàbò kwà Cyendèlèlèlè kùyaayàbo.

<sup>98</sup> Mpindyewu netwanji kutapa ku mwoyi, ànu bwà katanci kakesè. Bàdi bàcyènza bwà kwàbò kwà Cyendèlèlèlè kuyaayàbo. Muntu kampànda neàpweke mwaba ewu ku eci—ku eci. . . bwà kudyà. Kàdi wèwè musangane ntànda mu cibàkudì cyèbè cyà nsupù, neùkebe bwà kufùnda cyapù aci anyi nzùbu wa cidilù awu. Mòna's, kwàkujinga kudyà nsupù awu nànsha, mmufwànyine kwikala ne mulungù. Wèwè—wèwè—wèwè—wèwè kwèna mufwànyine kumwangata to nànsha kakesè, lupènzù lunèna anyi cintu kampànda cilàmbila mu cibàkudì cyà nsupù aci. Mòna's, kwakujinga kumudyà to nànsha kakesè. Mbifwànyine kukwendesha ku mwoyi ànu pa kwelaku meeji. Kàdi nànsha nànkù, neùkekelè musumbà kampànda wà beena tèlòlji ùkufinyika cintu kampànda pa muminu ciikala mwà kukusàka kule ne Nzambì mu ntàntà wa mùliyô wà kilòmèètà, kàdi nucisùkumina cyònsò. Mpàdibi ne: “Muntu neikale ne mwoyi ku Dìyi dyònsò didi dipàtuka mukànà mwà Nzambi.” Cintu's mmunyòlòlò kùdi musùukà wèbè mulembelejila pa ifernò. Nènku ànu múnkaadi mwambàmba ne: “Munyòlòlò mmukolèle pa dinungu dyàwù dyà ditàmbe kuteketa adi.” Dinungu dimwè dyòdi dikòseka. . . ki cyònsò cidi cikèngela bwà wèwè kwenza nkucibula dimwè dyà ku wòwò awu; s'kwajiki. Makwàbò wònsò àdi àdilekelela naadi. Ùdi ànu mutàmbe kukolela bikolè pa dinungu dyàwù dyà ditàmbe kuteketa adi.

<sup>99</sup> Mpindyewu. . . Nènku muntu udi mumanyè ne wèwè mudyè nsupù udi ne lulengu lwà ntànda mu yèyè awu, ùdi pàmwàpa mwà kukusaamisha. Nebikukèngela bwà kuya ku lùpitaadi, ne—ne bwà kukwelabo kapungu mu cifu ne kupicila mu lutàtu lwàbúngi. Nènku mbifwànyine kukushipa bulelèlèlè. Kàdi, ekèlekèlè! Udi mufwànyine. . . Mòna's, kwèna mufwànyine kupicila pabwìpi ne mwaba bu nànkù to. Kwènakù mufwànyine kubwela mu ciibi aci kàbidi to, bwalu wèwè—wèwè—wèwè udi ne bwòwà bwà ne nkwèpi kuwàlwà kupetangana ne mulungu ne kufwà. Nènku dîbà adi kakùyì mpatà to nenùkadìswikekù, kufùndisha mènà ènu mu mikàndà, ne kulwangana bwà bwalu bwà cintu cidi Bible wàmba ne: “Kacyèna cinyangakaja mubidi wèbè to, kàdi cidi citùma musùukà wèbè mu ifernò.” Nwamònu anyi? Mùshindù wà pabwàwù ùdi bantu benza maalu. Bàdi—bàdi ne. . . Bàdi bàngata kwàbò kwà Cyendèlèlèlè kùyaayàbo, bàkùshindamijila pa mwàkù wà cyena tèlòlji. Nènku udi mwà kubàtwàdila Mufùndu, wamba ne: “Eci ki cidi Bible mwàmbe. S'ki cyòci eci ànu mwaba ewu mene.”

<sup>100</sup> Kàdi mwena tèlòlji ùdi ùCitàngila ne: “Èè, aci's cìvwa bwà dīngà ditùkù.” Nwamònu anyi? Kàdi wèwè kumutèeleja. Nudi numòna cidi Nzambì wàmba aci. Mwena Kilistò mulelèlè, mushùwashùwàlà útù utèeleja ànu Dìyi adi, ne kwàjiki. Muntu

wa Nzambi ùdi ne mwoyi ku Dyâmpà adi.

<sup>101</sup> Mònaayi ne, bàmwè—bàmwè bàdi biitabuuja mu Dìyì adi. Mpàdì bakwàbò biitabuuja dyumvwija dyàbò dyà cyena màngumba. Nènku kùdi bakwàbò, ku cibwejàkàjì eci, bàdi kabàyi bamanyè cyà kwitabuuja to.

<sup>102</sup> Mpindyewu *bàmwè* bàà kùdibo bàvwa bàmba ne: “Kaa, Nsangilu wa Buloba bujimà wa Maèkèleeziyà ewu, aci’s ke cìikalà cintu’s. Necituvwije bwònsò umwe. Kaa, aci’s ke cyòci menemene.”

<sup>103</sup> Ne *bakwàbò* bàdi bàmba ne: “Mòna’s, mbyà dyabùlù! S’ki cyòci eci mu Mifùndu.”

<sup>104</sup> Dìbà adi *muntu udi kàyi wàngata díbà* dyà kusòmbela paanshì bwà kusambila ne kucikèbulula to, ùdi wàmba ne: “Kaa, cipwayi mwoyi.” Uh-huh. Kucipwa mwoyi? Aku’s nkwebè. . . ku cyùdi wamba, mwanèètù, ku ngiimànyìnu webè, nku mwàkù ùdi wamba, necikutùme kwèbè kwà Cyendèlèlèlè kuyaaya kuwàshààlà bwà kashidi. Kwenjikù nànkù to.

<sup>105</sup> Mbyà mushinga kutùdi bwà kusòmbela paanshì pàdi cintu kampànda bu eci cijuuka. Ne lukonko kampànda, bu mu matùkù à Yesù; pààkafikàbo, èkèleeziyà mwàmbe ne: “Kaa, Yèyè’s ùdi ànu muntu mupidyè diitabuuja. Kakwèna cintu nànsha cìmwè cyà nsongo kùdiYe to.”

<sup>106</sup> Kàdi Umwe kwamba ne: “Kenkètaayi Mifùndu,” Yèyè ne: “mu Yòyì nudi nwela meeji ne nudimù ne Mwoyi wà Cyendèlèlèlè, kàdi Yòyì nyìdi yìnwàmbila ne Ndi Nganyi.”

<sup>107</sup> Pashiishe balùme, ne bakàjì, bàdiku ne cipidi kampànda cyà bwena Kilistò nànsha cikesè, anyi bàdi bwalu bwà kwàbò kwà Cyendèlèlèlè kuyaayàbo bubantonda, bikèngela bwà bakenketè Mifùndu bwà kumòna ne Yèyè ùvwa Nganyi. Dìbà adi lukonko alu kì ndufwànyìne kwikala ne: “Ewu nganyi to?” Mbafwànyìne kwamba ne: “S’ki Yèyè ewu!” Ki dishiilangana ndyòdi adi. Nwamònu’s, s’ki bantu abu, bàdi—bàdi—bàdi ànu bàtamba kwikala mùshindù awu. Bàmwè mbacìlongolwela. Mbikolè bwà kwamba nànkù, kàdi’s ncìlèlèlè. Cìdi cìcìleeja. Nwamònu anyi?

<sup>108</sup> Mpindyewu, leelù ewu, *bàmwè* bàdi bàmba ne: “Ndi ngiitabuuja Dìyì. Dìyì m’Bulelèlèlè; Dìyì dyònsò dyà ku Dyòdi adi.”

<sup>109</sup> *Bakwàbò* bàdi bàmba ne: “Aa, bampaasàtà bèètù bàtu bàya kalonga mùshindù awu wà. . . Mbamanyè cyà kwamba pa Bwalu abu.”

<sup>110</sup> Mukwàbò kwambayè ne: “Èè, ncyènà mumanyè to. Ndi mukashààle wa mu *cikampànda* eci. Nciwva munange *cikansanga* nànsha. Mvwa muye lwà kuntweku bwà kukashààla wa mu *cikampànda* eci. Ncyènà—ncyènà mumanyè ne nkwebè kwà mèmè kalamata to.” Nwamònu anyi? Ki mùshindù wùvwàbi musangu awu, musumbà wa bantu bàà mùshindù



wùm>wè>wùm>wè awu. Èè bitu misangu yònsò ànu mùshindù awu, kuumukila ku cibangidilu, ne nebìikalè nàнку misangu yònsò.

<sup>111</sup> Mpindyewu twàngatàayi Bulelèlà bwà Bible pa bwalu ebu, bwà tumòne ní Mbulelèlà; ànu bwà tusuna tukesè cyaanàna mpindyewu... Adàmà... Ku cibangidilu cyàkabangisha ànu mùshindù ewu, ànu mùshindù utùdi naaci leelù ewu, kì mbishintùlùke nànsha kakesè to. *Adàmà* ùvwa “mwena kwitabuuja.” *Sàtaanà* ùvwa “mwena bupidyà”; kàvwa witabuuja Dìyi to. Pa nàнку ki kupetaye *Evà*, uvwa “kàyi mutwìshìibwe” ne Cìvwa ncyôci anyi kì ncyôci. Nwamònu anyi? *Sàtaanà*, mwena bupidyà awu... Nzambi wàkamba ne: “Ditùkù diwàdyàku, ditùkù adi ke diwàfwà.”

<sup>112</sup> *Sàtaanà* kwambayè ne: “Aci kì ncyôci to.” Nwamònu’s, ne yèyè kàvwa muCitàbùtje to. *Adàmà* ùvwa yèyè muCitàbùtje. Nàнку ki kukwàcilaye mudimu pa ewu uvwa pankàcinkaci awu. Kabàvwa mwà kwamba... mukàji kàvwa ànu mumanyè cyà kwamba to.

<sup>113</sup> Mpindyewu, mònaayi ne, mukàji ewu ùdi ùleeja èkèleeziyà wa cyena dngumba ucilwalwa wàbìikidiibwa ne mukàji-musèla awu. Cyònsò ncfùmìne mu Genèsè. Ndimiinu. Nudi nubangila mu Genèsè; nenùpetelèmu fòtò wenù buludi. Nwamònu anyi? Mpindyewu, ki yèyè ewu muleeje èkèleeziyà wa ditùkù edi bwalu bàmwè bàdi bàmba ne (mpindyewu tudi twangata ba-Presbytériens, ne ba-Luthériens, ne bwònsò bàlwalwà eku ne eku abu, beena katu-ku-byanza abu ne bakwàbò): “Tudi baswè kwikala ne... Tudi baswè dibàtiiza dyà Nyumà Mwîmpè. Tudi—tudi baswè kuDipeta.”

<sup>114</sup> Nudi nujungulula ditùkù ditùdi tusanganyibwamù anyi? Nwamònu anyi? Mbifwànyine kwikala mu mùshindù wà kabàyiku mwà kuMupeta to. Nudi bamanyè ne Yesù wàkamba ne: “Pàdìbo, virgò mukùtàkàne...?”

<sup>115</sup> Mpindyewu, vùlukàayi ne, virgò mukùtàkàne wàkalwa ùkèba Maanyi. Wònsò àkaavwa majika. KààkaÀpetà nànsha. Yèyè kààkaÀpetakù to. Nudikù nufika ku dyumvwa ne paanyimà pàa Mukàji-musèla mumanè kuya kujikà, mwambwìbwe mu Dyulu, èkèleeziyà neyitùngunukè ànu kutùngunuka, bantu bèèla meejì ne bàdi munkaci mwà kusùngidiibwa ne bikwàbò byònsò ànu mùtùbo bènza misangu yònsò amu. Bàtùngunuka ànu mwàkadibi mu matùkù à Noà amu. Bààkatùngunuka ànu ne kudyà, kunwà, ne bikwàbò byònsò ànu mwàkadibò bènza misangu yònsò. Kabàvwa bacìmanyè to, kàdi ciibi cikaavwa cikànga. Nènku balundà bàanyi, bìdi mwà kwikala ne, ciibi cìdi mwà kukangiibwa dìbà kanà dyònsò. Pàmwàpa cikaadi cimana kukanga, bwà ku dyànyi dimanya. Katwèna bamanyè to.

<sup>116</sup> Nèkwikale ànu bakesè bàà ku bwòbò bààbwela, bwà aci kaayi tudi bamanyè. “Ànu mwàkadibi mu matùkù à Noà (misùukà mwandamukùlù yàkasùngidiibwa), ki mwikalàbi

kàbìdì ku dilwa dyà Mwànà wa muntu.” Kùdì ànu ndambù wa misùùkà misungìdiibwe. Ncyèna ngàmba ne mmwandamukùlù to. Mmifwànyine kwikala nkàmà mwandamukùlù anyi... Ncyèna—ncyèna mumanyè ne mbùngì kaayi to. Binunu mwandamukùlù...Ncyèna—ncyèna mumanyè to. Miliyò mwandamukùlù...Ndi...

117 Kàdì nudi numòna’s, Mukàjì-musèla kààkwenjiibwa ànu ne kasumbù kakesè kàdì pa buloba apa aka mpindyewu to. Piikala cilù cyà mwandamutekète, pààkalwàYe, virgò yònsò ayi yàkajuuka ne kuteemeshayi myèndù yàyi, kale yònsò wàwa, muntu yònsò wàkiitabuuja Díyi dilaaba mu bikondo awu wàkapátuka. Ànu mùdì cipaapu cyà musàkà, citùpà cyà mu ndekeelu, ne kulwayè, kàdì Dìbwe dyà mùsongà òwàwa ne cyà kulwa bwà kwangata cintu cyònsò mu kaabujimà bwà kucivwija ci—cipaapu cyà musàkà. Nwamònu’s, kucitwàngaja pàmwè. Mpindyewu, Mukàjì-musèla neñjiibwè ne bwònsò bàà mu bikondo byònsò abi, bàdì biitàbùùje ne biitàbe Kilistò bu Musùngidi wabò.

118 Mpindyewu, Evà kàvwa mutwishiiibwe to. Adàmà kumwambila, kwamba ne: “Mpindyewu, Nzambì mmwàmbe, Munanga wanyì, ne: ‘Ditùkù dinwàdyàku, ditùkù adi nudi nufwà.’”

119 Kàdì bwòbò bààkamba...Sàtaanà wàkamba ne: “Ncyà bushùwà ne aci kacýèna mwà kwikala cilelèlè to. Nudi mwà kudifwànyikija bwà—bwà Taatù mufwànyine kwenzela bàna Bèndè. . . Ànu bwà kasànkasanka kakesè, cintu bu nàнку. Cyà bushùwà ne kaCyèna nàнку to.” Nwamònu anyi?

120 Kàdì mukàjì ewu wàkatàngila ku cinyì ndekeelu wa byònsò? Wàkatàngila ku ne “cyà bushùwà.” Nèнку aci cidi ànu menemene cidi èkèleeziyà wènza leelù ewu, pyòpyopyò. “Kaa, cyà bushùwà...Twètù tudi èkèleeziyà munène. Tudi cisambà cinène. Tuvwa kacya musangu mule... Cintàkanyi cyònsò cidibo bàbiikila ne ndikolesha dyà maalu mwab’ewu aci, cintàkanyi eci—eci cidibo bàbiikila ne ndibatiiza dyà Nyumà Mwîmpè ne byònsò abi, aci’s ndukutukutu’s! Nwamònu’s, aci... Cintu bu nàнку kacitukù nànsha. Aa, cyà bushùwà...Ntu mfuta byàdikumi. Ntu nya mu èkèleeziyà. Maamù wanyì wàkadi uya ku... Cyà bushùwà Nzambì...” Kàdì, Nzambì mmwambè bishiilàngàne, nèнку ke mùshindù awu wùdibi ne cyà kwikala, ànu mu mmwènuu wa Díyi Dyèndè. Wàkamba cìvwa cikondo cyà èkèleeziyà wa Laòdikiyà ewu mwà kwikala. Ndi ne mukàndà wa pabwàwù wikalà mwà kupàtukà, pa bwalu abu, àbìdì aa, bu Mukalenge mwà kwanyisha, nwamònu’s, wà Laòdikiyà ewu, bwà kuleeja ne kukaadi kumane kujika, ne yèyè mmumanè kudikàngilamù, ne Kilistò ùdi pambèlù. Kààkambakù ne Yèyè wàakaalukilamù kàbìdì to, nudi bamanyè’s. Pa nàнку tudi tucisangana leelù ewu, cipàtula Díyi pambèlù, ànu mwàkadibi misangu yònsò.

<sup>121</sup> Mpindyewu, mōnaayi ne, Mōsà, Dìyì dilaaba . . . anyi ní tudi tumubiikila . . . Ndi ntèkemena ne nenùmvwè, pàndi ngàmbe ne ùvwa Maasiyà. Yèyè ùvwa Dìyì dilaaba dyàkadì dilaya bwà ditùkù adi. Ke cìvwa Mōsà's! Nudi nwitabuuja nànkù anyi? Bushùwà, mwàkù—mwàkù *Maasiyà* mbwena kwamba ne “mulaaba maanyi.” Nwamònu anyi? Mpindyewu, Noà ùvwa *mulaaba maanyi* wa ditùkù dyèndè. Abraham wàkaakula ne kùvwa mwà . . . Cisàmbà cyèndè cìvwa mwà kusòmbela mu bupika munda mwà bidimu nkàmà yinaayi, ne bàvwa mwà kupàtudiibwamù ku cyanza cìkolè, kàdi cìvwaye mwà kuleeja: bimanyinu byèndè ne maalu à kukèma . . . ne—ne nkòngò yìvwà ne cyà kulwa ayi, ne cìikalà mwà kwenzeka aci. Ki Mōsà kwimana mwaba awu, *Dìyì dilaaba* dyà ditùkù adi. Ki bwà cinyi ùvwa mwà kutèeka cyanza cyèndè mu cyàdi. Bwà cinyi? Ùvwa mwimàne mu Bwikadi bwà Nzambi. Amen! Butùmbi bunène bwà Shekinà bumunyùngùlùke yèyè yònsò. Munyungakeenu wònsò ùvwaye wènza ùvwa ùleeja Nzambi. S'ki mwaba ùvwa ùkèngela bwà èkèleeziyà kwikala mwimanyine mpindyewu awu. Bushùwà's! Pamutù pàa aci, tudi badìbwinke mu cilunji kampànda cyà cintu kampànda cyà cyena màngumba.

<sup>122</sup> Kàdi Mōsà wàkakòkiibwa ntèmà, ne wàkalwa ku luseke. Ne kùvwa Dikunji dyà Kapyà adi dilembèlèle mu kaacipuka aku. Kàdi ki Mōsà ewu mwimanè mulaaba. Kakùyì mpatà to muntu awu kàvwa nànsha mumanyè cìvwaye wènza to. Bimanyinu byàkamupèèshàbò pàvwaye mwimane mwaba awu ne mulangala wèndè wà mulami wa mikòòkò awu, ne mumanyè ne aci cìvwa mwà kwikala dikombo mu cipèèlà. Dyàkandamuka nyòka, pashìishe kulwadi difuta dyà cibawu; ke cìvwa nyòka awu, mu cipèèlà. Bintu byònsò byàkenzàye . . . Bìvwa bimanyinu ne mèyì munkacì mwà kwakula ne cisàmbà. Nwamònu's, kùvwa cintu kampànda cìvwa cìpetangana nendè. Ne Mōsà kàyì mufwànyine mene kucìmanya yèyè mwine to, kàdi yèyè ùvwa Dìyì dilaaba dyà ditùkù adi. Yèyè ke ùvwa Mùsànjeelà mulaaba. Nànkù pìikalàbi ne yèyè ùvwa Mùsànjeelà wà dìbà adi, yèyè nguvwa Maasiyà wa dìbà adi. Yèyè nguvwa *mulaaba awu*.

Mpindyewu, yèyè, Yoshùwà, ne Kaalèbà, bàvwa beena kwitabuuja mu kasùmbù aku (mōnaayi) ne wàkateeta kulongesha bakwàbò Bulelèlà. Kàdi nwamònu's, Sàtaanà (Daatanà ne Koolà) wàkafikisha bakwàbò ku dibùtuka mu cipèèlà. Mpindyewu, lutàtù lùvwa cinyi?

<sup>123</sup> Nzambi ùvwa mubiikile Mōsà. Kàvwa muswè kuya to. Bapròfetà abu bàvwa ne bintu byà mùshindù awu byà dyenza mu mùshindù wa ne bwòbò—bwòbò . . . Cìvwa ncintu cìkolè cyà dyenza. Kabàvwa baswè bwà kupàtuka, bwà kusekiibwa to. Bàvwa bàswè kwikala ne bwòbùmwè ne kubwela ne bakwàbò bwònsò abu ne—ne kuya pàmwè ne bàna bààbò. Kàdi nudi numòna's, ànu bu . . . Ngèèla meeji . . . Ngápù mwoyi ne ùvwa mmupròfetà kaayi, wàkamba ne: “Bu . . . Ncyèna muswè

kwenza cikampànda to,” (mu ngaakwilù mukwàbò) “kàdi mwoyi wànyi mujimà newulàkukè kapyà. Nzambi mmwakulè ne bûndi naabu mbwà kuCyàmba.” Ní bàvwa bàCìnanga; anyi bàmwela ku nkùrusè; anyi bàmwasa mabwe; cyònsò cyàkenzabo aci. . . Nzambi mmwakulè mu mwoyi wèndè, ne yèyè ùdi ne cyà kuCyàmba. Kí mbwà kwikala mushiilàngàne to, kàdi bwà kutùmikila. “Ditùmikila ndipite mulàmbù; kutèèleja, nkutàmbe maanyi à bimpàngà byà mikòòkò.” Nwamònu’s, Cìvwa mu mwoyi wèndè. Yèyè uvwa ne cyà kucyenza. Cìvwa m’Mwoyi wèndè. Kàvwa mwà kuCìkwàta to. Kùvwa cintu kampànda, dituuta dyà mwoyi, òvwa dimusàka. Kabàvwa mwà kuCìbènesha anyi kuCyèla mulawu nànsha. Nzambi ùvwa ne bukòntononyi bwàbù bwònsò mu mùshindù wà ne Yèyè—Yèyè ùvwa dìyi dyàbò, cyenzi cyàbò. Àlèluuyàh!

<sup>124</sup> Mpèèshaayibi Èkèleeziyà udi mulaabiibwe mu kaabujimà menemene kùdi Nzambi mu mùshindù wà ne cyenzi cyònsò ne dinyungakana diikàle EMU MMÛDÌ MUKALENGE WAMBÀ, wèndela mu Butùmbi bwà Shekinà abu, nènnullèjè Maasiyà (mulaaba wa Nzambi awu) mwimanè pa buloba.

<sup>125</sup> Ki Mòsà awu mwimanè pabwîpi ne cipuka cìvwa cìlákuka kapyà eci ne Butùmbi bwà Shekinà. Mwimanè mwaba awu, mulaaba, bìvwa bikolè bwà kumanyayè cìvwayè munkaci mwà kwenza. Ùvwa ànu munkaci mwà kutùmikila cìvwa Dìyi dimwambila bwà kwenza ne: “Elà cyanza cyèbè mu cyàdi. Cìpàtule. Ambùla dikombo. Dyandàmune nyòka. Dìkùpa kàbidì paanshì.” Nànsha ní nganyi ní nganyi mwà kwamba cinyi, yèyè ùvwa munkaci mwà kucyenza.

<sup>126</sup> Yèyè kwamba ne: “Mukalenge, ndèjèku Butùmbi Bwèbè, díbà adi ndi pabwîpi bwà kuya mu Èjiiipitù. Ncyèna muntu mwakudi wa kapelu to. Ncyèna mwà kwakula bimpè to. Kàdi Wèwè ndekele ànu mmòne Butùmbi Bwèbè.” Ke Yèyè kumuleejaBù. Ki kupwekayè e kwangata bintu bimwèbimwè abi, bwà kuleeja ne yèyè nguvwa Maasiyà mulaaba. Muntu awu kwambulayè lupwishi pa buloba ne kulùkùpa mu lupepèlè, ne njiji ne nkùpa kubùùkabi bipàtukila mu lupwishi alu, ne kubwikidijabi buloba. Ncinyi cìvwa mwà kufuka, pa kumusha Nzambi? Kwangata màyi mu musùlu ne kuicikija pa lusenga lwà ku mwelelu wà musùlù aku; nènku dimata dyònsò dyà màyi mu Èjiiipitù mujimà, kwandamukadi mashi. Ncinyi cìvwa mwà kwenza aci, piikalàci kacìyi Nzambi? Cìvwa ncinyi aci? Yèyè ùvwa mudilekèlèlè bikolè ku Dìyi dilaaba dyà Nzambi too ne mwàkashàalayè Maasiyà.

<sup>127</sup> Beena Èjiiipitù kuteetabò bwà kuCìbènga mùshindù ewu. . . Beena bupidyà kutetabò bwà kuCìdyombola. Beena kwitabuujà bàà budìngìbudìngì kuteetabò diyelè dyàbò adi. Kàdi Dìyi dyà Nzambi dyàkaya naabo buludi too ne ku Buloba Bulaya. Ncyà bushùwà. Bàvwa balaaba maanyi. Bàvwa. . . Yèyè ùvwa Maasiyà.

128 Mpindyewu lukonko lùdi lùpàtuka mu cipèèlà. Ki mwaba ùdilu lùtwàla ngwòwò ewu...Nwamònu's, mpindyewu, ndi muswè bwà nùtangilè bîmpè, nwênù bânà bèètù. Mpindyewu vùlukààyi ne, bantu aba bààkasànka ne mabènesha. Bààkasànka ne diyiisha dyà mupròfetà ewu, mulaaba awu. Bààkamwitabuuja. Bààkamulonda. Kàdi kwàkajuuka mu cipèèlà amu, mûngà dyèndè ne—ne Daatànà, ne mukwàbò dyèndè ne Koolà. Ki kwambabò ne: “Eci cidi ne cyà kwikala bwalu bwà muntu umwe. Mòsà ùdi wèla meeji ne yèyè ùdi umwèpelè udi Nzambi mubiikile's.”

129 Mukenji wà muntu umwèpelè awu, kabàvwa baWùswe to. To, kabàvwa baWùswe to. Nènku Nzambi kacya ùtu ùkwata mudimu ànu ne muntu umwe ku cikondo kampànda. Cìtu misangu yònsò ànu Mukenji wà muntu umwèpelè. Ndìbà kaayi dikaadiYe mukwàte mudimu ne bantu, kakùyì ànu ne muntu umwèpelè? Ùtu mmuntu-nkààya. Kacìtu musumbà nànsha. Wèwè udi mwambule bujitu kùdi Nzambi, muntu ne muntu wa kunùdi. Wèwè udi wamba ne: “Kaa, ndi nCìitabuuja.” Wèwè udi ànu. . . Cyùdi wenza, udi ànu uCìcyònkomoja. Udi ucyònkomoja mmwènenenu kampànda.

130 Mukàji nyèyè ewu mwimàne kaaba aka. Mémè ndi nsongàalùmè, mwindile bwà kubwela mu dibàkà. Ùdi ùkumbanagana menemene ne cyònsò cìndi nkeba. Mmwena Kilistò mulenga: mmufwànàngàne ne mwena Kilistò, ùvwala nkanzu bu mwena Kilistò, wenza maalu bu mwena Kilistò, mwikàle ne nsòmbelu bu mwena Kilistò. Ndi mwà kwanyisha ne mmufwànyine kwikala mukàji mwîmpè bwànyì. Kàdi kî gwanyì pàndì ncìyi mumwangate bu wanyì to.

Ki mùshindù awu wùdi Mukenji. Udi mwà kudyà naaWù bulunda kwamba ne: “Ncyà bushùwà.” Kàdi bikèngela bwà wèwè nkààyebè kuWàngata bwà kulwa citùpà cyàWù. Dìbà adi wèwè ne Mukenji nulwa umwe. Dìbà adi dilaabiibwa dìdi neebè, ànu mùdìdi ne bakwàbò amu.

131 Mpindyewu, Sàtaanà, yèyè kààkaWìitabuuja to. Daatànà. . . Wàkafikisha Daatànà ne bakwàbò abu ku dibènga kuWitabuuja, kubàfwìshisha bwònsò.

Kàdi wèwè udi wamba ne: “Anji indilabi kakesè, Mwanètù Branham, wèwè wàkamba ne: ‘Bàsàtù: Mòsà, Yoshùwà, ne Kaalèbà.’” Ncyà bushùwà menemene. Ki cìvwàku ncyòci aci. “Kàdi's ki wèwè ewu wamba apa ne: ‘Bàbìdì.’ Udi wamba apa ne ‘Kùvwa. . .’”

132 Udi wamba ne: “Sàtaanà mutàmbe-mfùkìlu.” Kàdi kùvwa Nzambi mutàmbe-mfùkìlu, kàbìdì, uvwa ulaaba bàsàtù aba. Mpindyewu, Sàtaanà yèyè mmulaaba cyanàànà. Kàdi mukwàbò awu ùdi munkacì mwà kulwa, mukwàbò awu ùdi munkacì mwà kulwa, tângilàayi ànu bwà tusunsa tukesè cyanàànà. Ùdi ubwela

mu cyalu, dyèndè m’Baalàmà. Yèyè’s mmupròfetà munangi wa mfranga; mupròfetà wa ku dínà, mupròfetà wa mashimi.

<sup>133</sup> Kùtu misangu yònsò bapròfetà bà mishindù yònsò. Ne misangu yònsò ànu ne Izalèlèlà ne mu cisumbù, kùvwa bapròfetà misangu yònsò; bapròfetà bàà dyengeleka abu, bààdilaabidila, bàvwa bènda bèndakana ne baswè ne mfùmù àbambilè dīyì dīmpè, ne kanza kwolola, ne, èyo, bu mwàkadi Aakàbà naabò nkàmà yinaayi mijimà, bwònsò bavwàdika mizàbì yà butèndeledi ayi. Ke kwambilayè Yè-. . .kwambilayè m—m—mfùmù munène awu, Yèhoshàfàtà awu, kwamba ne: “Mòna’s, bushùwà, ndi ne bapròfetà nkàmà yinaayi, bwònsò beena Ebèlù, balongesha bīmpè.”

<sup>134</sup> Ke kulwabo bwònsò ne kwamba cipròfetà. Kàdi muntu awu ùvwa ne Nzambì búngì bukùmbàne munda mwèndè bwà kumanya ne aci cívwa cyà mafi, bwalu ùvwa mumanyè ne Eliyà ùvwa mwelè cintu aci mulawu. Kàdi mpindyewu mmunyi mùvwa Nzambì mwà kubènesha cikaavwàYè mwele mulawu? Kàvwa mwà kwenza nànkù to. Yèyè kwamba ne: “Udikù ne mukwàbò kàbidì utùdi mwà kukonka anyi?”

<sup>135</sup> Yèyè ne: “Èyowà, udi ne mukwàbò pambèlù apa; Miikà, mwànà wa Imlà. Kàdi,” yèyè kwamba ne: “Ntu mumukine.” Yèyè kwamba ne: “Yèyè útù mutùmwenène dībà dyònsò bwà kumpiisha ne kungambila bintu byònsò byà bibì.” Mmunyi mùdìbu mwà. . . Ntambwe ùvwa mukungùle. Nzambì mwakule. Nganyi wabènga kwakula Bulelèlà? Pàvwàci cibèngangana ne Dīyì dyà Nzambì, byàkakèngela bwà kwèlaye cintu aci mulawu. Bātu ànu naaci misangu yònsò, mupròfetà wa mashimi awu. Kàdi bātu ànu kàbidì ne mulelèlà, misangu yònsò. Vùlukàayi ne, kakùvwa cilongelu cijimà cyàbò nànsha. Kùvwa umwèpelè wa ku bwòbò. Nènku mùshindù awu ngùdibi mu ditùkù kanà dyònsò edi. Ke mùshindù ùdibi, leelù ewu.

<sup>136</sup> Mupròfetà wa ditùkù edi n’Dīyì edi. Ncyà bushùwà. Mupròfetà awu, leelù ewu, kī mbyònsò bishiilàngàne ebi. . . Ki mupròfetà wa ba-Méthodiste ewu, mupròfetà wa ba-Baptiste, mupròfetà wa Mpenta, bapròfetà bàà mishindù yònsò eku ne eku, mu ditungà dijimà. Kàdi mucíkàle ànu ùshààla ne: kùdi Mupròfetà Mulelèlà Umwèpelè, umwèumwè awu makèlèlèlà, leelù, too ne kashidi. Ncyà bushùwà. Yesù Kilistò! Ne Yèyè ùdi Dīyì. Ncyà bushùwà. Yèyè ùdi Dīyì: Dīyì Dilaaba dyà dībà.

<sup>137</sup> Mònaayi ne Yèyè mpindyewu, patùdi twenda tuyà apa. Tudi tusangana ne Yoshùwà ne Kaalèbà. . . Nènku pashiishe ki Baalàmà ulwàlwa ewu bu mupròfetà wa difutu. Cyàkènzàye ncinyi? Yèyè wàkaseesuka buludì Dīyì dyònsò dyà Nzambì, paanyimà pàà Nzambì mumanè kumuleejaDì. Ùdi ùleeja dīngumba, leelù ewu. Netùleejè aci ànu mu tusunsa tukèsè emu; Daatànà, cívwaye, ne cívwa bakwàbò bwònsò abu. Mpindyewu Baalàmà ùvwa ùleeja dīngumba. Muntu uvwa ukèngela,

anyì kî nnànkú to, ukèngela bwà kumanya bîmpè bitàmbe. Úvwa mumanyè ne aci cívwa cibi. Kàdi cyàkènzàye ncinyi paanyimà pàà cyòcì aci? Nzambi wàkamupèèsha didimwija, kàdi wàkatungunuka ànu ne kudyatakaja didimwija adi ku makàsà. Úvwa ne katombotombò bwà mfranga ne lumù bwà mùvwàye mwà kubàlamata amu. Ke mùdi kàbìdì maèkèleeziyà ènza leelù ewu, àkabwela mu Nsangilu wa Maèkèleeziyà wa Buloba bujimà awu. Pèndè didimwija dyònsò didi dikungula mu ditunga dijimà, ne bimanyinu ne maalu à kukèma mu matùkù à ndekeelu aa. Nànsha nànkú bàdi bàkabwelamù, bwalu mbanange butùmbì bwà bantu kutàmba mùdìbo banange Dìyì dyà Nzambi.

<sup>138</sup> Ndi muntwamu ne mulundà wanyì mwîmpè, udi uyiisha mukenji awu; mwena Mpenta, muntwamu wàmbila bantu, ùteeta bwà kusanga èkèleeziyà pàmwè. Wàmba ne “tudi ne cyà kubwela mu eci, mu nkwaka wa bukwan’tèndeleelelu ewu.” Mòna’s, bàmwè munda mwàbò. . . èkèleeziyà wa Kilistò. Àbùngì à ku màngumba àdì kaàyì mene itabuujà mu dileidiibwa dyà kùdì virgò aa, ne bintu byònsò bishiilàngàne ebi, kàdi bwònsò mbashààle bàà mu cyòcì aci. Mmunyi mùdi bantu bàbìdì mwà kwendela pàmwè piikalàbo kabàyì buumvwàngàne? Pashiishe, wèwè kutwà “Amen” ku cyòcì aci, ndi ndikonka bwà bwalu ebu mpindyewu ne: Dìbà adi mmunyi mùdi muntu mwà kwamba ne mmwena Kilistò ne mùle tètè ne Nyumà Mwîmpè, kàdi kuvila ne Dìyì adi kadyèna dimwèdimwè adi makèlèlèlè, leelù, too ne kashidi? Nyumà Mwîmpè munda mwèbè neätwe ku Dìyì adi, Dìyì dyònsò ne: “Amen. Amen. Amen.” Pàdì Dìyì dyàmba cintu kanà cyònsò, wèwè udi wamba ne: “Aci’s m’Bulelèlè.” Amen! Kùdì. . . bwalu wèwè udi upetangana ne Dìyì adi. Wèwè udi upetangana ne Nzambi. Wèwè ne Nzambi nudi umwe. Nzambi ùdi munda mwèbè. Udi mwân’Èndè wa balùme anyì mwân’Èndè wa bakàjì, cìdì cikuvwija maasiyà kùdìYe, Dìyì dilaaba diikale ne mwoyi munda mwèbè amu.

<sup>139</sup> Mònaayi ne, Baalàmà wàkadyatakaja bintu ebi. Yèyè ùvwa dìngumba dipwàngàne ne dyandamuna dipwàngàne bwà dijinga dyàbò. Kì civwà Daatànà muswè aci. Kì civwà Koolà muswè aci. Bààkaswa bwà kwenzelakù bulongolodi kampànda. Bàmba ne: “Tudi ne bantu bàà cijila pambèlù pònsò apa.”

<sup>140</sup> Nànsha bantu bàbìdì mwà kwenda pàmwè mu mùshindù mupwàngàne wà bishi, kùdì ànu dishiilàngana mu bwòbò amu. Maùlù ètù kaènà mùmwè to. Tushoonyi twètù twà minu yà byàlâ kî ntufwànàngàne to. Kùdì bintu byàbùngì byà kutùdì. . . Nànsha mutùdì mwà kupèèshangana mashi à bèèla muntu ne mukwèndè, nànsha mene mu bânà bàà mapàsa, bàdi ànu bashiilàngàne. Dìbà adi, nudi numòna’s, Nzambi ùdi ànu ùbweja muntu umwèpelè mu munyùkunyuku awu, ne mukwàbò ùwitabuujà.

<sup>141</sup> Wàkenza muntu umwèpelè, ne bantu bààbùngì kulwila ku

muntu awu. Bu mùdì bwónsò bàfwa mu Adàmà, bwónsò bàdì ne mwoyi mu Kilstò. Yèyè wàkenza njila umwèpelè wà lufù, kàdì bwónsò bààkabwelamù. Ne Wàkenza njila umwèpelè wa Mwoyi, kàdì bùngì bwónsò bùdì bwèndelamù abu bùdì ne Mwoyi. Ku lufù lwà Muntu umwèpelè, kí mbantu dikumi ne bàbìdì to. Kabyàkakèngela bwà bantu dikumi ne bàbìdì kwenzabo mpèkaatù to. Muntu umwèpelè ngwakenza mpèkaatù umwe. Muntu umwèpelè ngwàkafuta cibawu. Kabyèna bikèngela kàbìdì dikalaba dyèbè dyà ku binu nànsha, ne kwamba ne *Mwoyo Màriyà*, ne bintu byà mîshindù mikwàbò byónsò ebi to, ne kulambula milàmbù yà bafwè. Yesù wàkafwà bwà Dipà dyà Nzambì dyàmòna kwikala ku cyanààna. Yèyè wàkafuta dibànzà dyónsò nkòong. Kàdì nudi numòna's, tudi baswè kwikala ne cikwàbò cintu cyà kwambaMù.

142 Tàngilàayi eci mpindyewu. Bakwètù aba bààkajuuka mwaba awu kàdì kwamba ne: “Èè, udi uteeta kudivwija muntu umwèpelè mu musumbà awu. Udi wela meeji ne wèwè ki umwèpelè's.”

143 Kàdì Mòsà ùvwa mucyòke bwà bwalu bwàbò. Wàkaalukila, kwamba ne: “Taatù . . .”

144 Yèyè ne: “Tàpuluka naabò wèwè mwine. Mémè—mémè—mémè . . .”

145 “Bwónsò—bwónsò bàdì ku luseke lwà Nzambì abu, lwàyi kunweku.” Kí Yèyè kukàngula buloba ne kubàminabù. Ncyà bushùwà anyi? Anji elàbi ànu meeji pa bwalu abu, mwanèètù. Kaa, ekelekèle! Bwà cinyi kabààkamwitabuujà? Bwà cinyi kabààkiitabuujà ne—ne—ne—Mòsà ewu nguvwa mulombodi, wa Nzambì awu? Bwà cinyi bààkaswa bwà kukòkangana nendè? Banungana misangu yónsò ne bàdyàbakeena, pàabù bamòne cyanza cyà Nzambì ne bendèle mwinshì mwà . . . Nènku Mòsà . . . Nzambì wàkajaadika ne—ne Mòsà nguvwa Maasiyà Wendè mullaaba. Nudi numòna anyi? Ne pashiishe ànu . . . Nwamònu's, munda mwà mwoyi wàbò amu, bàvwa bàjinga cintu kampàndà cyà cishiilàngàne.

146 Cyàkanwènzekelà ncinyi nwènù beena Mpenta? Kí nkwanji kupita bidimu byàbùngì to nwènù kupatuka mu cimvundu cidìbo bàbìikila ne ndìngumba aci, bwà kudyènza Mpenta. Mbwà cinyi bunwàkaswilà kwalukilamù kàbìdì? Cizubu cívwa ne cyà kulwa. (Lutete kalùvwa lwanji kwikalàmù, to.) Nwamònu anyi? Mònaayi ne, awu's ke mùshindù wàkenzabo ànu. Aci's cívwa munda mwà mwoyi wàbò. Byàkakèngela bwà kucyènzabò.

147 Mpindyewu, nwamònu's, Daatànà wàkapeta meeji à ne bàvwa mwà kwenza ntèndeleelelu munène ku cyòcì aci. Nudi bamanyè's, nànsha mùpostolò Peetèlò wàkapeta meeji àmwèàmwè awu pa Mukùnà wa Dikùdimuka dyà mpàla. Yèyè kwamba ne: “Twibakàayi nntèntà yisàtù kaaba aka; umwe



bwà Mòsà, ne umwe bwà mikenji, ne umwe bwà bapròfetà, umwe. . .”

<sup>148</sup> Nènku pàcicivwàye munkaci mwà kwakula apu, kulwakù Díyì, dyàmba ne: “Ewu m’Mwan’Àanyi munanga. NuMutèlèlèjaayi.” Díbà adi pàakakùdimukàbo, kumònabo Yesù nkàayendè. Ki Yèyè awu mwimanè. Yèyè nguvwa Díyì. Ki cyònsò cyùdi ne cyà kuumvwa aci, n’Diyì adi. Ki Yèyè awu mu cikondo kanà cyònsò. Kumòna cidi Díyì dyàmba bwà cikondo aci, ne kutàngila Nzambi ùDilaaba, kàdi kuya naaDi. Kwajiki.

<sup>149</sup> Bààkalonda Dikunji dyà Kapyà too ne ku Buloba bulaya. Aba bààkatungunuka ne njila awu ne ku ndekeelu bààkafika, bakwàbò bààkabütuka. Mònaayi ne, bààkaswa Díyì disopakaja ne maalu à pa buloba. . .cyàkabàfikisha ku cilema. Kàdi mònaayi cyàkabènzèlaci. Díyì adi. . .BààkaDipanga bwalu kabààkaswa kwitaba Díyì dilaaba. Nwamònu’s, bìkèngela bwà wèwè kwikala ne ditentula. . .Dyàmbedi bìkèngela wikalè ne cilelèlè aci, bwà kushìsha kutentwilapù. Nènku ki bwòbò abu naaci, kàdi Nzambi kuleeja ne Yèyè kàvwa naaci to.

<sup>150</sup> Anji elàayibi meeji mwàkamanyishiibwa Díyì kùdìbo mu mùshindù mupwàngàne, mu kubàshindikiladi. Cintu cyònsò cyàkamba Mòsà mu cipròfetà cyàkenzeka. Bwà ne yèyè ngwakabiikidiibwa bwà kuya naabò ku Buloba Bulaya ebu. Cintu cyònsò cyàkamba Mòsà mu cipròfetà cyàkenzeka, ànu mwaba awu. Díyì nànsha dimwè dyà ku Cyòci kadyàkapangilakù to. Ndyèse kaayi divwa aci ne cyà kwikala, bwà kumanya ne nuvwa nwendela mu cipèèlè. . . Ne mwómù amu, paanyimà. . .Pààkabàmbilàye Mukenji, bàvwa ne cyà kuWitabuuja dyàmbedi. Kàdi paanyimà pàà yèyè mumanè kubàpàtula muntwamu, díbà adi ki Nzambi kwamba ne: “Nèmbàjaadikilè ne Mèmè ndi Dikunji dyà Kapyà diwàkatuutakeenà naadi mu cipèèlè adi.”

<sup>151</sup> Ki kwambaYe ne: “Bakùngwije bwònsò ku nyungulukilu wa mukùnà awu.” Ki Yèyè kupweka ku lusongo lwà Mukùnà wa Sinaayi. Ki Nzambi kubanga kutuuta makùbàkùbà.

<sup>152</sup> Ke cisàmbà kwambaci ne: “Nzambi kààkudikù Yèyè to. Mòsà àakule yèyè. Yèyè to. . .”

<sup>153</sup> Nzambi kwamba ne: “Ncyàkwakula kàbìdi naabo mùshindù ewu to, kàdi Nèmbàjuudilè mupròfetà wikalà mwà kwakula mu Dìnà Dyànyi.” Nwamònu anyi? Nànku tudi tujandula ne ki citù Nzambi mwenzè misangu yònsò. Bwà cinyì kabàvwa mwà kumòna aci ku cibangidilu? Kumòna bintu byònsò ebi, kàdi pashìshe kunungana kulwisha Mukenji ùvwa ùbàtwàla mu Buloba Bulaya awu; wàkabanga kubàpàtula buludì, ne kubàtwàla ku Buloba Bulaya. Kàdi bàcidi ànu. . .byàkàkèngela bwà bòbò kunungana kuWùlwisha. Elàayibi meeji, mùshindù ùdìbi bipwàngàne. . .mùvwabo mwà kwikala bende ditùkù dyònsò, bènda ne Mukalenge. Nsòmbelu kaayi wa kwikala

nendè's, ànu mu cipèèlà mene! Ku dîbà dyà butùku... Kudyà manà mu dîndà, àvwa mamatè mu butùkù awu.

<sup>154</sup> Nudi bamanyè's, bààkiibidilangana naawù mu mùshindù wà bàmba ne: "Musùùkà wètù wácýòki ne Dyàmpà edi." Nwamònu anyi? Nènku's ke mùshindù awu ùdibi kutùdi. Ndi ànu ngèèla meeji bwà tusùmbù tokesè tutùdi... ànu mu mudimu wànyì wà bwambi mukesè ewu, mu ditùnga dijimà. Kî nkumòna ànu lwondapu ne bikwàbò to; abi's bitu ànuku misangu yònsò. Lwondapu; Nzambi ùtu misangu yònsò ànu ne ntùùkà wà lwondapu mwaba kampànda. Úvwa mene ne—ne—ne Mwanjèlò mu ciinà cyà máyi musangu kampànda. Nènku Yèyè... bintu byà mishindù yònsò. Nyòka wa—wa cyamu cyà mitakù mu cipèèlà. Nutu misangu yònsò ànu ne bimfwànyì byà lwondapu. (Aci kî ncîndi ngàmba to.) Lwondapu ncintu kampànda cìtù cikòka ntèmà yà bantu. Muntu kanà yònsò neàfile ditàpishi bwà mudimu wà lwondapu. Nebàfile—nebàfile ditàpishi bwà difestò dyà misambu. Kàdi pàkaadìbi bikafika ku musùùkà mujimìne, kabèèna ne cintu nànsha cimwè cyà dyenza naaci to. Nwamònu's, mpindyewu kî ncyàmba kwikala bu aci anyi? Nwamònu anyi? Tudi ne bintu byònsò... bwà musùùkà mujimìne mukwàte ne byà luse. Kî mbaswè kwenza cintu nànsha cimwè bwà aci to. Nebàmulekèle wènda ùbuubuta mu cintu kanà cyònsò. Bàmba ne: "Èè, abi's mbimpè, yèyè's ngwa mu èkèleeziyà. Kabyèna ne cyènzàbi nànsha cimwè to."

<sup>155</sup> Kàdi mpindyewu, tudi tusangana mwab'ewu... (Twenda tuya batàngile ku dijikija ne lukàsà ne mwètù mwònsò mwab'ewu.) Elààyibi meeji mùshindù ùvwàbi bipwàngane's. Ndi ntàngila mu—mu matùkù atùdi panu pa buloba ebù apa. Tàngilàayi cidì Mukalenge Nzambi mwenzè. Kubangila ànu ku bimanyinu binène, ne maalu à kukèna, ne bishimà, bitùdi twètù bwònsò tusànka naabi. Pashiishe tàngilàayi... Pashiishe Mukenji ùdi ùlonda paanyimà pàacì.

<sup>156</sup> Tàngilàayi cyàkenzeka. Wenda uya, kî ng'ànu wèwè nkààyebe to, wenda wenda ne bantu. Kumòna cisùmbù cyà Banjèlò bàlwa bàfùmina mu Maulu, bànyùkusha buloba bujimà, wèwè kacya ànu wimana mwaba awu. Eku bibèjibeji bicifùnda; apu ncidyanjila kwamba ne necyènzeke ngondo ne ngondo kumpàla mene kuvwàbi bifwànyine kwenzeka. Ki Yèyè awu mwimanè mwaba awu, wàmba ne: "Cikondo cikaadi pàbwìpi, alùkila. Kàngula Bitampi Mwandamutekète byà maalu masokoka àvwa masokoka kacya mu balongolodi ne bikwàbò, uelè patòòke." Pashiishe kulwaku diyisha dyà *Dimiinu dyà Nyòka*, ne bintu byònsò byà mùshindù awu abi. Kàdi balombodi bàà ntèndeleeleu bàdi bènza cinyi? Pamutù pàà kwamba... "Mòna's, Luther wàkamba *cikampànda* anyi *cikansanga*." Bàdi ànu... Kabààdyàkucimònakù to. Nwamònu anyi? Kàdi ndyèsè kaayi bwètù twètù bàdi bìtabuuja; bwà kwendela mu Bwikadi bwà Nzambi, ditùkù dyònsò.

157 Mwimane mwaba awu ne kumòna mvùnda ùfùmina mu dyulu. Kutaayishaye mukùnà mu bipese bibìdì, biimane mwaba utùvwà tusanganyiibwa awu; kukòsa nsongo yà micì ne bintu mùshindù awu. Ne dikùbàkùbà dyà Díyì kupàtukadi ne kunyùkusha mwaba awu misangu yisàtù mijimà, dyàmba ne: “Tàngilàayi mùyaayàci ku Côte Ouest.” Cyòci kuya buludì kuntwaku ne kunyùkusha Alaska. Ne kupweka buludì ku Côte Ouest mpindyewu. Ànu menemene.

158 Ditùkù òvwà didyanjile, ngàakangata dibwe ne kudìkùpa muulu mu lupeepà, ne kwamba ne: “EMU MMÙDÌ MUKALENGE WÀMBA, ‘Dìbà dyàkànyì, manyooka neàbàngè pa buloba. Dikanka dyà buloba ne byònsò nebìkale munkaci mwà kwenzeka. Ne Côte Ouest mujimà neànyùkushiibwè ne bikwàbò.’” Tàngilàayi mùshindù ùdìbì bipwàngane. Ku ditùkù ne ku ditùkù, bintu byònsò ànu menemene mùshindù wàkambàYe. Mmunyì mutùdiku mwà kwalukila cyànyimà, bàna bèètù? Tùlamàayi diitabuuja dyètù ditàngija kùdìYe.

159 Bàdi bàmba ne: “Ewu nganyì?” Tudi bamanyè ne Yèyè ùdì nganyì. N’Yesù Kilstò umwèumwè awu makèèlèlè, leelù, too ne kashidi, Dikunji dyà Kapyà. Pààbì mu cikondo cyà Mòsà, tàngilàayi cyàkenzàDi aci; cifwànyikijilu cyà Dikunji dyà Kapyà leelù ewu. Bìtu misangu yònsò ànu . . . Bwà cinyì kabààkiitabuuja ne Yesù ke Díyì? Bàvwa ne dyumvwija dìbì ne luumvu lubì. Ànu mwàkenza Evà amu, ke mùdìbo bènza mpindyewu.

160 Pashiishe Baalàmà ne dilongesha dyèndè òvwà ànu òmpè bwàbò. Ne dyàkapetangana menemene ne civwàbo bàjinga. Ku difestò, tàngilàayi . . . Ku Difestò dyà beena Moàbà, nwamònu’s. . . Kaa, cyàkambàye aci. Tàngilàayi, cidi ne, mùdici cimfwànyì cyà leelù, mùdici cifwànàngàne naaci. (Ndi nnùlama mukungùlù mupitèpìte bule.) Kàdi tàngilàayi, mònaayi, ànu bwà katanci kakesè cyanààna, Difestò dyà beena Moàbà. Nwamònu’s, bu yèyè mwà kubàpatula pambèlù mu mùshindù kampànda, mwàkenza Baalàmà amu, dìbà adi wàkabàvwija bulongolodi pàmwè. Bu yèyè kàyì mwà kudyèlelabù mulawu . . . Pàvwàye ùtàmba kubèèla mulawu, Nzambì eku ùtàmba kubènesha. Ànu mutungùnùke . . .

161 Nwamònu’s, ki cyàkenzelàye beena Mpenta ncyòci aci. Bàakamba kùkaadi ndambù wa bidimu, panùbangila ne: “Kanwenà mwà kuya mwaba nànsha ùmwè to. Kanùvwa ne cintu nànsha cìmwè to. Nwènù—nwènù’s kapyà nekànùjike. Nudi ànu musumbà wà bakoleshi bàà maalu.” Kàdi dìbà dyònsò dyàkateetàbo bwà kunwela mulawu, nuvwa nwalukila buludì kàbìdì. Nzambì wàkatungunuka ne kubuulula Mukenji Wèndè. Kuumukila ku Disangisha dyà kale, kale wàwa ku cibangidilu, Nsangilu Munène. Pashiishe kubwejaYè pààkapetàbo Dìnà dyà Yesù Kilstò bwà dibàtiiza dyà mu màyi. Pashiishe ewu kutupikaye elu luseke, ne mukwàbò lùngà, ne ewu

kuumuka. . . ; kuvwija *cikampànda* ne *cikansanga* bulongolodi. Nzambi kutungunuka ne kubènesha.

<sup>162</sup> Mpindyewu, èè, kumònyè ne kàvwa mwà kunwela mulawu to. Nwamònu anyi? Nànkú ciikalàye mwà kwenza ncinyi? Yèyè neànuvwije bulongolodi. Ùnutwàdila. . . “Kaa, twètù bwònsò’s tуди umwe nànsha bìshi.” Nwamònu anyi? “Twètù bwònsò tуди twitabuuja Nzambi umwèumwè awu.” Nànkú ki cìvwà ànu Baalàmà wènza. Nènku Yudà kààkatùdimwijaku bwà bwalu ebu anyi? Bààkenza cilema mu njila wa. . . mu dilongesha dyà Baalàmà ne kubùtudiibwa mu ditomboka dyà Koolà. Yudà, mwanààbù ne Yesù mukoleshila kwàbù awu, kààkatùdimwijaku bwà bwalu abu mu Bible anyi? Bàdi bu Kayinà, kubangila ku cibangidilu aku, beena mudimu bàà difutu. Ewu uvwa uya mu èkèleeziyà ne wibaka maèkèleeziyà ne—ne kwibaka cyoshelu ne kulàmbula mulàmbù. Bààkenza cilèma mu njila wa Kayinà. Bàdi bàlonda njila wa Baalàmà, ne kujimina mu ditomboka dyà Koolà. Yudà ùdi wàdija cintu cijimà patòòke ànu mùshindù utùdi tucyènza mu dindà emu, mwab’ewu kumpàla kwènù, ànu mutùdi munkaci mwà kucyènza emu. Cintu cijimà cyadija mwaba awu.

<sup>163</sup> Bààkabùtuka mu ditomboka dyà Koolà. Anji elààyibi meeji ku cyòci aci, mùshindù ùvwaci cibi. Ànu bwà kwela meeji ku cidi Koolà awu. . . Nwamònu’s, wàkamba ne: “Mpindyewu, netùbandè bwònsò ku difestò. Twètù bwònsò tуди umwe.” Beena Moàbà bàvwa biitàbùùje Nzambi. Abu’s bàvwa mbànà bàà bànà bàà bakàji bàà Lotà. Nwamònu anyi? “Twètù bwònsò tуди twitabuuja Nzambi umwèpelè.” Bilondèshile maalu mùdiwu mimakaja, bàvwa ànu bìmpè menemene. Tàngilàayi Baalàmà kuntwaku, ne maalu mimakaja ànu mùdi Baptiste kanà yònsò mwìmpè ewu anyi Presbytérien leelù ewu. Kupàtukaye mwaba awu kàdi’s ke Izàlèlèlà awu, udi kàyì mudivwije dìngumba. . . Bàvwa ditùnga. Izàlèlèlà kàvwa ditùnga to, cìvwa neisàmbà, pa dìbà adi. Kabàvwa baswè kulonda njila wa Nzambi to, paanyimà pàà katanci. Bàvwa bàswe kufwànangana ne matùnga makwàbò. Ke dìbà dyàkadishindabo adi’s. Kàdi pàcidìbo baswè kushààla ne Nzambi, mbìmpè.

<sup>164</sup> Baalàmà wàkapàtuka, kutàngilayè panshi, kwambayè ne: “Èè, ekèlekèlè! Ndi mumanyè umwe wa ku bambi wakasèlà mukàji wa muntu mukwàbò.” Bintu bikwàbò byònsò ebi, kaa bushùwà’s, bàvwa naabi bùngi cyanààna. Wàkapwà mwoyi bwà kutèeleja lubilà lwà—lwà Mfùmù mu citùùdilu. Kacya kààkamònaku Lubwebwe lutuuta alu, ne nyòka wa cyamù cyà mitakù awu mulembeleja mwaba awu bwà difuta dyà cibawu to. Kààkamònaku ne kabàvwa baswikila ku bulongolodi kampànda to. Bàvwa baswikila ku Cipungidi cyà Nzambi, ne bàvwa bènda mu cyòci aci. Nwamònu anyi? Kàdi Baalàmà kwamba, bilondèshile mùdi bwalu ne: “Ngiibàkilaayi byoshelu mwandamutekète.” Aci’s ke cìvwà Yèhowàh ùlòmba. Aci’s ke cìvwà naaci Yèhowàh ku nseke yònsò yibidi. “Eyo, nùteekepù

ngombe mwandamutekète.” Aci’s ke civwàbo benza kuntwaku mu cituùdilu aci. “Ntèèkèlaayipù bimpàngà byà ngombe mwandamutekète bwalu kùdi Maasiyà ùlwa ditùkù kampànda.” Eyo.

<sup>165</sup> Nwamònu’s, bilondèshile mùdi bwalu, bùbìdi bwàbò bàvwa babinge; bilondèshile mùdi bwalu. Nwamònu anyi? Kàdi dǐngà ditùkù pàakamònàye ne kàvwa mwà kumufikisha pa cyòci aci to, kwambayè ne: “Bu twètù ànu badiwije bulongolodi dǐbà adi.” Nènku’s ke mwaba wàkenzelabo cilèmà cyàbò awu.

<sup>166</sup> Nènku’s ke mwaba awu menemene ànu wàkenzela Mpenta cilèmà; pàakadiwijiye bulongolodi kale wàwa bu èkèleeziyà mikwàbò ayi. Mémè ncyèna mwena lukunà wenù to. Mémè ndi mwanèènù. Dìmwè dyà ku matùkù aa nenùjandulè ne aci m’bulelèlè. Bidi mwà kwanji kwangata cipòòlù cikesè, pàdi dǐbà dinyunguluka ndambù apa, kàdi dǐngà ditùkù neùmòne ne aci ncilelèlè.

<sup>167</sup> Pashiishe dilongesha dyà Baalàmà dyàkabàlenga ànu... Aci’s ke civwàbo baswè. “Twètù bwònsò tudi umwe.” Nwamònu anyi? Nànku, ke kuyabo. Bapròfetà bààbò bwònsò ne bwònsò kuyabò naabò. Nènku ùvwa ku difestò, umweumwe awu kwambaye ne: “Kàdi’s twètù bwònsò tudi twitabuuja ne kùdi Nzambi umwèpelè. Tùciitàbùùjaayi.” Ànu civwabo munkaci mwà kukeba, ànu pyòpyopyò.

<sup>168</sup> Mpindyewu pàdi ba-Méthodistes ne ba-Baptistes kabàyi mwà kudisanga to bwà bwalu bwà bulongolodi bwàbò, kàdi pààlwàku bulongolodi bunène, bwà twàmòna mwà kudisanga bwònsò pàmwe, èyo. “Kaa,” mùdi wamba, “beena Mpenta kabàakucyàkidilakù to.” Ki mùdi wela meeji? Ncinyi cyàkenzabo ditùkù adi mu Missouri mwàmwa? S’nutu nubala bibèjibeji byènù, bushùwà. Nwamònu anyi? Kanùyi nucyakidila? To, kǐ nnwènù beena Mpenta to, nwènù cisàmbà; kàdi kǐ nnwènù to, mbukalenge abu bùdi munkaci mwà kunwèndesha kuntwaku. Ki mutù ùdi munkaci mwà kunwèndesha awu’s. Ncyà bushùwà. Kanùbùlondìku to. Shààlaayi kule ne cintu aci, s’ki cimanyinu cyà nyama wa lwonji ncyòci aci. Dìsùùlùlaayi ku aci lukàsà ne mwènù pèènù mwònsò. Nwamònu anyi? Aci’s mbwena èkèleezi-...Mmutù wà bukalenge awu ùdi munkaci mwà kwendesha.

<sup>169</sup> Katùvwakù bafwànyine kuya kuntwaku bwà kubwela mu mvità ne Allemagne anyi ní ndyèpi dyà makwàbò awu to, bu kabùyi bwà bàmwè bàà ku beena cidiidi banène aba bàdi basòmbe kuntweku bwà kwenza bingoma ne kukùtula...Ncyènà muswè mfranga yà ku...mfranga yà mashi à mwanàànyì mulela, udi ne cyà kupàtuka kuntwaku ne kuyifwila. Nwamònu anyi? Kàdi’s ki cyòci aci, cidiidi ke cidi cicyènza. Ne buloba bujimà mbukòntonona kùdi dyabùlù. Aci’s ke cyàkamba Yesù menemene. Nènku kabyàkulungoloka

to too ne ku Bukalenge bwà bidimu cinunu, pààlwà Yesù bwà kukòdkesha. Kàdi mpindyewu tudi ne ndululu eyi. (Ndi ndwijakaja bwà twamòna mwà kujikija mpindyewu.)

<sup>170</sup> Ànu civwabo munkaci mwà kwindila... ànu cintu aci. Aci's ke civwàbo baswè. Sàtaanà wàkapeta bucimunyi ku Difestò dyà beena Moàbà. Yèyè ùdi ne dikwàbò dicitwalwà, kàbidi. Ùdi ùàpetela wònsò mu mùshindù ùmwèùmwe awu. Indilaayi... Dyàkàmwè! Elàayibi ànu meeji bwà cyàkenzàbo. Mùshindù ùmwèùmwe wàkadibi awu. Kabyàkakèngela bidimu binène menemene, bile, bisàtù anyi binaayi bwà kucipàtula nànsha. Bwòbò... mupròfetà wà mashimi awu, muntu wakadyatakaja Dîyi dyà Nzambi... didimwija dyònsò didi Nzambi mutùme mu ditungà dijimà adi, ne kubàmbila ne: "Pàtukàayimù! Pàtukàayimù! Pàtukàayimù!" Kabàakucyenzakù to. Nebàshaale ànu mwaba awu.

<sup>171</sup> Bàdi bàbènga kumanya Dîyi dyà Nzambi, bàbènga kumanya Méyi awu, bàbènga kumanya bimanyinu, bàbènga kumanya bintu bitùdi tusanganyibwamù abi. Batungùnùke ànu ne: "Netùcipete ànu nànsha byà munyi. Tuyàaya ànu batàngile kumpàla. Bìkèngela tùcipetè. Kwajiki. Tudi bwònsò umwe." Nwamònu dikùtakana dyà dyabulù anyi? Ki cintu cimwècimwè cyàkenzàbo ku Difestò dyà Nicée, ku Nicée, ku Loomò. Bààkenza bulongolodi ku cyòci, nènku ke cyàkenzekà. Sàtaanà wàkenza Difestò dyà Nicée. Kaa, ekèlekèle! Nènku kubangila ànu apu... Tèelejàayi, nèngìkale ne cyà kwamba dîyi dinène menemene mwab'ewu mpindyewu. Ne nwènù bàdi bàtèeleja mukàbà wà mēyi bàdi baswè kukòkangana pa bwalu ebu, kokanganapu wèwè nkààyebe, ne bwalu-bulonda, ne Bible, nwamònu's, kàdi kí nne mēmè to.

<sup>172</sup> Tèelejàayi! Musangu wònsò wùdi Nzambi ùtùma mùsànjeelà ne ùbanga Mukenji... Nènku pàdi ekèleeziyà awu, pàdi kasumbù kàà bantu aku kalwa ku difestò dyà cyena màngumba... Ki mwaba ùdibo bàcyenzela ngwòwò awu. Ke mwaba unùdi nwènù beena Assemblées bacyenzèle awu. Ke mwaba unùdi nwènù ba-Unitaires bacyenzèle. Ke mwaba ùdi bwònsò bèenù bacyenzèle, ku difestò dyènù dyà cyena dingingumba adi, nudyàluja buludi mu cintu cimwècimwè civwa Nzambi mwele mulawu ku cibangidilu aci. Aci's ke Bulelèlè ànu pa bwòbò. Musangu kanà wònsò wùkaatùku ekèleeziyà mupetè ditàbuluja... Mu cikondo cyà Luther, pashiishe... Cyàkenzekà ncinyi? Ba-Méthodistes... mu bikondo byònsò... Zwingli, Finley, Finney, bakwàbò bwònsò abu, pàakadibo ne ditàbuluja, bààkenza naadi cinyi? Kudyèlabò buludi mu difestò dyà cyena dingingumba, ne kukalabamù ne bakwàbò bwònsò abu, kunùtwa cimanyinu bu bakwàbò bwònsò abu. Pashiishe nwènù kupeta musumbà wà bantu bànùkòntonona. Nyumà Mwimpè kèna mwà kuya kule to. Aci's ncyà bushùwà menemene. Nudi nutwàdija kuyiisha cintu kampànda cidì Bible ulongesha,

mùshindù ùdici awu, kàdi dǐngumba kadyèna dǐcǐtabuuja nànsha; dǐdǐ dǐkwela ànu pambèlù. Cǐtèetebi kasangu kàmwè bwà umòne ne mmwômò anyi kǐ mmwômò. Neumòne ne m'Bulelèlà. Nwamònu's, ku difestò dyà cyena dǐngumba ke kùdǐbo bàbǐkǐdǐibwe dǐbà dyònsò, difestò dyà Baalamà adi, ndululu kàdi kukùtuka's. Kaa, Luther, Wesley, Mpenta, ne bwònsò bwàbò mbakwàcǐbwemù.

173 Mònaayi, cǐvwa dǐbà adi, àlèluuyàh, pààkapàtuka Mòsà ne kwamba ne: "Nganyi udi bwànyì mèmè ne Nzambi?" Amen! Ùvwa mmwena Lewi wakapàtula mwelè wèndè wà mvità ne kudikupa mu cǐtùùdilu ne kushebeyayè mu kaabujimà cǐntu cyònsò cǐvwa cǐswikàkàne naaci aci. Amen! Cǐntu cyònsò; mulùme yònsò ùvwa ne mukàjì wa beena Moàbà awu, bààkabàshebeela ànu pàmwè. Mpindyewu dǐbà dikaadi dilwè. Muntu awu ùdi penyì? Bânà bàà balùme bàà Aalònà beepì, bàmwè bàà ku bwakwidi bàdǐ bàswe kupàtula Dǐyì dyà Nzambi, Mwelè wà mvità wà mutwisha nseke yǐbǐdǐ ewu? Yèyè ne: "Nganyi udi mutwè ku cyànyì ne Nzambi?" Ùdi penyì? Udi mwà kubǐkila, kubǐkila kàdi kakùyì muntu nànsha umwe wàndamuna. Nudi numòna cǐndǐ muswè kwamba anyi? Katwèna tucyùm vwa to. Tudi ànu... Kùdǐ cǐntu kampànda cǐmpampalàmùke. Mònaayi ne, kǐ bwòbò abu... S'mpa dǐbà adi pààkiimana Mòsà ne kwamba bintu ebi.

174 Mònaayi ne, mpèkaatù wabo, wàkenzabò mwaba awu, pààkadǐvwǐjābo dǐngumba ne Moàbà ne kubàvwǐja mubidi ùmwè... Mpèkaatù awu kabàkabàfwǐlayè luse to. Ndi ànu ne cyà kwimanyinakù apu ànu bwà kasunsa kàmwè. (Dǐbà ndimanè kuya, kàdi indǐlaayi ànu katanci.) Mpèkaatù wabò kabàkabàfwǐlayè luse to. Nànsha umwe wa kùdǐbo kààkadyata mu Buloba Bulaya to. Yesù wàkamba mu, mfwǐlaayikù luse, Yone Munsantu 6, Yesù wàkamba mu Yone Munsantu 6, pààkambàbo ne: "Baataatù bèètù bàakadyà manà mu cipèèlà"... Bàvwa beena Mpenta. Mwanèètù, bàakadyà manà, bàvwa ne cǐntu cǐlèlèlà.

175 Yesù wàkamba ne: "Ne bwòbò bàdǐ, muntu ne muntu, bafwè. Mbabùtùke. Mbayè Cyendèlèlèlè." Mpèkaatù wabò kabàkabàfwǐlayè luse to. Cyàkenzàbo ncinyi? Bààkashipa cipungidi cyàbò ne Nzambi, ne bààkadǐvwǐja bulongolodi ne Baalamà, mupròfètà wa difutu uvwa kàyì muswè kwangata dǐdǐmwǐja dyà Nzambi awu; kàyì muswè kwangata Dǐyì dyà Nzambi nànsha; kàyì muswè kwangata cǐntu nànsha cǐmwè cyà kùdǐ Nzambi to. Kàdi ùvwa mupàngàdǐke bwà kubavwǐja bwònsò umwèpelè. Nudikù mwà kumòna dikutakana anyi? Ndi mufwànyine kushààla pa cyòcǐ aci ntàntà mule, kàdi ndi—ndi ngèèla meeji ne nudi bacyùm vwe. Nwamònu anyi? Mònaayi ne, mpèkaatù wabò kabàkabàfwǐlayè luse to; muntu nànsha umwe wa ku bàvwa basòmbèlè mwinshì mwà mabènesha awu ne muddyè manà awu ne bikwàbò byònsò.

176 Pàakalwà Mukenji mulelèlè, mushùwashùwàlè ku ditembangana dyà makàndà, bàakacyènza bulongolodi. “Netùdisange twètù ne beena Moàbà pàmwè. Bwôbò’s mbulongolodi bunène, ditùnga dinène. Katwèna mene nànsha... Katwèna mene nànsha ditùnga to. Netùsèlangane munkaci emu muntu ne mukwèndè nènku—nènku dībà adi netwikale bimpè. Netwikale naabò.” Kàdi kacyàkafwidiibwa luse to; kashidi, kabàkabàfwilaci luse nànsha.

177 Yesù wàkamba ne: “Bwôbò, muntu ne muntu, mbafwè.” Kudimuna mwàkù awu mu cyena Ebèlù anyi mu cyena Ngelikà, anyi mu ùmwè wà ku yôyi, anyi mene mu Anglais, ùdi ùmwija ne “ditàpuluka dyà Cyendèlèlè”; bayè kashidi. Ncyà bushùwà.

178 Kaa, èyowà’s, bàakamòna bishimà. Bàakamòna Diyì dilaaba. Bàakadyà manà àkafùminà mu Dyulu. Bàakasànka ne mabènesha à difuta dyà cibawu. Bàakamòna Lubwebwe lutuuta lùfila máyi Àalù. BàakaÀnwa. Bàvwa biibidilàngane naaWù byà sungasunga. Kàdi pàakafikabi ku dinyangakaja dyà Diyì adi... Kanùpuku aci mwoyi to! Pàakamba Yesù ne: “Mémè ne Taatù Wanyì tudi umwe,” kàvwa mwambe ne kùdi bàsàtù to. Huh? Pàvwa maalù makwàbò manène àà nshìindameenu àà mu Mifùndu aa... .

179 Muntu kampànda kulwa kùndi dilòlòlò adi bwà kúndeeja mwaba ùmvwà mupile, anyi bwà kwakula bwà búsàtù. Ndi ne binunu byà balundà bimpè beena búsàtù. Bàdi mu Baabùlòonà awu amu. Ndi ne balundà bàà ba-Unitaires búngi cyanànà mu Baabùlòonà awu amu, kàbìdi. Nwamònu anyi? Kàdi cyàkenzekà ncinyi? Kwambayè ne: “Cilumbu ncyà myàkù yiwùdi ukwata naayi mudimu, Mwanèètù Branham. Udi witabuujà mu búsàtù anyi?”

180 Mémè kwamba ne: “Bushùwà.” Mémè ne: “Nèngàngate mwàkù wèbè: mwàkù ùdi wangata.” Mémè ne: “Mmunyi mùdi uciitabuujà?”

Yèyè ne: “Ndi ngiitabuujà Nzambì umwe.”

Mémè kwamba ne: “Udi wenza bimpè.” Nwamònu anyi?

Yèyè ne: “Ndi ngiitabuujà ne kùdi Nzambì umwèpelè, ne bapersonà bàsàtù mu Bunzambi.”

Mémè ne: “Kwèna mu—mulongi wa ku BIOLA anyi?”

Yèyè ne: “Èyowà.”

181 Mémè ne: “Ke mùdibi byùmvwika.” Mémè ne: “Aci kacyèna cileeja bimpè menemene dilonga dyèbè to.” Mémè ne: “Bapersonà bàsàtù, kàdi Nzambì umwèpelè?” Mémè ne: “Bilondeshile Webster, wàwa, bikèngela kwikalè buumùntù kumpàlà kwà kwikalakù muntu kampànda. Wèwè udi witabuujà nzambì yisàtù, mukalenge.” Kwèna mwà kwikala muntu kùyi mwikalè ne buumùntù to, bwalu bìdi bikèngela buumùntù bwà kushiisha kwenza muntu.



182 Pa nànkù bàdi bàmba . . . Yèyè ne: “Èè, Mukalenge Branham, udi mumanyè’s, nànsha beena—beena tèòlòjì mene kabèèna mwà kucyùmvwija to.”

183 Mémè ne: “Acì’s ncyà bushùwà menemene. Dìyì kaditu dilwa kùdì mwena tèòlòjì to.” Uh-huh. Mémè ne: “Bible mmuswikila yònsò mu Dibuulula, ‘Pa lubwebwe elu Nèngiibakilèpu Èkèleeziyà Wanyì, ne biibi byà ifernò kabyèna mwà kuMutàmba bukolè nànsha.’” Nwamònu anyi? Amen, ki bwalu mbwòbù abu’s. Nwamònu anyi? Kàdi pashìishe pàkaadìbi bikafika ku bintu abi . . . Kaa, ekèlekèle!

184 Mpindyewu tudi baswè kulwijakaja bwà kujikija lukàsà bu twètù mwà kufùdisha. Ndi ne cyà kushiya yimwè yà ku Mifùndu eyi ne bìndì mufùnde, nwamònu’s. Mpindyewu, mònaayi, bwòbò kabàtukù bafwidiibwe luse ku cyàkenzàbo nànsha. Cyàkenzàbo ncinyi? Bààkasànkà ne mabènesha. Kanùpù aci mwoyi to. Nèncyambùlùle kàbìdì. Kabààkafwidiibwa luse bwà bwalu abu nànsha. Vùlukàayi ne, mukàbà wa mèyì ewu wùyaaya pa buloba bujimà. Nwamònu anyi? Bàdi bàwimbisha mu bitùùdilu mu Àfrikè mwàmwa, mu Inde, pa buloba bujimà; bàwùkùdimuna mu myakulu mishìilèshìilàngàne; ne mu bitùùdilu bishìilàngàne, mu myaba mishìilàngàne. Mpèkaatù awu kààkafwidiibwakù luse to. Cinyi? Bwòbò . . .

185 Wèwè udi wamba ne: “Èè, Nzambi àbèneshiibwè, mémè—mémè’s ndi mwenzè cikampànda. Ndi—ndi—ndi mwenzè cikampànda. Ndi mudyè manà à mu Dyulu. Ndi . . .”

186 Èyo, bwòbò pààbù, bààkadyà manà. Nènku Yesù wàkamba ne: “Bwòbò bwònsò, mbafwè.” Kàdi pààkafikabi ku Mukenji mulelèlè, kùvwabo, kabàyi ne cyà kushipa Cipungidi aci, ne ditùnga dikwàbò to. Nzambi ùvwa mutapuludyanganyi ne Wàkatapulula cisàmbà aci, ne kabàvwa benzèjùibwe bwà kwenza ní ncinyi ní ncinyi ne muntu mukwàbò to, kusèlabo ní nganyi ní nganyi nànsha. Ne Èkèleeziyà mulelèlè, mushùwashùwàlè ne Mukàjì-musèla wa Kilistò, mmuswikàkane ne Kilistò udi Dìyì awu. Nènku kwèna mwà kudisèlesha mu bulongolodi kanà bwònsò, anyi dìngumba kanà dyònsò to. Shààla wèwè ànu menemene ne Kilistò ne Dìyì adi, bu muntu-nkààya. Kwenza nànkù nkutàpuluka Cyendèlèlèlè ne Nzambi. Ndi ntèkemena ne muntu yònsò mmucyùmvwè.

187 Mpindyewu, mu cyena-bwalu cyètù, cìvwa pabwìpì ne Difestò dyà Paasàkà; òvwa munkaci mwà kwenzeka. Cìvwa ncikondo cyà bwalu bukolè. Bantu bàvwa balààle pambèlu pàà biibi. Paasàkà yònsò ùvwa wènza ànu nànkù. Bàvwa pambèlu badyadije pashì. Bilààla-beenyi bìvwa byònsò byùle ne bikwàbò byònsò. Cìvwa mpaasàkà. Kùvwa dindila dinène dyà myoyi kuulukuulu muntwamu. Mu mpeepèlè mwònsò mupàte. (Mpindyewu, mu tusunsa tukwàbò tutwè ku tùtaanu nèngiikale

mupàtùke, Mukalenge mwà kwanyisha, anyi dikumi.) Muntu yònsò ùvwa mudicinte.

<sup>188</sup> Tàngilàayi, kùdi bitùpà bisàtù byà bantu kuntwaku. Nwamònu's, kùvwa dindila dinène dyà mwoyi kuulukuulu. Bàvwa bamanyè ne muntu wa pabwèndè ewu ùvwa ne cyà kubànda ku difestò edi. Bàmwè bàà kùdìbo bàvwa *baMunangè*; bàvwa *baMwitàbùùjè*. Bàmwè bàà ku bwòbò bàvwa *baMukine*; bààbùngì bààbò bàvwa *baMukine*. Nènkù bwalu ewu ùvwa muMunange ne mukwàbò muMukine, muntu wa pankacinkaci *kàvwa mumanyè* kwà kwela dínù ne dikàla to. Nwamònu anyi? Kabàvwa bamanyè cyà dyaenza to. Mònaayi ne, mpeepèlè yìvwa myùle tètè ne dindila dyà mwoyi kuulukuulu. Ewu wàmba ne: “PàdiYe ànu ubànda mwaba wàwa, ndi nkwàmbara ne netùMubiikilè. . . NetùMwelè diteeta dyà Dìyì. NetùMwimànyikilè mwaba awu ku luseke lwà mwakwidi mutàmbe bunène. Netùmonè mùdì lungènyì Lwèndè mwà kwimana ne lwà Kaayifà.” Ùkaavwa mumanè kujaadika aci. Nwamònu anyi?

<sup>189</sup> “Kàdi netwènzè cikampànda: Netùmonè. . . Ndi mumanyè ne bàmwè bàà ku balombodi banène nebàMulamè. Balùmyànà, nebàjikijangane ne mulùmyànà webè wa kale awu. NebàMumanyishe cìvwàYe, pàdìbo bàkakuuyakana ne baakwidi bèètù. Balumyànà, s'mbamanye cìdìbo munkaci mwà kwenza. Mbantu bàà meeji matwè. Mbamanyè cìdìbo munkaci mwà kwenza.”

<sup>190</sup> Bakwàbò kwambabo ne: “Ndi ndikonka cùkalàbo mwà kwenza ne mwabilaayi wàwa's twamb'eku twamb'eku.”

<sup>191</sup> Bakwàbò kwambabò ne: “Kaa, mèmè's ndi mwindile bwà Yèyè kulwa. Nzambì ùdi Nendè. Yèyè ùdi Dìyì adi. Kaa, ndi ànu—ndi ànu muswè kuMumòna.” Nwamònu anyi? Kaa, bwòbò's bàvwa bakòsòlòke. Mpindyewu, nwamònu's, aba bàvwa *baMumanyè* ne *baMwitàbùùjè* abu, bàvwa bafwànyine kumanya ne nku ciibi kaayi cyà kwindidila. Nwamònu anyi? Bàvwa bamanyè ne njila kaayi uvwaYè ùlwila. Kùdi dindila dinène dyà mwoyi kuulukuulu, kàdi nudi bamanyè's, kakùvwa bààbùngì bààkaMumòna nànsha. Nwamònu's, kùdi bààbùngì bààkapanga kuMumòna. Ki mùdìbi kàbìdì leelù ewu.

<sup>192</sup> Bàmwè bàà kùdìbo bàvwa bàmba ne: “Yèyè's mmuntu mwìmpè. Kaa, kakwèna cintu nànsha cimwè cibi kùdiYe to,” bu mùdì Napoléon, Washington, “Yèyè's mmuntu mwìmpè. Kàdi, kaa, bu mulongeshi, to, to.”

<sup>193</sup> Bàmwè bàà kùdìbo kwambabò ne: “Kaa, Yèyè's mmuntu mwìmpè. Kaa, Yèyè's—Yèyè's udi ànu mu cibwejàkàji, kwajiki. Mmuntu mwìmpè. Muntu nànsha umwe kèna mwà kwamba cintu cibi nànsha cimwè bwà bwalu Bwèndè to.”

<sup>194</sup> Bakwàbò bàakamba ne: “To, Yèyè—Yèyè ndémon, Ndi mwà kunwàmbara aci. Bwà ne dibala dyà meeji à bantu ne bintàkanyì

bikwàbò byònsò abi, ne abi, aci's ncipròfetà cyà mashimi. Mbìhèngàngàne ne twitabàayi yetù. Kanwitabuujikù cintu bu nàнку to.”

<sup>195</sup> Ki mukwàbò, kwambaye ne: “Butùmbi kùdì Nzambì, N’Nzambì. Ndi muMumanyè, ndi...” Mpindyewu nudi numòna’s. Nènku bàvwa bindile. Mpindyewu mùshindù awu ke wutùdì biimàne leelù ewu, kàdì cintu cìmwècìmwè aci ne: Dìyì dilaaba bwà dìbà edi; Cikondo cyà Èkèleeziyà wa Laòdikiyà.

<sup>196</sup> Mpindyewu tukàadi tujikija mu kwamba eci. (Ànu katanci kakesè cyanàana.) Bitùpà bisàtù bìvwa biMwindile. Ki mùdìbi kàbìdì leelù ewu, ncyà bushùwà, bisàtù. Mònaayi ne, beena kwitabuujà bàvwa bèèla mbila. Nwamònu anyi? Nwamònu anyi? Mudimu Wèndè wa bwambi wàkaMufikisha ku dinangiibwa kùdì bàmwè, kukinyiibwa kùdì bakwàbò, ne diMukacila kùdì musùmbà mukwàbò. Nwamònu anyi? Mudimu Wèndè wa bwambi . . . Lekèlaayi nteelè aci cyàkàbìdì. Mudimu Wèndè wa bwambi, cyònsò cìvwàwu aci. . . Tudi bamanyè mpindyewu ne, Cìvwa n’Dìyì. Kàdì mudimu Wèndè wa bwambi wàkafikisha bàmwè bantu bwà kuMunanga. Bàvwa badyànjila kulongolola bwà kwenza cyòci aci. Nwamònu’s, bàakaciitabuujà. Bàakacimòna. Kakùcìvwa kàbìdì, pàakalwà Natànàèlè kuntwaku, ne—ne Yèyè kwamba ne: “uvwa . . .” kùdì ewu cyàkènzàYe mùshindù awu, kwambaye ne: “Laabi, Wèwè udi Mwànà wa Nzambì, Udi Mfùmù wa Izàlèlèlè, ncyènà ne mpatà mu meeji àanyi nànsha.”

<sup>197</sup> Simonà ùvwa mwimàne mwaba awu, wàmba ne: “Kaa, Andèlè, ncyàdyàkuyakù to. Nkàadi muumvwè bintàkanyì byònsò abi kwònsò eku.”

<sup>198</sup> “Kàdì,” Andèlè, “bìvwa bikèngela bwà wèwè kulwa. Bìvwa bikèngela bwà wèwè kulwa, lwàkù ànu musangu ùmwè kùndì.”

<sup>199</sup> Nènku pàvwàYe musòmbe mwaba awu apu, Yesù wàkamumòna wènda ùbànda, nudi bamanyè’s, ùlwa mubànde. Yèyè ne: “Dìnà dyèbè n’Simonà. Wèwè udi mwànà wa Yona.” Kakùvwa mpatà kàbìdì to. Nwamònu’s, ki cyònsò cìvwàku ncyòci aci. Bàvwa mwaba awù. Bàakaciitabuujà. Bàakacimòna. Bàvwa bamanyè ne ki cìvwà Maasiyà ne cyà kwenza pàvwàYe ùlwa apu.

<sup>200</sup> Bìvwa bikèngela kwikalayè Mupròfetà, bwalu Mòsà wàkamba ne: “Yèyè ùvwa mwà kwikala Mupròfetà.” Nènku bantu bayumbakaja aba bàvwa benze bidimu nkàmà yìnaayi kabàyi mupròfetà, byàkakèngela mupròfetà bwà kucyòlola, misangu yònsò mu cikondo cyònsò. Nènku ki Yèyè ewu mwimanè mwaba awu.

<sup>201</sup> Kakùvwa mpatà kùdìbo to. Bàvwa bindile mwaba awu ne malala ku byanza ne: “Yèyè nealwe mwab’ewu paanyimà pàa katanci.” Bindile ànu kwindila!

202 Cimenga cijimà, cikwàcila ku byanza. Bàvwa bàmba ne: “Awu’s mmusùmbà wà bakoleshi bàà maalu bàdì badìkungwije ku ciibi kwàka nàka.”

203 Mukwàbò wàmba ne: “Ndi ndikonka cyenzàYe pìikalàYe mwà kubànda mwab’ewu. Nudi bamanye’s, ndi—ndi ngìtabuujja bulelèlè ne Yéyè’s mmushimakajanganyi. Ndi ngèèla meeji ne Ùdi ne dikama dyà kalulù dyà shansè dìdìYe ùDifiita ku dici, nudi bamanye’s, anyi cintu kampànda cyà mùshindù awu, nudi bamanye’s.”

204 Nènku ànu mùdìbo bàmba leelù ewu ne: “Kaa, cintu’s ndubuku lwà mùshindù’s. Cìdi—cìdi cikampànda. . .” Bàdi mwà kucyùmvwija mùshindù wònsò.

205 Mukwàbò pèndè ne: “Aci’s ndyabùlù. Shààlaayi elu luseke lwà cimenga. Kanùbwelakanyi naaci to. Kanùdyaci mu disangisha adi to. Kanùyì kuntwaku to, nwamònu’s. Katwàkubwelakana naaci to.” Bitùpà bisàtù byà bantu.

206 Mpindyewu tàngilàayi. Mpindyewu ki Yéyè ùlwàlwà ewu wènda wendesha mutàngile mu cimenga. Ànu menemene cyákamba Dìyì ne ncìvwàYe mwà kwenza aci. Mubànde pa mwànà wa mpundà, wènda ùbwela mu cimenga. Aba bàvwa kabàyi bàtàngila twitabàayi abu, kabàyi bàtàngila Ntempèlù to, kabàyi bàtàngila bintu bikwàbò byònsò ebi to, kabàyi bàtàngila baakwidi, cìvwabo ne cyà kwamba aci. Aba bàvwa baMwitàbùùje, bàvwa biimanè mwaba awu ne malala mu byanza. Bindile ànu munyungakeenu mukesè nàka. Kanùvwaku mwà kubùmvwa bàmba ne: “Ulwàlwa ewu nganyi?” Kaa, to! Bàvwa bamanyè ùvwa ulwa awu ne Nganyi. Bàvwa bamanyè cìvwà Dìyì dyàmbe. Nwamònu anyi? Kàdi citùpà cikwàbò, nudi babàmòne lwà mu cimenga mwàmwa anyi? Nènku pashìishe pàakumvwàbo mutooyi ewu: “Hòzanà kùdì Mfùmù! Hòzanà kùdì Mfùmù ùdi ulwa mu Dìnà dyà Mukalenge. Hòzanà! Hòzanà!” Ne mbila yònsò ayi!

207 Baakwidi kupàtuka lubilu bwà kumòna ne munyùkunyuku wa butèndeledi ewu ùvwa wà bwalu kaayi. Ki bantu kwamba ne: “Ewu nganyi’s?” Cìvwàbò balwilè mwaba awu ncinyi, balundà bàanyi? Difestò dyà batèndeledi’s! Nzambi mene wakabàtumina dìyì bwà kwenza Difestò adi awu, wakabàmabila ne Ùvwa ne cyà kwikala mwaba awu ànu mùshindù awu, kàdi ki bwòbò abu ne mbilà ne: “Ewu nganyi?”

208 Cikondo kí ncishintùlùke to. Bantu bàdi benza maalu mùshindù ùmwèumwè wàkenzàbo dìbà adi awu. Ebèlù 13:8 mmwambè ne: “Yéyè ùdi umwèumwè awu makèlèlèlè, leelù too ne kashidi.” Mpindyewu nenjikijè mu kwamba eci nùnkù: Lukonko kí ndwà kubèèla bwòbò kàbìdì nànsha. Bààkakonka ne: “Ewu nganyi?” Kàdi mu cidimu cyà 1964 emu lukonko lùdi ne: “Wèwè udi wamba ne Nganyi?” Byònsò mbyà bwalu kaayi? Nukaadi biimanekù bwà kukenketa Mifundu anyi? Nudi nwela

meeji ne Ewu nganyi? Ndubuku anyi? Ncintu kampànda cyà cisuku cyà cìfùmina mu cipèlèlè mwàmwa mwaba kampànda, bu mùvwàbò bàmba ne: “Yone ùvwa muntu, wa mu cisuku, munkaci mwà kwinyija bantu mu màyi kuntu kwàka.” Pààbì, Yeshàayi mwàmbe ne yèyè neikalekù, bu mudyànjididi. Maalàki mwàmbe ne yèyè neikaleku ànu menemene. Bapròfetà abu bààkamba ne: “Mupròfetà ewu neàjuuke ànu mwaba awu bwà kudyànjidila.” Kàdi’s ki yèyè ewu.

<sup>209</sup> Kwambabò ne: “Awu’s mmuntu wa cisuku. Kanùseemenyi kùdiye to. Nwamònu anyi? Kanùbwelakanyi nendè to.” Kàdi’s ki Maasiyà ulwàlwa ewu, ànu menemene cyàkambà Mufùndu aci ne: “Ne Yèyè neàbwele mu cimenga mubànde pa mwànà wa mpundà. Mupòle ne mupwekèle, pa mwànà wa mpundà, ùbwela mu cimenga, bwà Mifùndu yàmòna mwà kuwula.” Kàdi’s ki bantu aba biimàne ku difestò dyà ntèndeleele kàbìdì, bu Baalàmà, ku difestò dyà ntèndeleele, bàmba ne: “Ewu nganyi?”

<sup>210</sup> Kàdi leelù ewu, Mifùndu milaya bwà dībà edi, balundà bàanyi, Nyèyi myùle ànu munkaci mwètù mene, ku dībà ne ku dībà. Nudi nwela meeji ne Nganyi? Tulongàayi Bwalu ebu patùdi ne mitù yètù miinyika apa.

<sup>211</sup> Nzambì munanga, twètù bwònsò tudi twela meeji ne dīsù dikolè, mu ndòndò, bwalu tudi ne cyà kwenza cikampànda. Cìdi pa byanza byètù, Mukalenge. Tudi tuKumòna, Mfùmù munène awu. Tudi tumòna mulayi Wèbè wa Dìyi. Tuvwa bindile eci kukaadi bidimu, bwà cikondo cinène eci kulwaci, mutùdi ne mwoyi mpindyewu mene emu. Tudi tumòna Dìyi Dyèbè dilaaba munda mwà cisàmbà Cyèbè, baDìtèèka mu cyenzedi patòòke, ànu menemene ciWàkamba ne cìdi mwà kwenzeka. Tudi tumòna kasumbù kàà Sàtaanà kalaabiibwe kuntu kwàka. Ne tudi baCilèèje mu ditunga dijimà, mpàla ne nyimà mu Dìyi, bwà ne kakùshàadi dībwe nànsha òmwè kadìyi dikùdimuna to. Ncyèna mumanyè ne nganyi Ùdi mulongolwèle mwoyi to, Mukalenge. Kì mbwalu bwànyi bwà kumanya aci to, abu’s mbuKutàngile. Kàdi bwànyi mbwà kunyungisha dibwe ne dibwe dyònsò. Nzambì, nkwàcishèku, kwàcishèku bakwàbò bantu bàdì bàcìitabuujà. Nyungisha dibwe ne dibwe dyònsò, Mukalenge, bwà kakwikadi cintu nànsha cimwè cyùdi Wèwè mulongolole cyàpàngila kucyùmvwà nànsha.

<sup>212</sup> Tudi baswè kumòna dilwa Dyèbè, ànu mu lukongò lwètù elu, Mukalenge. Tudi tucìitabuujà. Tudi twitabuujà ne—ne kùdi dikwàbò, Ditaanu dyà Malala, Ditaanu Dìmpè ne Ditaanu dyà Malala, munkaci mwà kulwa. Dipoopediibwa dyà pa nkùruse kùdi Èkèleeziyà Wèbè, kàdi bucimunyi bwètù paWàlwà mubande pa mpundà.

<sup>213</sup> Tudi tulòmba, Nzambì, bwà Wèwè kubènesha, leelù ewu, cisàmbà Cyèbè. Bèneshaku èkèleeziyà mukesè ewu. Bèneshaku mpaasàtà munanga ewu ne mwanèndè wa balùme ewu,

Mwanèètù Outlaw ne—ne mwanèndè wa balùme; bùbìdì bwàbò Jimmy Sr. na Jr. Bèneshaku muntu yònsò udi mwab'ewu.

<sup>214</sup> Nzambì, swákù bwà ne katùlùku mwab'ewu mu dindà emu... Swáku bwà mèmè... Ncyèna mwendeshe màshinyi kuumukila ànu ku Tucson kwaka ànu bwà... Bu ne mvwa ne dyèsè dyà kwakula ne bamwe bantu, Mukalenge, kabivwa—kabivwa bwà—bwà kutùmbisha cingà cintu pa kuumusha Mupersona ewu, udi bantu bàdikonka ne nganyi ewu. Mbamanyè ne muntu kèèna mwà kwenza eci to. Mbamanyè ne mbipìcile muntu bwà kumanya bintu ebi. Kàdi bantu bàdi bàmba ne: “Ncinyi aci?”

<sup>215</sup> Mukalenge, tudi bamanyè ne N'Ngwèwè. N'Yesù Kilistò, mu mupersona wà Nyumà Mwímpè. Yèyè ki Nyumà Mwímpè. “Ndi mufùme ku Nzambì. Ndi nya ku Nzambì.” Nènkù tudi tumòna Dikunji dyà Kapyà dinène munkaci mwètù, Mukalenge, mùshindù ùmwèùmwe wàkamònabo mu citùpà cyàkumpàla cyà Bible ne Mòsà. Tudi baDimòne munkaci mwà Bible pàvwà Pòlò mu njila mutàngile ku Damàsèkè. Tudi tuDimòna. Mpindyewu ntwètù aba tuDimòna ku cikondo cyà ndekeelu eku cyàkàbìdì. Ìsàtù ndishindika. Cìtù ànu Mukenji dìbà dyònsò.

<sup>216</sup> Nzambì, swákukù bwà balùme ne bakàjì kabàshàadi balamate ku bilèlè ne twitabàayi ntàntà mule to. Kàdi swákù bwà bàpàtuke mu cintu aci, bàfile myoyi yàbò mu kaabujimà kùdì Nzambì ne bìitabuujè; kabàyi ànu bèèyemena dilongesha dikwatakaja ne bintu byà bantu to, kàdi bèèyemena Nzambì udi ne Mwoyi. Pàdì diikisha munkaci mwà kutungunuka apa, lubilà lùcìdì ànu ne: “Ewu nganyi? Eci ncinyi? Cyònsò ncyà bwalu kaayi?” Batèdeleedi bàdi bàmba cintu cìmwècìmwè aci. Ne M'Mukalenge Yesù umweumwe awu, muvwijìibwe mubidi mu cisàmbà Cyèndè, ùlaaba Diyì Dyèndè bwà Mukàjì-musèla. Kàdi kabèèna mwà kuCyùmvwà to. Bwònsò mbapandùlùke mu Laòdikìyà, too ne mùdìbo kabàyi bamanya ne Cìdì bwà bwalu kaayi to. Kàdi mupròfetà wàkamba ne: “Nekwìkalè Bukénkè mu dilòlò.” Nànkù mpindyewu tudi baCìndile, Mukalenge. Lwàkù, Mukalenge, bèneshàku muntu yònsò.

<sup>217</sup> Ne mitù yènù miinyika mpindyewu, ne myoyi yènù. Udi witabuuja ne eci ke Bulelèlè anyi? Udi witabuuja anyi? Ela ànu cyanza muulu cyanààna, wamba ne: “Ndi ngùitabuuja menemene ne m'Bulelèlè, bwà ne tudi ne mwoyi mu matùkù à ndekeelu. Tudi kaaba aka mpindyewu ne ndi ngùitabuuja ne tudi bakònyangajiibwa bikolè...” Wèwè uvwa mu disangisha ditùkù adi, pàdì blé, cìkolakola... Nudi numòna ne, katwèna bapete bulongolodi bwà kulonda cyòcì eci to. Mvwa nsanganyìibwa mwab'ewu ne mpaasàtà wenù kwònsò kwònsò eku, bidimu ne bidimu. Pa ciibidilu, mu bidimu bìbìdì anyi bisàtù cìtù civwijiibwa bulongolodi. Ewu musangu kì ncìvwijiibwa bulongolodi to. Kacyèna mwà kuvwijiibwa bulongolodi to. Cizubu kuumukaKù, kàdi kakwèna kàbìdì

ditanta to. Blé, mudimu wà bwambi mmwalùkile ànu mùshindù ùvwawu ku cibangidilu awu. N'Yesù Kilistò munkaci mwètù, mulundà wanyì. Kí mmuntu to, kàdi Muntu Kilistò Yesù udi ne mwoyi munda mwèbè awu, ne muswè kwikala citùpà munda mwèbè, ne wèwè mwikàle citùpà Cyèndè. Kwènàku muswè kuMwakidila leelù ewu anyi?

218 Kùdikù muntu kaaba aka udi kàyì mwanji kupeta dibàtiiza dyà Nyumà, ni mpindyewu anyi? Mpindyewu, wèwè udi wamba ne: “Mwanèètù Branham, ndi nkwabwila ne, ngaakeela mbilà musangu kampànda.” Abi's mbìmpè be. “Mvwa mwakùle mu myakulu musangu kampànda.” Aci's ncìmpè be, kàbìdì. Kàdi aci kí ncìndì ngàákula to. Mmunyi múdi mwà kwela mbilà ne kwakula mu myakulu kàdi kuvila Dìyì? Cileeeji cyà Nyumà Mwìmpè nkwitabuuja Dìyì Dyèndè. Ke mùtùbì nàнку misangu yònsò, cikondo cyònsò, bu wèwè mwà kwakidila Dìyì. Baakwidi abu bàvwà bapite Yesù ku mùliyó wà kilómèètà bwà bìdì bitàngila mamuma à Nyumà: bàà kalolo, ne batalàle, ne bapòle, bapwekéle. Yèyè wàkapandulula maèkèleeziyà, kuàtonkola; ne kupandulula cisambà, ne kubàbùikila ne “nyòka mu mashindà” ne bikwàbò byònsò. Nwamònu anyi? Kàdi Yèyè ùvwa Dìyì adi. Yèyè ùvwa Dìyì adi. Ki dyòdì adi ne: kwitabuuja Nzambì. Nzambì ùdi Dìyì. Diitàbùùjàayi.

219 Wèwè kùyì mwanji kupeta dibàtiiza dyà bwena Kilistò to, kùdi ciinà cyà màyi kaaba aka. Kacya kùtukù mwanji kupeta Nyumà Mwìmpè mulelèlà awu to, aci cìdì cikufikisha ku dimanya ne Dìyì dyònsò dyà Nzambì m'Bulelèlà; wèwè udi wamba ne: “amen” ku Dyòdì ne kuDiitabuuja ne mwoyi wèbè wònsò, dìbà adi udi mwà kuDyàkidila mu dindà emu. Ne pashìishe kanwàkudikonka ne ewu Nganyì udi wenzeja bantu maalù mùshindù ùdibo benza ewu to. Nenùmanyè ne Ncinyì. Wèwè kùyì ne dilabula adi to, udikù mufwànyìne kwamba ne: “Mwanèètù Branham, wamvùlukakù mu disambila dyèbè, ne nènjuule cyanza cyànyì muulu anyi?” Kàdi wèwè wamba ne: “Nènku nè—nè...” Nzambì àkubènèshè. Nzambì àkubènèshè, wèwè, wèwè. Nzambì àkubènèshè, abi's mbìmpè. Nzambì àkubènèshè, mbìmpè.

220 Éyi Nzambì, pàdì mijiki yimbà mu bupòle... Kaa, Yèyè's mmulenga be! Bushùwà. “Mubedyanganyi, Mfùmù wa Ditalala, Nzambì wa Bukolè, Taatù wa kashidi.” Ndi ndòmba bwà Wapèeshaku bantu aba, Mukalenge. Mémè ndi ànu mwà kusambila cyanàànà. Kì cyònsò cìndì mumanyè mwà kwenza ncyòcì aci, nkubàlòmbela. Mbélè byanza byàbò muulu. Ndi munkaci mwà kwenza mùmvwà mubàlayè bwà kwenza, ndi ndòmba bwà Ùbàpèèshèku dilabula dinène edi; kaciyi ànu bu disaluka dyà mùshindù kampànda to, kàdi dilabula dilelèlà; kutuutakeena ne Nzambì bu mwàkenza Mòsà kuntu kwàka mu malaba mu Butùmbi bwà Shekinà; nènku kabiyi ànu kwàka to, kàdi kabàyiku mwà kukoma Dìyì adi nyimà to, bwà kubwela

naaDi buludì mu Buloba Bulaya. Nzambi, cyenzèlekù muntu ne muntu, mu dindà emu.

221 Kùdi mabèèdi munkaci mwètù leelù ewu, Nzambi. Tudi tulòmba bwà Wèwè kuwòndopa. Ondòpàku mubèèdi yònsò, yònsò udi mu lukèngelu. Enzàku nàнку, Mukalenge. M'Bèèbè Wèwè mpindyewu. Ndi nKupèèshabù mu Dìna dyà Yesù. Amen.

222 Nwamfwilaayiku luse, ndi munùlame mwab'ewu mèbà àbìdì majimà. Kàdi tàngilàayi, s'nudi ne dilòlòlò edi dyònsò. Nudi mwà kuya kumbelù ne kupetulula dikanda ne kudyòlolaku mu kalù ndambù. Kàdi kanùpù mwoyi cìndì munwambile to. Ndi munwambile ne mwoyi wànyì mujimà. Ndi mumanyè ne cìdi cyumvwika cyà pabwàci. Kùdi ndambù wa bidimu ungàakalwà mu Phoenix emu kusòmba neenù, kwondopa babèèdi ku disambila dyà diitabuujà. Ncìtu mucyumvwijeku nànsha, ncìvwa muswè bwà kucyùmvwija to. Ndi ànu ntàngila bwà kumòna cyènta bantu, ntàngila ànu mùdì ditentula ne bikwàbò bijuuka. Cìvwa cintu cinène kùndì bwà kucitàngila.

223 Kàdi mpindyewu, ndi ndwa kunùdì ne Mukenji ùvwà cimanyinu aci cishindika. Cyàkenza èkèleeziyà... To, kàakadyènta dìngumba nànsha. Kàdi ncinyi cyàkenzekela màngumba mu ditàbuluujà edi's? Cyàkenzàbo ncinyi? Bàakabwela buludì mu Laòdikiyà. Mìliyò ne mìliyò, mìliyaalà yà ndola yàkeediibwamù, nènku ànu... nènku kulwayè munène ne mubanji ne mmwibàke nzùbu yà yìyiila mìliyò yà ndola ne bintu byà mùshindù awu. Kàdi bwà kwakidila Mukenji ewu anyi? Nànsha kakesè. Bàdi bàWùbènga. Ncinyi aci? Cizubu cyùmuka cishiya blé. Mpindyewu blé ùdi ne cyà kwikala mùshindù awu, bwà kushààla mu Bwikadi bwà Mwànà bwà kuvwijiibwa Èvànjeeliyò mu kaabujimà, lutete lwà ngòlò bwà Mfùmù. Kanwèna nuWitabuujà anyi? Ewu Nganyi, twamb'ewku twamb'eku? Nganyi Ewu's? NCifwànyine kwikala muntu anyi? NCifwànyine kwikala èkèleeziyà anyi? NCifwànyine kwikala dìngumba anyi? N'Yesù Kilstò, umwèumwè awu makèèlèlè, leelù, too ne kashidi. Nudi nuMwitabuujà anyi?

224 Ndi ndikonka mpindyewu, ànu ne dikuukwila dikesè paanyimà pàà Mukenji wà ùkosa mùshindù awu... Mwanèètù wa bakàji, udi wamba bishi bwà kutupèèshakù cyo—cyo—cyonà, pàmwè ne kòralè mukesè ewu, pa *Ndi MuMunange*. Nudi bamanye musambu wà kale awu anyi?

Ndi muMunange, ndi muMunange

Bwalu Yèyè wàkannanga kumpàla

Wàkampetela lupàndù

Pa Kàlvaryò kàà mashika, ne kàà mìdimà.

225 Nudiku mwà kuwimba pàmwè naanyi anyi? Nwènù bwònsò mpindyewu, ànu mu dikuukwila. Ànu—ànu nukuukwila naanyi pàmwè.

Ndi muMunange...



Mpindyewu, vùlukàayi ne, bu ntèlèviziyô, Yèyè ùdi mu cibambalu cyèbè amu.

Bwalu Yèyè wàkannanga kumpàla  
Ne wàkampetela lupàndù  
Ku Kàlvariyò.

Nudi nujingululakù cìdi bwalu abu bùumvwija anyi? Nudi mwà kujingulula anyi? Nudi nuumvwa bwòndòkè bwàci, cyàkenzaYe aci anyi?

Ndi muMunange. . .

Ncyènà mMumòna to, kàdi's Yèyè ùdi kaaba aka. Ndi ne kaacintu kakesè kakwàci mu mwab'ewu, kaacintu kakesè kàdi kàteemesha bukènkè mu mwoyi wànyi emu. Ndi mumanyè ne kàdi kàMuleeja. Yèyè ùdi kaaba aka.

. . . munnangè  
Ne wàkampetela lupàndù  
Ku Kàlvariyò.

<sup>226</sup> Mpindyewu ndi muswè bwà nwènù kwenza eci, patùdi tuwimba mu matàma apa. Mpindyewu, tudi basopàkàne bwà bìdi bitàngila citùvwà twikalangana. Vùlukàayi ne, mèmè ewu ndi mufùmìne ku miji yà beena Kàtòlikè. Nwamònu anyi? Mpindyewu, tudi bwònsò musùmbà musambàkàne mwab'ewu, kàdi tudi bapàtùke mu bintakanyi byònsò abi mpindyewu. Tudi bàà Kilistò. Tudi Bèndè. Mpindyewu patùdi twimba eci apa, twànjàayi kukùdimukakù ne kulabulangana ànu ku byanza. Kabyèna bikèngela mene kujuukila kuulu nànsha. Ambà ànu ne: “Nzambì àkubènèshè, mwanèètù wa balùme. Nzambì àkubènèshè, mwanèètù wa bakàji,” patùdi tucyènza apa, ànu mu cyuyùya cyà bwena Kilistò cyà bushùwà. Ndi ngùitabuuja ne Nzambì ùtu munangè bwà kwikala kukuukudiibwa. Kanwènakù nwela meeji nànkù anyi? KuMukuukwila. Yèyè. . . Nzambì ncintu cyà dikuukwila. Nènku tudi baswè kuMukuukwila. Ne mmunyi mutùdi twenza. . .? Nudi nunangangana muntu ne mukwèndè. Nudi baswè kwenzelangana muntu ne mukwèndè. . . “Panùdi nwenzela aba, Mèmè ngunùdi nwenzela.”

<sup>227</sup> Twànjàayi kuwimba mpindyewu, ne—ne kulabulangana ku cyanza, ne kukuukwila ne. . .

Bwalu Yèyè. . .  
Nzambì àkubènèshè.

Kaa, ndi muMunangè, ndi muMunangè  
Bwalu Yèyè wàkannanga kumpàla  
Ne wàkampetela lupàndù  
Pa. . .

<sup>228</sup> Ndi ndikonka ne, cìdi cyòsha mu mwoyi wèbè anyi? Kùdiku cintu munda amu cìdi ànu—ànu cyùmva bimpè menemene anyi? Nudi bamanyè's, udi udyùmva bu ne udi ànu mwà

kuCipàtula mwab'ewu ne kuCyùpukila. Huh? Udi udyùmvwà nànkù mu mwoyi wèbè anyi? Byòbì kabiyi nànkù to, mulundà wanyì, wàdifiita kazàdì. Udi mu mwaba wà njiwù, nwamònu's, kwòkò kakùyì dinanga dilelèlà muntwamu, cintu kampànda cyà ne: "Ndi muMunange." Kaciyi ànu musambu cyanàànà to, kàdì cintu cyà bushùwà. Wàkannanga kumpàla. Kùmvwà mufwànyine kwikala penyì, leelù ewu... Nkààdì ne bidimu makùmi àtaanu ne bitaanu. Mwoyi wànyì's mu mutaanci mukesè emu newimànè. Nwamònu anyi? Nènku cìndì... Kumpetela lupàndù... Mwanèètù Trow, ncinyì cyùvwà mwà kwikala...? [Mwanèètù wa balùme kampànda ùdì wàkwila mu disangisha. Katùpà kàà mukàbà wa mèyi munda mutupù—Muf.]

229 Nuvwa bumvwè bujaadiki abu ne: "Musùngidìibwe."

Musùngila ku bukolè Bwèndè bwà kwà Nzambi,  
Musùngila ku matùmbùke mapyamàpyà malengèle!  
Mwoyi mpindyewu mmupòle, disànkà dyànyì ndikùmbàne,  
Bwalu ndi musùngidìibwe.

230 Mmunyì munùdì numanya? Nyumà Wanyì ùdì ùfila bujaadiki ne Dìyì Dyèndè ne ndi muumùke ku lufù muyè ku Mwoyi.

231 Twasàkidilaayi, nwènù beena Kilstò bananga. Aci's cìdì cìngenza bìmpè. Ntu munange kubwela mu mwaba bu ewu mùdì udyùmvwà kwèbè kumbèlu. Bìtu bìnkolela bwà kuumuka's. Ntu ànu ntùngunuka ne kudyàmbila ne: "Tàngilàayi ku ntankù wàwa," ne—ne ndi mmòna mwanàanyi wa bakàji musòmbe mwaba wàwa, ùnyùkushila mutù, ne winama paanshì mùshindù awu; ne—ne mwanàanyi wa balùme, musòmbe kuulu eku, wàmba ne: "Ncinyì—ncinyì cyùdì kacya wàshààla mukùlamine mwab'ewu's?" Ncyènà mumanyè to. Ndi muswè ànu kusòmbe mu nyungulukilu... nudi bamanyè's. Ncyènà mumanyè to. Ntu munange bwobùmwe. Nudi bamanyè's, ncìtu mbùpeta mu myaba yàbùngì menemene to (aci's nudi bamanyè), mpeta ànu bwà bushààdile dìbà dyònsò. Kàdì ndi mumanyè ne ndi ngèndà nseemena pabwìpi ne mwaba awu. Nwamònu anyi? Nènku dìngà ditùkù nēnyiiše diyiiisha dyànyì dyà ndekeelu, kukanga Bible bwà musangu wà ndekeelu. Dìbà adi nēngēnzè kaalwendu kakesè. Nwàlwaku kungendela misangu mikwàbò pangenzà lwendu. Nwàbàndaayi, nènku netùsòmbele ànu paanshì bwà kashidi, ne kuyiikila ànu mwàkamba Mwanèètù Carl amu, ne kushààla ne mwoyi bwà kashidi.

232 Mpindyewu tàngilàayi, balundà bàanyi, ndi ne cyà kunùkonka cintu kampànda cìndì muswè kwenza. Mpindyewu ndi munùpicishile dìbà dyènù dyà didyà dyà mundaamunya. Nwamònu anyi? Nènku mpindyewu, Mwanèètù Outlaw wènji

cintu kampànda kukaadi katanci. . . Mpùùkàpùùkà bwà yéyè kwenza cintu kampànda cindi nciyi muswè to. Kàdi, nyéwù munsangishile mulàmbù, nwamònu's. Ndi ndikonka ní kùdikù umwe wa kùdibo wíkala ne cyà kwalukila, bwà kwaluja mulàmbù awu kuntwaku, ne kwimanyina ku ciibi. Nènku nwènù nukawangàtè bwà kusumba naawu cyàkudyà cyènù cyà mundaamunya. Aci's mmatàpishì àà kùndi mèmè, nzwàlujila. Nwamònu anyi? Enzàayi nànkù. Nwamònu anyi? Aci's neciikale cimpè. Yéyè's mmuntu wa kalolo. Utu misangu yònsò. . . Kacya kàtukù. . . Ncitukù mwanji kuya ní mpenyi anyi mwenze ní nciyi yéyè—yéyè kàyìku muswè kungenzelakù cintu kampànda bwà kungambulwisha nànsha. Ki mwèndè mùtùye.

<sup>233</sup> Kùdi muntu kampànda mwimàne kaaba aka; ndi—ndi ne bwòwà bwà kutèèla dìnà dyèndè, mbifwànyine kumutàpa ku mwoyi. Kùdi mwanèètù wa mushinga mukolè udi ufuma ku diya mu Butùmbi, muyè lùlàsàlùkàsà. Dijinga dyèndè. . . Yéyè's ùvwa mumanye ne ntu munange kuya mu meetu, nànkù wàkaswa kunsùmbila kàshinyi kàà cisuku. Ncyàkiitaba bwà ènzè nànkù to. Pashiishe paanyimà pàà yéyè mumanè kuya, mukàjèndè mukesè awu kujinga kucyènza, kàdi ncyàkiitaba bwà àcyènzè nànsha. Kàdi nsongààlùme yìvwà mishààle yàkadikungwija ne kuya lwà kuntweku. . . Nènku—nènku kùdi mwanèètù wa balùme mukwàbò udi mulwè ku èkèleeziyà ewu, wàmba ne: “Mwanèètù Branham, ntu ngènza màshinyi à mukokakoka à mu cipèèlà.” Nudi bamanyè's, ma-boghei; anyi cinùtù nubiikila ne *takisi* aci. Ki yéyè ne: “Nènkwenzèlè kàmwè kàà ku yòyi.” Nciwva mwà kumwitabila to. Nudi bamanyè cidi nsongààlùmè eyi myènzè anyi? Mbenze ka—kashinyi kàà cisuku ne takisi wà mu cipèèlà pàmwè. Kacya ncitukù mwanji kumòna kàà bwena aku to.


<sup>234</sup> Kuumukila ànu ku masangisha à ku Tucson dilòòlò adi, mbakendèsha too ne mu lupangu mwànyi, kàdi kwamba ne: “Eci nditàpishi difùmìne kùdi bantu bàà—bàà ku Phoenix.” Nwamònu's, kabàyi mene mwà kudìbweja mu bantu abu to, bàmba ànu ne: “Kaa, ntwètù bwònsò pàmwè, nudi numòna's.” Aci's. . . Kaa, ndi—ndi ànu mumanyè ne bu mèmè mwà kufika mu Dyulu, nènso mbè ne bantu bàà mùshindù awu. Aci's cìwva ne mushinga wàbùngi bwànyi mèmè, nudi bamanyè's, cintu ànu cyà mùshindù awu; tukesè etu. . . cintu kampànda.

<sup>235</sup> Bidi byenza ne ndyumvwè nànkù bwà Mwanèètù Outlaw ewu. Wèwè udi wamba ne: “Èè, Mwanèètù Branham, ndi ànu. . .” Ndàayibi ku cikampànda. . . fika ànu mwaba kampànda too ne muwàpeta bàdi mwà kukunanga, ne kukuyiikidisha, ne kuyiikila bwà Yesù. Ne—ne bwà bantu bàà. . . Èè, nudi bamanyè ne: “Nyuunyi yà masàlà àmwè.” Nudi bamanyè's, batù ànu bu baswè kudisanga pàmwè bwà kuyiikila bwà bintu abi, kwenzela bwobùmwè pàmwè.

<sup>236</sup> Nènku ndi—ndi ngàanyisha aci, kàdi nciwva—nciwva muswè

mulàmbù awu to, mwanèètù wa balùme, mwanèètù wa bakàji. Ndi. . . èkèleeziyà wanyì ùtu ùmpèèsha kaadifutu kakesè kàà ndola lukàmà ku lumingu ne ndi ndyàmbulwisha naayi bikùmbàne. Pa nàнку ndi—ndi ngàànyisha aci. Mpindyewu piikalà ní nganyì wa kunùdi muswè kupeta cyàkudyà cyèndè cyà mundaamunya emu, èè, muntu kampànda neikalè lwà paanyimà pàpa ku ciibi nènku mèmè ke udi unùsùmbila cyàkudyà aci. Nudi numòna's, nebiiikale ànu bimpè. Bàmwè bàà kunùdi, ndi munupangishe cyàkudyà cyènu cyà mundaamunya. Nudi baMunange anyi? Dìbà adi nudi ne cyà kunnanga bwalu mèmè ndi citùpà Cyèndè. Nwamònu anyi? Amen. Ki bwà cinyì ndi munùngè. Mukalenge ànùbènèshè.

<sup>237</sup> Twimanyinàayi kuulu mpindyewu. Kanùpù mwoyi masangisha ètu àcilwalwà to. Dìbà dyònsò dyùdi ànu pabwipi apa, wavùluka ànu, wàlwa. Tudi misangu yònsò ànu tukujingila difika dilenga. Nudikù mwà kunsambidila anyi? Mèmè—mèmè ke muntu udi ùkèngela disambila. Nudikù mwà kusambila anyi? Mbanganyi bàdi mwà kuumvwa bujitu abu, cidi cikèngela bwà mèmè kwenza, ne bintu bìdi kumpàlà kwànyì? Nènku ndi mumanye cidi munkaci mwà kulwa, ànu pambèlù pàpa. Nudi numòna anyi? Ndi ànu mwà kubimòna mùshindù ùmwèùmwe ùntù mmòna bikwàbò bintu abi bilwa. Ndi mumanyè cidi munkaci mwà kulwa. Nwamònu anyi? Kàdi dìbà dyà kucyàkula kadyènaku to. Twànjàayi kwakula bwà cidi munkaci mwà kwenzeka mpindyewu. Maaalabà neàditàngidilè bwalu bwèndè. Nwamònu anyi? Udikù. . . nenùnsambidilèku anyi? Mpindyewu, nuvwa beelè byanza byènu muulu bwà ne nenùnsambidile anyi? Eyo.

<sup>238</sup> Nzambi ànùbènèshè mpindyewu. Nkàadi ngàalujila mpaasàtà wenù munanga disangisha, Mwanèètù Jimmy Outlaw. Nzambi àkùbènèshè, Mwanèètù Jim. 

64-1227 Nudi Nwamba Ne Ewu Nganyi?  
Jesus Name Church  
Phoenix, Arizona États-Unis

CILUBA

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Dîyì dya bwena-cintu

Makenji ònsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwè anyi bwa kupeeshangana, kabiyi bya mfranga to, bu cintu cya kutangalaja naaci Evanjeeliyo wa Yesu Kilisto. Mukanda ewu kawenaku mwa kusumbishiibwa, kuvudijiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyì wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)